

॥ कोबातीर्थमंडन श्री महावीरस्वामिने नमः ॥

॥ अनंतलब्धिनिधान श्री गौतमस्वामिने नमः ॥

॥ गणधर भगवंत श्री सुधर्मस्वामिने नमः ॥

॥ योगनिष्ठ आचार्य श्रीमद् बुद्धिसागरसूरीश्वरेभ्यो नमः ॥

॥ चारित्रचूडामणि आचार्य श्रीमद् कैलाससागरसूरीश्वरेभ्यो नमः ॥

आचार्य श्री कैलाससागरसूरि ज्ञानमंदिर

पुनितप्रेरणा व आशीर्वाद

राष्ट्रसंत श्रुतोद्धारक आचार्यदेव श्रीमत् पद्मसागरसूरीश्वरजी म. सा.

जैन मुद्रित ग्रंथ स्केनिंग प्रकल्प

ग्रंथांक : १



श्री महावीर जैन आराधना केन्द्र

आचार्यश्री कैलाससागरसूरि ज्ञानमंदिर
कोबा, गांधीनगर-श्री महावीर जैन आराधना केन्द्र
आचार्यश्री कैलाससागरसूरि ज्ञानमंदिर
कोबा, गांधीनगर-३८२००७ (गुजरात)
(079) 23276252, 23276204
फेक्स : 23276249

Websiet : www.kobatirth.org

Email : Kendra@kobatirth.org

शहर शाखा

आचार्यश्री कैलाससागरसूरि ज्ञानमंदिर
शहर शाखा
आचार्यश्री कैलाससागरसूरि ज्ञानमंदिर
त्रण बंगला, टोलकनगर
परिवार डाइनिंग हॉल की गली में
पालडी, अहमदाबाद - ३८०००७
(079) 26582355

P 14038

॥ श्री सूक्तान्तं सूत्रम् ॥



પૂ. આચાર્યદેવ શ્રી આનંદસાગરસૂરીશ્વરજી મ.સા.ના ચરણે શત્ શત્ વંદન...



देवसूर तपागच्छ समाचारी संरक्षक-सुविहित सिध्धांत पालक
 बहुश्रुतोपासक-गीतार्थवर्य-चारित्र चूडामणि-आगमोद्धारक पूज्यपाद आचार्यदेवेश
 श्री आनंदसागर सूरेश्वरजी महाराजा संशोधित-संपादित ४५ आगमेषु

॥ श्रीसूत्रकृताङ्गम् ॥

❀ आलेखन कार्य-प्रेरक-वाहक ❀

प्रवचन प्रभावक पू. आ.श्री हेमचन्द्रसागर सूरिजी म.सा. शिष्यरत्न पू. गणिवर्यश्री पूर्णचन्द्रसागरजी म.सा.

❀ आलेखन कार्यवाहक संस्था ❀

पूज्यपाद सागरजी महाराजा संस्थापित जैनानंद पुस्तकालय-सुरत

आलेखन कार्ये किंचित् संस्मरणाणि

* आलेखन कार्ये आशीवृष्टिकारका :

पू. गच्छा. आ. श्री सूर्योदयसागर सूरेश्वरजी म.सा.

पू. आ. श्री. नरेन्द्रसागर सूरेश्वरजी म.सा.

पू. आ. श्री अशोकसागर सूरिजी म.सा.

पू. आ. श्री जिनचन्द्रसागर सूरिजी म.सा.

पू. आ. श्री हेमचन्द्रसागर सूरिजी म.सा.

* आलेखन कार्ये केचित् मार्गदर्शका :

पू. आ. श्री दोलतसागर सूरिजी म.सा.

पू. पं. श्री हर्षसागरजी म.सा.

पू. गणीश्री सागरचन्द्रसागरजी म.सा.

पू. गणी श्री नयचन्द्रसागरजी म.सा.

पू. गणी श्री अक्षयचन्द्रसागरजी म.सा.

पू. मुनि श्री लब्धिचन्द्रसागरजी म.सा.

माहिती दर्शक पत्र

■ आलेखन कार्ये सहयोग प्रदाता :

मुनिश्री आगमचन्द्रसागरजी म.सा.

श्राद्धगुण संपन्न श्री नरेन्द्रभाई मुक्तिलाल महेता (सूर्डगामवाला)

■ प्रथम संस्करण - सं. २०६१; का. सु.५.

■ कृति - २५०

■ कोऽधिकारी...?- श्रुत भाण्डागारं श्रमण प्रधान चतुर्विध संघाश्च

■ संग्राहकालय - जैनानंद पुस्तकालय, गोपीपुरा, सुरत।

■ व्यवस्थापका :

श्री उषाकांतभाई झवेरी- श्री नरेशभाई मद्रासी-श्री श्रेयस के. मर्वन्ट

■ आवास : निशा-१ १ले माले ,गोपीपुरा, काजीनुं मेदान,
तीनबत्ती, सुरत. दूरभाष - २५९८३२६(०२६१)

■ मुद्रण कार्यवाहक

श्री सुरेश डी. शाह (हेष्मा)-सुरत।

संपादक श्री

॥ પ્રાક્-કથન ॥

॥ કત્થ અઢારિસા પાણી દુષમા-દોષ દુષિયા, હા; અણાહા કહં હૂન્તા...! ન હૂન્તો જડ્ઝ જિણાગમો ॥

દુષ્મકાળે જિનાગમ-જિન પ્રતિમા ભવિચલ કું આધારા...!!

ભવાટવીમાં ભ્રમિત પ્રાણીને ભીમ મહાટવીમાંથી બહાર લાવનાર મિથ્યાત્વરૂપ અંધકારમાંથી પ્રકાશ તરફ ગતિ કરાવનાર શ્રુતજ્ઞાનની મહત્તા અદ્વિતીય કક્ષાની છે. શ્રુતજ્ઞાનનો મહીમા પરમ મનનીય અને માનનીય હોવાના કારણે પ્રભુ શાસનમાં પરમ આધાર ભૂત કરણ તરીકે ગણના કરી છે. આગમએ વીર પ્રભુની વાણી સ્વરૂપ છે.

આગમોની રચના કાળ :- પ્રભુ મહાવીર સ્વામીના શાસનની અપેક્ષાએ વીર નિર્વાણ સંવત પૂર્વે ૨૮, વિક્રમ સંવત પૂર્વે ૪૮૮ વર્ષે વૈશાખ સુદ એકાદશી દિને તારક તીર્થંકર પ્રભુ મહાવીર દેવની ત્રિપટ્ટીને પામી આઘ ગણધર અનંતલબ્ધિ નિધાન શ્રી ઈન્દ્રભૂતિ (ગૌતમસ્વામીજી) આદિ એકાદશ ગણધરોએ આગમોની રચના કરી તેજ ક્ષણે પ્રભુએ તેની યથાર્થતા-ગણાનુજ્ઞા-શાસનાનુજ્ઞા આદિના વાસકેપથી જાહેર કરી.

ગણધર ભગવંતના શિષ્યો-મુનિઓએ યથાયોગ્યતાનુંસાર શિષ્ય-પ્રશિષ્યાદિ પરિવારને વિનયપૂર્વક શાસ્ત્ર નિર્દિષ્ટ વિધિ-મર્યાદા પૂર્વક ગુરૂ પાસેથી મુખપાઠ રીતે દ્વાદશાંગીનો અભ્યાસ કરતા હતાં, લખીને કે લખેલ પુસ્તકો દ્વારા ભણવા અંગે તત્કાળે પરંપરા ન હતી.

પ્રથમ વાચના :- વીર પ્રભુના નિર્વાણબાદ તેમની પટ્ટ પરંપરામાં પાંચમા કેવલી તરીકે પ્રસિધ્ધ શ્રી ભદ્રબાહુ સ્વામીજીના સમયમાં વિષમકાલના બલના પ્રભાવે ભયંકર બાર વર્ષીય દુકાલ પડ્યો સાધુઓ અનુકૂળતા મુજબ વેર વિખેર થયાં, સાથો સાથ વીર નિ. સં. ૧૫૫ લગભગમાં નંદવંશના સામ્રાજ્યનો પલટો થયો, દેશમાં ભયંકર આંધી વ્યાપી, જૈન શ્રમણોના વિહારના કેન્દ્રરૂપ મગધદેશની

॥ પ્રાક્-કથન ॥

૧

સંપાદક શ્રી

રાજધાની પટણા અને પંજાબ વચ્ચેના પ્રદેશો ભીષણ પરિસ્થિતિમાં મૂકાયા, શ્રમણ સમુદાયના વિખરાઈ જવાથી આગમોનું પઠન-પાઠન ખુબ જ અવ્યવસ્થિત થયું, જ્ઞાની પુરુષોમાંથી કેટલાયે સ્વર્ગ પધાર્યા, મુખપાઠની પદ્ધતિ પર એક જબરદસ્ત ધક્કો લાગ્યો પરિસ્થિતિને સુધારવા વીર નિ. સં.-૧૬૦ લગભગમાં પાટલીપુત્ર નગરે (પટના-બિહાર) શ્રી સ્થુલભદ્ર સ્વામીની અધ્યક્ષતામાં શ્રમણસંઘ એકત્રિત થયો, ગીતાર્થોની સલાહ મુજબ દ્વાદશાંગીની સંકલના વ્યવસ્થિત કરવાનો પ્રયાસ કર્યો, પ્રાયઃ આ પ્રજ્ઞ આગમ વાચના થઈ તેનું નામ ‘ શ્રી દ્વાદશાંગ-શ્રુતસંકલન’ નામે પંકાયાનો ઇતિહાસ મળે છે.

દ્વિતીય વાચના :- તેમના પછી જિનકલ્પીના અભ્યાસક આર્ય મહાગિરીજીના ગુરૂ ભ્રાતા પૂ. આ. શ્રી આર્ય સુહસ્તિ સૂરિ પ્રતિબોધિત પ્રભુ શાસનના ચરમ ભક્ત સમ્રાટ સંપ્રતિએ ઉજ્જૈનમાં આર્ય સુહસ્તિ મ. ને વિનંતી કરી તેમના સાનિધ્યમાં વીર નિ. સં. ૨૪૫ થી ૨૮૧ના વર્ષોમાં જિનાગામની સાયવણી સુરક્ષિત રહે તેવા યથાર્થ પ્રયાસો કર્યા, પઠન-પાઠનની વ્યવસ્થામાં આવેલી ખામીને દૂર કરી જેથી આ બીજી વાચનાનું નામ ‘ આગમ સંરક્ષણ વાંચના’ દૃષ્ટિ ગોચર થાય છે.

તૃતીય વાચના :- મૌર્ય રાજવંશીઓનો સેનાપતિ પુષ્યમિત્રે રાજદ્રોહ કરી રાજા બન્યો ધર્માધ બનેલા સમ્રાટ સંપ્રતિની શાસન પ્રભાવનાને નામ શેષ કરવા તેણે જૈન શ્રમણો તથા બૌદ્ધ શ્રમણોના શિરચ્છેદ કરાવી કાળો કેર વર્તાવ્યો, સાધુઓ પ્રાણ રક્ષાર્થે કલિંગ દેશ તરફ ચાલ્યા ગયા, કલિંગાધિપતિ મહામેઘવાહન ખારવેલ મહારાજા પરમ જૈન હતાં. આ પ્રમાણે પ્રાણ બચાવવાની વ્યથામાં જિનાલયો તથા, આગમ પઠન-પાઠનની વ્યવસ્થાને જબરદસ્ત હાની થવા પામી, કલિંગ દેશના રાજા ભિક્ષુપુરાય ખારવેલે તેનો પરાજય કરી ફરી જીવંત કરવા પ્રયાસ કર્યો વીરનિ. સં. ૩૦૦ થી ૩૩૦ સુધીના મધ્યાહ્ન કાલમાં મુનિ સમ્મેલનમાં જિનકલ્પિની તુલના કરનાર પૂ.આ. મહાગિરીના શિષ્યો-પ્રશિષ્યો આ. બલિસ્સહ સૂ.મ. આ. દેવાચાર્ય, આ. ધર્મસેન વિગેરે ૨૦૦ શ્રમણો, આ. સુસ્થિત સૂરિ વગેરે સ્થવિર કલ્પિ ૩૦૦ શ્રમણો, આર્યા પોઈણી વિગેરે ૩૦૦ શ્રમણીઓ, સીવંદ, ચૂર્ણક, સેલગ વગેરે ૭૦૦ શ્રાવકો અને પૂર્ણ મિત્રાહિ ૭૦૦ શ્રાવિકા દ્વારા ત્રીજી આગમ

વાચનામાં અગિયાર અંગો અને દશ પૂર્વોના પાઠોને વ્યવસ્થિત કરવામાં આવ્યા.

ચતુર્થ વાચના :- કાલાધિન અંતિમ દશપૂર્વધર, બાલ વૈરાગી, અનુપમ સંવેગી શ્રી વજ્રસ્વામીએ અંતિમ સમયે સ્વ પટ્ટધર શ્રીવજ્રસેન સૂ.મ.ને ભયંકર દુકાલના ચરમ સમયની જાણમાં ‘લાખ સોનેયા આપીને એક હાંડી ભાતની ચડશે તેના બીજા દિવસથી સુકાલ થશે’ આ વાત જણાવી આવો ભયંકર દુકાલ વીર નિ. સં. ૫૮૦ થી ઉત્તર ભારતમાં વ્યાપ્ત થયો. જેમાં ગણો-કુલો-વાચકવંશો માત્ર નામશેષ થઈ ગયા. આગમ વારસો ટકાવનાર મુનિપુંગવોની સંખ્યા જૂજ થઈ ગઈ કાળ-બળ ક્ષયે ધારણા શક્તિની અનુકૂલતા પ્રમાણે પણ જો આગમનું સંકલન કરવામાં નહીં આવે તો રહ્યા સાધુઓ પણ રહેલા આગમના વારસાને સાચવવા સમર્થ ન નિવડી શકે માટે ભવિષ્યના અલ્પશક્તિવાળા પણ મેઘાવી સાધુઓને રાખવામાં વિષયાનુસંધાન દ્વારા સુગમતા સાંપડે તેથી સમકાલીન અન્ય પ્રભાવક આચાર્યોની સંમતિ લઈ શ્રી આર્યરક્ષિત સૂરિ મ. ચાર અનુયોગની વ્યવસ્થા કરી. આગમોને ચિરંજીવ બનાવ્યા વીર નિ. સં. ૫૮૨ લગભગમાં દશપુર (મંદસૌર) (માલવા) નગરે ચોથી વાચના થઈ.

પંચમ વાચના :- વીર સં. ૮૩૦ થી ૮૪૦ લગભગમાં પૂ. આ. સ્કંદિલ સૂરિએ ઉત્તરાપથના મુનિઓને મથુરામાં તથા નાગેન્દ્રવંશીય પરમ પ્રભાવક શ્રી હિમવંત ક્ષમા શ્રમણના શિષ્ય આ. શ્રી નાગાર્જુન સૂરિએ દક્ષિણાપથના મુનિઓને વલભીમાં આગમોની સંકલના કરવા એકઠા થયા કીંતુ તે સમયની દેશગત અંધાધુંધીના કારણે એક જ સાથે ભિન્ન-ભિન્ન સ્થળે આગમવાચનાઓ કરી ભવિષ્યમાં માથુરી અને વલભીવાચનાઓના પાઠ ભેદોનું સમન્વય સહજ થઈ જશે આ હેતુપૂર્વક પાંચમી વાચના કરી.

ષષ્ઠી વાચના :- તેજ ભાવનાઓ અનુસાર માથુરી વાચનાના વારસદાર આ. શ્રી દેવર્દિગણી ક્ષમાશ્રમણે તથા વલભીવાચનાના વારસદાર આ. શ્રી કાલક સૂરિએ ભેગા મળી. શ્રમણ સંઘને એકત્રિત કરી, કાલકમે વિણસી જતા આગમના ખજાનાને સ્થાયી બનાવવાના શુભ આશયથી શ્રી શત્રુંજ્યાધિષ્ઠાયક શ્રી કપર્દીયક્ષ આદિ દૈવીક સહાયકથી ૫૦૦ આચાર્યાદિઓએ મળી વલભીપુર(વળા સૌરાષ્ટ્ર)માં

॥ પ્રાક્-કથનો ॥

૩

સંપાદક શ્રી

પુસ્તકાડૂઢ રૂપ આગમ વાચના કરી, આ વાચનામાં ચોરાશી આગમોનું વ્યવસ્થિત સંકલન તાડપત્રના પાના ઉપર લિપિબધ્ધ કરી આગમોને પુસ્તકાડૂઢ કરવાનું કાર્ય સાધુ ભગવંતોએ કર્યું. તેમજ અન્ય મહત્વના ગ્રંથોનું પુસ્તકાલેખન કાર્ય થયેલ, ત્યારબાદ સાધુ સત્યમિત્ર સ્વર્ગે ગયા અને વીર નિ. સં. ૧૦૦૦માં વર્ષે પૂર્વજ્ઞાનનો વિચ્છેદ થયો તેમ મનાય છે.

પ્રભુવીરના શાસનમાં ઉપરોક્ત ‘છ’ વાચનાઓના માધ્યમે ૧૦૦૦ વર્ષના ગાળામાં થયેલ શ્રુતોધ્ધારનો ઈતિહાસ મોજૂદ છે. ત્યાર પછી ૧૫૦૦ વર્ષ સુધી આગમ વાચનાનો કે શ્રુતોધ્ધારનો કોઈ ઉલ્લેખ નથી મળતો.

તેમજ વિષમકાળના પ્રભાવથી ૧૦મી સદીની સમાપ્તિ કાળથી શિથિલાચારની વૃધ્ધિ થવાથી આગમિક જ્ઞાનની પરંપરા સુવિહિત ગીતાર્થ, આચાર સંપન્ન શ્રમણોના હાથમાં રહી નહીં પરિણામે હસ્તલિખિત પ્રતોમાં રહેલ આગમો અધિકારીને પણ મળવા દુર્લભ બન્યા.

છેવટે વીસમી સદીના ઉત્તરાર્ધના પ્રારંભકાળે સુવિહિત સંવેગી સાધુઓમાં આચાર નિષ્ઠા, વિશિષ્ટ વૈરાગ્યની પ્રબલ ભૂમિકા આદિ સુદૃઢ હોવા છતાંય આ બધાને ટકાવવા માટેના જરૂરી સંજોગો ન મળતાં આગમિક જ્ઞાનની માત્રા પઠન-પાઠનની શાસ્ત્રીય પરંપરા સુરક્ષિત ન રહી શકવાના કારણે ખુબ જ અલ્પ માત્રામાં રહેવા પામી

આવા અવસરે શ્રમણસંઘની ૧૮ પ્રસિધ્ધ શાખાઓમાં વધુ પ્રભાવશાળી ‘સાગરશાખા’ના અદ્વિતીય પ્રતિભા સંપન્ન પ્રૌઢધીષણશાલી અનેકવાદો કરી તપાગચ્છની વિજય પતાકા ફેલાવનાર પૂ. મુનિરાજ શ્રી ઝવેરસાગરજી. મ.ના. એક માત્ર શિષ્ય નવ માસના ટૂંકા ગાળાનો જ ગુરૂ સહવાસ છતાં પૂર્વજન્મની આરાધનાના બળે એકલે હાથે ન્યાય-વ્યાકરણ, આગમટીકા આદિ અનેક સાધના ગ્રંથોનું અગાધ વિદ્વત્તા પૂર્ણ જ્ઞાન મેળવી પૂ. ગુરૂદેવ શ્રી ઝવેરસાગરજી મ.ની આગમોની પારદશ્વતાના વારસાને તે ગુરૂદેવશ્રીના અન્તિમ સમયના “ આગમો કા અધ્યાસ બરોબર કરના ” શબ્દ પાછળ રહેલ ઉંડા અંતરના આશિષના બળે આગમિક તલસ્પર્શી અગાધ માર્મિક જ્ઞાન આપ મેળે મેળવી વીર નિ. સં. ૨૪૪૦ વિ.સં. ૧૯૭૦માં કો’ક મંગલ ચોઘડીએ જિનશાસનના એક મહાન ધુરંધર સમર્થક પ્રભાવક શાસ્ત્રોના પારગામી

આચાર્યભગવંતો વર્ષો જૂની શ્રમણસંઘની ફરજ અને જવાબદારી રૂપ આગમોના અણમોલ વારસાને સુરક્ષીત રાખવાના પ્રશ્ને ફરીથી ઉપસ્થિત કરી.

રાજ્યદ્વારી ઉપદ્રવો, ધર્માંધ ઝનૂન, બ્રિટીશ હકૂમત, જનતામાં ફેલાયેલ ક્રાન્તિકારી વિચારધારા, પશ્ચાત્ય કેળવણીના સંસ્કાર આદિ સંઘર્ષ કાળમાં પુસ્તકો પ્રતો મેળવવી અતિકઠીન હતી તે સમયે જુદા જુદા ખૂણે રહેલી હસ્તપ્રત-તાડપત્ર આદિ પરથી સંશોધન કરી જાત મહેનતે પ્રેસકોપીથી માંડીને સુધારવા સુધીની સંપૂર્ણ દેખરેખ જવાબદારીથી આગમ ગ્રંથોની મર્યાદિત પ્રતિઓ છપાવી સામુદાયિક વાચનાઓ વિ. સં. ૧૯૭૧થી ૧૯૭૭ સુધીમાં પાટણ-કપડવંજ-અમદાવાદ-સુરત આદિ ક્ષેત્રોમાં છ-છ મહીનાની વાચનાઓ ગોઠવી સેંકડો સાધુ-સાધ્વીઓને આગમોને વાંચવાની પરિપાટી આદિનો સંપૂર્ણ ખ્યાલ કરાવ્યો સાત સામુદાયિક વાચનાઓમાં ૨૬ ગ્રંથો વાંચ્યા તેમાં લગભગ ૨,૩૩,૨૦૦ શ્લોકની વાચના આપી તથા આગમ દિવાકર પૂ. મુનિશ્રીપુણ્યવિજયજી મ. આદિને પણ આ ક્ષેત્રે આગળ વધવા અંગૂલ નિર્દેશ કરી આ મહાપુરુષે શ્રુત સરિતાને ધોધમાર વહેતી કરી છે.

આ મહાપુરુષ તે પ્રાતઃ સ્મરણીય ગુજરાત-માલવા-રાજસ્થાન-બંગાલ- બિહાર આદિ અનેક ક્ષેત્ર સંઘો તથા સુરત સંઘના આમૂલચૂલ ઉપકારી, આગમોધ્ધારક ધ્યાનસ્થ સ્વર્ગસ્થ પ.પૂ. આચાર્યશ્રી આનંદસાગર સૂરીશ્વરજી મહારાજ જેઓ ‘ પૂ. સાગરજી મ.’ ના લાડીલા, હૂલામણા નામથી પણ પ્રસિદ્ધ હતાં તેમના જ સંશોધિત આગમો અમને પ્રતાકારે પુર્ન મુદ્રિત કરાવવાનો લાભ પ્રાપ્ત થયો છે. તા.ક. વર્તમાન કાળે ગ્રંથો, શાસ્ત્રો, સુવિદિત ગીતાર્થ આચાર્ય ભગવંતો, ઈતિહાસકારો પાસેથી પ્રાપ્ત થતી માહિતી અનુસાર વીર નિર્વાણના ૧૦૦૦ વર્ષમાં છ-છ વાચના-સંકલન બાદ ૧૫૦૦ વર્ષ સુધીમાં આવું કોઈ કાર્ય થયેલ જણાતું નથી ત્યાર બાદ એકલા હાથે આપ બળે સૌ પ્રથમ આગમ ઉધ્ધારના ભગીરથ કાર્યને કરનાર ગુરુદેવને કોટી-કોટી વંદના...

॥ श्रीआचाराङ्ग सूत्रं ॥

सुयं मे आउसं ! तेणं (आमसंतेणं आवसंतेण पाठांतरं) भगवया एवमक्खायं इहमेगेसिं णो सण्णा भवइ । सूत्रं १ ।
 तंजहापुरत्थिमाओ वा दिसाओ आगओ अहमंसि, दाहिणाओ वा दिसाओ आगओ अहमंसि, पच्चत्थिमाओ वा दिसाओ आगओ
 अहमंसि, उत्तराओ वा दिसाओ आगओ अहमंसि, उट्ठाओ वा दिसाओ आगओ अहमंसि, अहो (प्रत्यंतरं अथे) दिसाओ वा आगओ
 अहमंसि, अण्णयरीओ वा दिसाओ अणुदिसाओ वा आगओ अहमंसि, एवमेगेसिं णो णायं भवति । सूत्रं २ । अत्थि मे आया
 उववाइए, के अहं आसी ? के वा इओ चुए इह पेच्चा भविस्सामि ? । सूत्रं ३ । से जं पुण जाणेज्जा सहसंमइयाए परवागरणेणं अण्णेसिं
 अंतिए वा सोच्चा, तंजहा पुरत्थिमाओ वा दिसाओ आगओ अहमंसि जाव (प्र० एव दक्खिणा०) अण्णयरीओ दिसाओ अणुदिसाओ
 वा आगओ अहमंसि, एवमेगेसिं जं णायं भवति अत्थि मे आया उववाइए, जो इमाओ दिसाओ अणुदिसाओ वा अणुसंचरइ
 (अणुसंसरइ पा०) सव्वाओ दिसाओ अणुदिसाओ, सोऽहं । सूत्रं ४ । से आयावादी लोयावादी कम्मावादी किरियावादी । सूत्रं ५ ।
 अकरिस्सं चऽहं, कारवेसु चऽहं, करओ आवि समणुत्ते भविस्सामि । ६ । एयावंति सघावंति लोगंमि कम्मसमारंभा परिजाणियव्वा

भवन्ति । ७ । अपरिण्णायकम्मा (प्र० म्मे) खलु अयं पुरिसे जो इमाओ दिसाओ वा अणुदिसाओ वा अणुसंचरइ, सव्वाओ दिसाओ सव्वाओ अणुदिसाओ साहेति । ८ । अणेगरूवाओ जोणीओ संधेइ (संधावइ पा०) विरूवरूवे फासे पडिसंवेदेइ । ९ । तत्थ खलु भगवता परिण्णा पवेइआ । १० । इमस्स जीवियस्स परिवंदणमाणणपूयणाए जाईमरणमोयणाए (भोयणाए पा०) दुक्खपडिघायहेउं । ११ । एयावन्ति सव्वावन्ति लोगंसि कम्मसमारंभा परिजाणियव्वा भवन्ति । १२ । जस्सेते लोगंसि कम्मसमारंभा परिण्णाया भवन्ति से हु मुणी परिण्णायकम्मे । १३ । त्तिवेमि ॥ अ० १ प्रथमोद्देशकः १ ॥

अट्टे लोए परिजुण्णे दुस्संबोहे अविजाणाए अरिस्स लोए पव्वहिए तत्थ तत्थ पुढो पास आतुरा (अस्सिं) परितावेति । १४ । संति पाणा पुढो सिया लज्जमाणा पुढो पास अणगारा मोत्ति एये पवयमाया जमिणं विरुवरूवेहिं सत्थेहिं पुढविकम्मसमारंभेण पुढविसत्थं समारंभेमाणा अणेगरूवे पाणे विहिंसइ । १५ । तत्थ खलु भगवया परिण्णा पवेइया, इमस्स चेव जीवियस्स परिवंदणमाणणपूयणाए जाईमरणमोयणाए दुक्खपडिघायहेउं से सयमेव पुढविसत्थं समारंभइ अण्णेहिं वा पुढविसत्थं समारंभावेइ अण्णे वा पुढविसत्थं समारंभंते सम्पणुजाणइ । १६ ॥ तं से अहिआए तं से अबोहीए से तं संबुज्झमाणे आयाणीयं समुट्ठाय सोच्चा खलु भगवओ अणगाराणं (प्र० वा० अंतिए) इहमेगेसिं णातं भवति एस खलु गंथे एस खलु मोहे एस खलु मारे एस खलु णरए इच्चत्थं गड्डिए लोए जमिणं विरूवरूवेहिं सत्थेहिं पुढविकम्मसमारंभेण पुढविसत्थं समारंभमाणे अण्णे अणेगरूवे पाणे विहिंसइ, से वेमि

अप्येगे अंधमब्धे अप्येगे अंधमच्छे अप्येगे पायमब्धे अप्येगे पायमच्छे अप्येगे गुप्फमब्धे अप्येगे गुप्फमच्छे अप्येगे जंधमब्धे २ अप्येगे उरुमब्धे २ अप्येगे कडिमब्धे २ अप्येगे णाभिमब्धे २ अप्येगे उदरमब्धे २ अप्येगे पासम्बधे २ अप्येगे पिट्टिमब्धे २ अप्येगे उरमब्धे २ अप्येगे हिययमब्धे २ अप्येगे थणमब्धे २ अप्येगे खंधमब्धे २ अप्येगे बाहुमब्धे २ अप्येगे हत्थमब्धे २ अप्येगे अंगुलिमब्धे २ अप्येगे णहमब्धे २ अप्येगे गीवमब्धे २ अप्येगे हणुमब्धे २ अप्येगे होट्टमब्धे २ अप्येगे दंतमब्धे २ अप्येगे जिब्भमब्धे २ अप्येगे तालुम्बधे २ अप्येगे गलमब्धे २ अप्येगे गंडमब्धे २ अप्येगे कण्णमब्धे २ अप्येगे णासमब्धे २ अप्येगे अच्छिमब्धे २ अप्येगे भमुहमब्धे २ अप्येगे णिडालमब्धे २ अप्येगे सीसमब्धे २ अप्येगे संपमारए अप्येगे उद्वए, इत्थं सत्थं समारंभमाणस्स इच्चेते आरंभा अपरिण्णाता भवन्ति । १७ । एत्थं सत्थं असमारभमाणस्स इच्चेते आरंभा परिण्णाता भवन्ति, तं परिण्णाय मेहावी नेव सयं पुढविसत्थं समारंभेज्जा णेवऽण्णेहिं पुढविसत्थं समारंभावेज्जा णेवऽण्णे. सत्थं समारंभन्ते समणुजाणेज्जा जस्सेते पुढविकम्मसमारंभा परिण्णाता भवन्ति से हु मुणी परिण्णातकम्मेत्ति बेमि । १८ ॥ अ० १ द्वितीय उद्देशकः ॥

से बेमि से जहावि अणगारे उज्जुकडे नियायपडिवण्णे (निकायपडिवन्ने पा०) अमायं कुव्वमाणे वियाहिए । १९ । जाए सद्धाए निक्खंतो तमेव अणुपालिज्जा वियहिता विसोत्तिथं (विजहिता पुव्वसंजोगं पा०) । २० ॥ पयणा वीरा महावीहिं । २१ । लोगं च आणाए अभिसमेच्चा अकुओभयं । २२ । से बेमि णेव सयं लोगं अब्भाइक्खिज्जा णेव अत्ताणं अब्भाइक्खिज्जा, जे लोयं अब्भाइक्खिज्जा

से अत्ताणं अब्भाइक्खइ जे अत्ताणं अब्भाइक्खइ से लोयं अब्भाइक्खइ । २३ । लज्जमाणा पुढो पास अणगारा मोत्ति एगे पवयमाणा जमिणं विरुवरूवेहिं सत्थेहिं उदयकम्मसमारंभेणं उदयसत्थं समारंभमाणे (५० अण्णे) अणेगरूवे पाणे विहिंसइ । तत्थ खलु भगवता परिण्णा पवेदिता । इमस्स चेव जीवियस्स परिवंदणमाणणपूयणाए जाइमरणमोयणाए दुक्खपडिघायहेउं से सयमेव उदयसत्थं समारंभति अण्णेहिं वा उदयसत्थं समारंभावेति अण्णे वा उदयसत्थं समारंभंते समणुजाणति, तं से अहियाए तं से अबोहीए, से तं संबुज्झमाणे आयाणीयं समुट्ठाय सोच्चा भगवओ अणगाराणं वा अंतिए इहमेगेसिं णायं भवति एस खलु गंथे एस खलु मोहे एस खलु मारे एस खलु णरए इच्चत्थं गट्ठिए लोए जमिणं विरुवरूवेहिं सत्थेहिं उदयकम्मसमारंभेणं उदयसत्थं समारंभमाणे अण्णे अणेगरूवे पाणे विहिंसइ । से बेमि संति पाणा उदयनिस्सिया जीवा अणेगे । २४ । इहं च खलु भो ! अणगाराणं उदयं जीवा वियाहिया । २५ । सत्थं चेत्थं अणुवीइ पास पुढो सत्थं पवेइयं (पुढो पासं पवेदितं पा०) । २६ । अदुवा अदिन्नादाणं । २७ । कप्पइ णे कप्पइ णे पाउं अदुवा विभूसाए । २८ । पुढो सत्थेहिं विउट्ठंति । २९ । एत्थं ऽवि तेसिं नो निकरणाए । ३० । एत्थं सत्थं समारंभमाणस्स इच्चेए आरंभा अपरिण्णाया भवंति, एत्थं सत्थं असमारंभमाणस्स इच्चेते आरंभा परिण्णाया भवंति, तं परिण्णाय मेहावी णेव सयं उदयसत्थं समारंभेज्जा णेव ऽण्णेहि उदयसत्थं समारंभावेज्जा उदयसत्थं समारंभंते ऽवि अण्णे ण समणुजाणेज्जा, जस्सेते उदयसत्थसमारंभा परिण्णाया भवंति से हु मुणी परिण्णात कम्भेत्तिबेमि । ३१ । १ अध्ययने तृतीयोद्देशकः ॥

સે બેમિ ણેવ સયં લોગં અબ્બાઙ્કવ્વેજ્ઞા ણેવ અત્તાણં અબ્બાઙ્કવ્વેજ્ઞા જે લોયં અબ્બાઙ્કવ્વઙ્ક સે અત્તાણં અબ્બાઙ્કવ્વઙ્ક જે અત્તાણં અબ્બાઙ્કવ્વઙ્ક સે લોયં અબ્બાઙ્કવ્વઙ્ક । ૩૨ । જે દીહલોગસત્થસ્સ ચેયણ્ણે સે અસત્થસ્સ ચેયણ્ણે જે અસત્થસ્સ ચેયણ્ણે સે દીહલોગસત્થસ્સ ચેયણ્ણે । ૩૩ । વીરેહિં એયં અભિભૂય દિટ્ઠં સંજણ્ણિં સયા જત્તેહિં સયા અપ્પમત્તેહિં । ૩૪ । જે પમત્તે ગુણદ્વિએ સે હુ દંડેત્તિ પવુચ્છઙ્ક । ૩૫ । તં પરિણ્ણાય મેહાવી ઇયાણિં ણો જમહં પુવ્વમકાસી પમાણં । ૩૬ । લજ્જમાણા પુઢો પાસ અણગારા મોત્તિ એગે પવદમાણા જમિણં વિરૂવરૂવેહિં સત્થેહિં અગણિકમ્મસમારમ્ભેણં અગણિસત્થં સમારમ્ભમાણે અણ્ણેવિ અણેગરૂવે પાણે વિહિંસત્તિ, તત્થ ચલુ ભગવતા પરિણ્ણા પવેદિતા ઇમસ્સ ચેવ જીવિયસ્સ પરિવંદણમાણણપૂયણાણ જાઙ્ગમરણમોયણાણ દુક્ખપડિધાયહેઠં સે સયમેવ અગણિસત્થં સમારમ્ભઙ્ક અણ્ણેહિં વા અગણિસત્થં સમારમ્ભાવેઙ્ક અણ્ણેવા અગણિસત્થં સમારમ્ભમાણે સમણુજાણઙ્ક તં સે અહિયાણે તં સે અબોહિયાણે સે તં સંબુઙ્ગમાણે આયાણીયં સમુટ્ઠાય સોચ્છા ભગવઓ અણગારાણં વા અંતિએ ઇહમેગેસિં ણાયં ભવતિ એસ ચલુ, ગંથે એસ ચલુ મોહે એસ ચલુ મારે એસ ચલુ ણરણે ઇચ્છત્થં ગઙ્ગિઢણે લોણે જમિણં વિરૂવરૂવેહિં સત્થેહિં, અગણિકમ્મં સમારમ્ભમાણે અણ્ણે અણેગરૂવે પાણે વિહિંસઙ્ક । ૩૭ । સે બેમિ સંતિ પાણા પુઢવીનિસ્સિયા તણ્ણિસ્સિયા પત્તણિસ્સિયા કઢ્ઢનિસ્સિયા ગોમયણિસ્સિયા, કયવરણિસ્સિયા સંતિ સંપાતિમા પાણા આહચ્ચ સંપયંતિ, અગણિં ચ ચલુ પુઢા એગે સંઘાયમાવજ્ઞંતિ, જે તત્થ સંઘાયમાવજ્ઞંતિ તે તત્થ પરિયાવજ્ઞંતિ જે તત્થ પરિયાવજ્ઞંતિ તે તત્થ ઉદાયંતિ । ૩૮ । એત્થં સત્થં સમારમ્ભમાણસ્સ ઇચ્છેતે આરંભ અપરિણ્ણાયા ભવંતિ, એત્થં સત્થં

असमारंभमाणस्स इच्चेते आरंभा परिण्णाया भवन्ति, (तं परिण्णाय मेहावी णेव सयं अगणिसत्थं समारंभे नेवण्णेहिं अगणिसत्थं समारंभावेज्जा अगणिसत्थं समारंभमाणे अण्णे न समणुजाणेज्जा) जस्सेते अगणिकम्मसमारंभा परिण्णाया भवन्ति से हु मुणी परिण्णायकम्मेत्तिवेमि । ३१ । अ० १ उ० ४ ॥

तं णो करिस्सामि समुट्ठाए, मत्ता मड्ढमं, अभयं विदित्ता, तं जे णो करए, एसोवरए, एत्थोवरए, एस अणगारेत्ति पवुच्चई । ४० । जे गुणे से आवट्टे जे आवट्टे से गुणे । ४१ । उड्डं अवं तिरियं पाईणं पासमाणे रुवाइं पासति, सुणमाणे सद्दाइं सुणेत्ति, उड्डं अवं पाईणं मुच्छमाणे रूवेसु मुच्छति, सद्देसु आवि । ४२ । एस लोए वियाहिए एत्थ अगुत्ते अणाणाए । ४३ । पुणो पुणो गुणासाए, वंकसमायारे । ४४ । पमत्तेऽगारमावसे । ४५ । लज्जमाणा पुढो पास, अणगारा मोत्ति एगे पवदमाणा जमिणं विरूवरूवेहिं सत्थेहिं वणस्सइकम्मसमारंभेणं वणस्सइसत्थं समारंभमाणा अण्णे अणेगरूवे पाणे विहिंसन्ति, तत्थ खलु भगवया परिण्णा पवेदिता, इमस्स चेव जीवियस्स परिवंदणमाणणपूयणाए जाती (प्र० जरा) मरणमोयणाए दुक्खपडिघायहेउं से सयमेव वणस्सइसत्थं समारंभइ अण्णेहिं वा वणस्सइसत्थं समारंभावेइ अण्णे वा वणस्सइ सत्थं समारंभमाणे समणुजाणइ, तं से अहियाए तं से अबोहीए, से तं संबुज्झमाणे आयाणीयं समुट्ठाए सोच्चा भगवओ अणगाराणं वा अंतिए इहमेगेसिं णायं भवति एस खलु गंथे एस खलु मोहे एस खलु मारे एस खलु णारए, इच्चत्थं गडिढए लोए, जमिणं विरूवरूवेहिं सत्थेहिं वणस्सइकम्मसमारंभेणं वणस्सइसत्थं समारंभमाणे अण्णे

अणेगरूवे पाणे विहिंसंति १४६ । से बेमि इमं पि जाइधम्मयं एयं पि जाइधम्मयं इमं पि वुड्ढिधम्मयं एयं पि वुड्ढिधम्मयं इमं पि चित्तमंतयं
 एयं पि चित्तमंतयं इमं पि छिण्णं मिलाइ एयं पि छिण्णं मिलाइ इमं पि आहारगं एयं पि आहारगं इमं पि अणिच्चयं एयं पि अणिच्चयं इमं पि
 असासयं एयं पि असासयं (इमं पि अधुवं एयं पि अधुवं चू) इमं पि चयावचइयं एयं पि चयावचइयं इमं पि विपरिणामधम्मयं (प्र०
 णामियं) एयं पि विपरिणामधम्मयं १४७ । एत्थ सत्थं समारभमाणस्स इच्चेते आरंभा अपरिणणाता भवंति, एत्थ सत्थं असभारभमाणस्स
 इच्चेते आरंभा परिणणाया भवंति, तं परिणणाय मेहावी णेव सयं वणस्सइसत्थं समारंभेज्जा णेवऽण्णेहिं वणस्सइसत्थं समारंभावेज्जा
 णेवऽण्णे वणस्सइसत्थं० समणुजाणेज्जा० जस्सेते वणस्सतिसत्थसमारंभा परिणणाया भवंति से हु मुणी परिणणायकम्मेत्तिबेमि १४८ ।
 अ० १ ऊ० ५ ॥

से बेमि संतिमे तसा पाणा, तंजहा अंडया पोयया जराउआ रसया संसेयया संमुच्छिमा उब्बिया उववाइया एस संसारेत्ति
 पवुच्चई १४९ । मंदस्सावियाणओ १५० । निज्जाइत्ता पडिलेहिता पत्तेयं परिनिव्वाणं सव्वेसिं पाणाणं सव्वेसिं भूयाणं सव्वेसिं जीवाणं
 सव्वेसिं सत्ताणं अस्सायं अपरिनिव्वाणं महब्भयं दुक्खंति बेमि. तसंति पाणा पदिसो दिसासु य १५१ । तत्थ तत्थ पुढो पास आतुरा
 परितावंति, संति पाणा पुढो सिया १५२ । लज्जमाणा पुढो पास अणगारा मोत्ति एगे पवयमाणा जमिणं विरूवरूवेहिं सत्थेहिं
 तसकायसमारंभेणं तसकायसत्थं समारभमाणा अण्णे अ (प्र० व) णेगरूवे पाणे विहिंसंति, तत्थ खलु भगवया परिणणा पवेइया,

इमस्स चेवं जीवियस्स परिवंदणमाणणपूयणाए जाईमरणमोयणाए दुक्खपडिघायहेउं से सयमेव तसकायसत्थं समारभति अण्णेहिं वा तसकायसत्थं समारंभावेइ अण्णे वा तसकायसत्थं समारभमाणे समणुजाणइ. तं से अहियाए तं से अबोहीए, से तं संबुज्झमाणे आयाणीयं समुट्ठाय सोच्चा भगवओ अणगाराणं वा अंतिए इहमेगेसिं णायं भवंति एस खलु गंथे एस खलु मोहे एस खलु मारे एस खलु णरए, इच्चत्थं गडिढए लोए जमिणं विरूवरूवेहिं सत्थेहिं तसकायसमारंभेणं तसकायसत्थं समारंभमाणे अण्णे अणेगरूवे पाणे विहिंसंति । ५३ । से बेमि अप्पेगे अच्छाए हणंति अप्पेगे अजिणाए वहंति, अप्पेगे मंसाए वहंति, अप्पेगे सोणियाए वहंति, एवं हिययाए पिन्नाए वसाए पिच्छाए पुच्छाए वालाए सिंगाए विसाणाए दंताए, दाढाए णहाए णहारुणीए अट्ठीए, अट्ठिमिं जाए अट्ठाए अणट्ठाए० अप्पेगे हिंसिंसु मेत्ति वा वहंति अप्पेगे हिंसंति मेत्ति वा वहंति अप्पेगे हिंसिस्संति मेत्ति वा वहंति । ५४ । एत्थ सत्थं समारभमाणस्स इच्चेते आरंभा अपरिण्णया भवंति, एत्थ सत्थं असमारभमाणस्स इच्चेते आरंभा परिण्णया भवन्ति, तं परिण्णाय मेहावी णेव सयं तसकायसत्तं समारंभेज्जा णेवऽण्णेहिं तसकायसत्थं समारंभावेज्जा णेवऽण्णे तसकायसत्थं समारंभंते समणुजाणेज्जा. जस्सेते तसकायसत्थं समारंभा परिण्णया भवंति से ह मुणी परिण्णायकम्मेत्तिबेमि । ५५ । अ० १ ३० ६ ॥

पहू एजस्स (य एगस्स पा०) दुगुंछणाए । ५६ । आयंकदंसी अहियंति णच्चा, जे अज्झत्थं जाणइ से बहिया जाणइ जे बहिया जाणइ से अज्झत्थं जाणए, एयं तुलमन्नेसिं । ५७ । इह संतिगया दविया णावकंखंति जीविउं । ५८ । लज्जमाणे पुढो पास

अणगारा मोत्ति एगे पवयमाण्ण जमिणं विरुविरुवेहिं सत्थेहिं वाउकम्मसमारंभेण वाउसत्थं समारंभमाणे अण्णे अणेगरूवे पाणे विहिंसति । तत्थ खलु भगवया परिण्णा पवेइया । इमस्स चेव जीवियस्स परिवंदणमाणणपूयणाए जाईमरणमोयणाए दुक्खपडिघायहेउं से सयमेव वाउसत्थं समारभति अण्णेहिं वा वाउसत्थं समारंभावेइ अण्णे वाउसत्थं समारंभंते समणुजाणति, तं से अहियाए तं से अबोहीए, से तं संबुज्जमाणे आयाणीयं समुट्ठाए सोच्चा भगवओ अणगाराणं वा अंतिए इहमेगेसिं णायं भवति एस खलु गंथे एस खलु मोहे एस खलु मारे एस खलु णिरए, इच्चत्थं गडिढए लोए जमिणं विरुवरुवेहिं सत्थेहिं वाउकम्मसमारंभेण वाउसत्थं समारंभमाणे अण्णे अणेगरूवे पाणे विहिंसति । ५९ । से बेमि संति संपाइमा पाणा आहच्च संपयंति य फरिसं च खलु पुट्ठा एगे संघायमावज्जंति, जे तत्थ संघायमावज्जंति ते तत्थ परियावज्जंति जे तत्थ परियावज्जंति ते तत्थ उद्दायंति, एत्थ सत्थं समारभमाणस्स इच्चेते आरंभा अपरिण्णाया भवंति, एत्थ सत्थं असमारभमाणस्स इच्चेते आरंभा परिण्णाया भवंति, तं परिण्णाय मेहावी णेव सयं वाउसत्थं समारंभेज्जा णेवऽण्णेहिं वाउसत्थं समारंभावेज्जा णेवऽण्णे वाउसत्थं समारंभंते समणुजाणेज्जा जस्सेते वाउसत्थसमारंभा परिण्णाया भवंति से हु मुणी परिण्णायकम्भेत्तिबेमि । ६० । एत्थंपि जाणे (५० ण) उवादीयमाण्ण जे आयारे ण रमंति आरंभमाण्ण विणयं वयंति छंदोवणीया अज्झोववण्णा आरंभसत्ता पकरंति संगं । ६१ । से वसुमं सव्वसमण्णागयपण्णाणेणं अप्पाणेमं अकरणिज्जं पावं कम्मं णो अण्णेसिं, तं परिण्णाय मेहावी णेव सयं छज्जीवनिकायसत्थं समारंभेज्जा णेवऽण्णेहिं छज्जीवनिकायसत्तं समारंभावेज्जा णेवऽण्णे छज्जीवनिकायसत्थं

समारंभंते समणुजाणेज्जा, जस्सेते, छज्जीवनिकायसत्थ समारंभा परिण्णाया भवंति से हु मुणी परिण्मायकम्पेत्तिबेमि । ६२ । अ० १
सममोद्देशकः ॥ इति शस्त्रपरिज्ञाऽध्ययनम् ॥

जे गुणे से मूलट्टाणे, जे मूलट्टाणे से गुणे इति, से गुणट्टी महया परियावेण पुणो पुणो वसे पमत्ते, तंजहा माया मे पिया मे
(प्र० भाया मे भगिणी मे) भज्जा मे पुत्ता मे धूआ मे ण्हुसा मे सहिसयणसंगंथसंथुआ मे विवित्तुवगरणपरिवट्टणभोयणच्छायणं मे,
इच्चत्थं गडिढए लोए वसे पमत्ते अहो य राओ य परितप्पमाणे कालाकालसमुट्टाई संजोगट्टी अट्टालोभी आलुं पे सहसाकारे विणिविट्टाचित्ते
(विणिविट्टाचित्ते पा०) एत्थ सत्थे पुणो पुणो (एत्थ सत्ते पुणो पुणो पा०) अप्पं च खलु आउयं इहमेगेसिं माणवाणं तंजहा । ६३ ।
सोयपरिण्णाणेहिं परिहायमाणेहिं चक्खुपरिण्णाणेहिं परिहायमाणेहिं घाणपरिण्णाणेहिं परिहायमाणेहिं रसणापरिण्णाणेहिं परिहायमाणेहिं
फास परिण्णाणेहिं फासपरिण्णाणेहिं परिहायमाणेहिं अभिक्कंतं च खलु वयं सपेहाए तओ से एगदा मूढभावं जणयंति । ६४ । जेहिं वा
सब्धिं संवसति तेऽवि णं एगदा णियगा पुब्बिं परिवयंति सोऽवि ते णियए पच्छा परिवएज्जा णालं ते तव ताणाए वा सरणाए वा तुमं पि
तेसिं णालं ताणाए वा सरणाए वा से ण हासाए ण किड्डाए ण रतीए ण विभूसाए । ६५ । इच्चेवं समुट्टिए अहोविहाराए अंतरं च खलु
इमं सपे हाए धीरे मुहुत्तमवि णो पमायए, वओ अच्चेति जोव्वणं च । ६६ । जीविए इह जे पमत्ता से हंता छेत्ता भेत्ता लुं पित्ता विलुं पित्ता
उद्वित्ता उत्तासइत्ता अकडं करिस्साभित्ति मण्णमाणे जेहिं वा सद्भिं संवसइ ते वा णं एगया नियगा तं पुब्बिं पोसेंति सो वा ते नियगे

पच्छा पोसिज्जा नालं ते तव ताणाए वा सरणाए वा तुमं पि तेसिं नालं ताणाए वा सरणाए वा । ६७ । उवाइयसेसेण वा संनिहिसंनिचओ
 किज्जइ इहमेगेसिं असंजयाण भोयणाए तओ से एगया रोगसमुप्पाया समुप्पज्जंति जेहिं वा सद्धिं संवसइ तं वा णं एगया नियगा तं पुव्विं
 परिहरंति सो वा ते नियगे पच्छा परिहरिज्जा नालं ते तव ताणाए वा सरणाए वा तुमं पि तेसिं नालं ताणाए वा सरणाए वा । ६८ । जाणित्तु
 दुक्खं पत्तेयं सायं । ६९ । अणभिक्कंतं च खलु वयं सपेहाए । ७० । खणं जाणाहि पंडिए । ७१ । जाव सोयपरिण्णाणा अपरिहीणा
 नैत्तपरिण्णाणा अपरिहीणा घाणपरिण्णाणा अपरिहीणा जीहपरिण्णाणा० फरिस० इच्चेएहिं विरूवरूवेहिं पण्णाणेहिं अपरिहीणेहिं
 आयट्ठं समं समणुवासिज्जासि त्तिबेमि । ७२ । अ० २ ३० १ ॥

अरइं आउट्टे से मेहावी, खणंसि मुक्के । ७३ । अणाणाय पुट्ठावि एगे नियट्ठंति, मंदा मोहेण पाउडा, अपरिग्गहा भविस्सामो
 समुट्ठाय लद्धे कामे अभिगाहइ, अणाणाए मुणिणो पडिलेहंति, इत्थ मोहे पुणो पुणो सन्ना नो हव्वाए नो पाराए । ७४ । विमुत्ता हु ते
 जणा जे जणा पारगामिणो, लोभमलोभेण दुगुंछमाणे लद्धे कामे नाभिगाहइ । ७५ । विणावि (पा० विणइत्तु) लोभं निक्खम्म एस
 अकम्मे जाणइ पासइ पडिलेहाए नावकंखइ एस अणगारित्ति पवुच्चइ, अहो य राओ परितप्पमाणे कालाकालसमुट्ठाई संजोगट्ठी
 अट्ठालोभी आलुपे सहसक्कारे विणिविट्ठचित्ते इत्थ सत्थे पुणो पुणो से आयबले से नाइबले से सयणबले से मित्तबले से पिच्चबले से
 देवबले से रायबले से चोरबले से अतिहिबले से किंविणबले से समणबले इच्चेएहिं विरूवरूवेहिं कज्जेहिं दंडसमायाणं सपेहाए भया

कज्जइ पावमुक्खुत्ति मन्नमाणे अदुवा आसंसाए । ७६ । तं परिणाय मेहावी नेव सयं 'एहिं कज्जेहिं दंडं समारंभज्जा नेव अन्नं एएहिं कज्जेहिं दंडं समारंभाविज्जा एएहिं कज्जेहिं दंडं समारंभंतं पि अन्नं न समणुजाणिज्जा, एस मग्गे आरिएहिं पवेइए, जहेत्थ कुसले नोवलिंपिज्जासित्तिबेमि । ७७ । अ० २ ३० २ ॥ से असइं उच्चागोए असइं नीआगोए, नो हीणे नो अइरित्ते (एगमेगे खलु जीवे अईअब्बाए असइ उच्चागोए एसइ नीआगोए, कंडगट्ठयाए नो हीणे नो अतिरित्ते पा०) नोऽपीहए, इय संखाय को गोयावाई ? को माणावाई ? कंसि वा एगे गिज्झा ? तुम्हा पंडिए नो हरिसे नो कुप्पे, भूएहिं जाण पडिलेह सायं । ७८ । समिए एयाणुपस्सी (पुरिसेणं खलु दुक्खुव्वेअसुहेसए पा०) तंजहा अन्धत्तं बहिरत्तं मूयत्तं काणत्तं कुंटत्तं खुज्जत्तं वडभत्तं सामत्तं सबलत्तं सह पमाएणं अणेगरुवाओ जोणीओ संधावइ विरुवरूवे फासे परिसंवेयइ । ७९ । से अबुज्झमाणे हओवहए जाईमरणं अणुपरियट्ठमाणे, जीवियं पुढो पियं इहमेगेसिं माणवाणं खित्तवत्थुममायमाणानं, आरत्तं विरत्तं मणिकुंडलं सह हिरण्णेण इत्थियाओ परिगिज्झ तत्थेव रत्ता, न इत्थ तवो वा दमो वा नियमो वा दिस्सइ, संपुण्णं बाले जीविउकामे लालप्पमाणे मूढे विप्परियासमुवेइ । ८० । इणमेव नावकंखंति, जे जणा धुवचारिणो । जाईमरणं परित्राय, चरे संकमणे दढे ॥ १ ॥ नत्थि कालस्स णागमो, सव्वे पाणा पियाउया (पियायया पा०) सुहसाया दुक्खपडिकूला अप्पियवहा पियजीवीणो जीविउकामा, सव्वेसिं जीवीयं पियं, तं परिगिज्झ दुपयं चउप्पयं अभिजुंजिया णं संसिचिया णं तिविहेण जाऽवि से तत्थ मत्ता भवइ अप्पा वा बहुया वा से गडिढए चिद्धइ भोअणाए, तओ से एगया विविहं परिसिद्धं संभूयं

महोवगरणं भवइ, तंपि से एगया दायाया वा विभयन्ति, अदत्तहारो वा से अवहरति, रायाणो वा से विलुंपंति, नस्सइ वा से विणस्सइ वा से, अगारदाहेण वा से डज्झइ, इय से परस्सज्झइ कूराइं कम्माइं बाले पकुव्वमाणे तेण दुक्खेण संमूढे विप्परियासमुवेइ, मुणिणा हु एयं, पवेइयं अणोहंतरा एए, नो य ओहं तरित्ते, अतीरंगमा एए नो य तीरं गमित्ते, अपारंगमा एए नो य पारं गमित्ते, आयाणिज्जं च आयाय तंमि ठाणे न चिट्ठइ, वितहं पप्पज्जेयत्ते तंमि ठाणंमि चिट्ठइ । ८१ । उदेसो पासगस्स नत्थि, बाले पुण निहे कामसमणुत्ते असमियदुक्खे दुक्खी दुक्खाणमेव आवट्ठं अणुपरियट्ठइत्ति बेमि । ८२ ॥ अ० २० ३० ३ ॥

तओ से एगया रोगसमुप्पाया समुप्पज्जंति जेहिं वा सद्धिं संवसइ ते व णं एगया नियया पुव्विं परिवयंति सो वा ते नियए पच्छा परिवइज्जा नालं ते तव ताणाए वा सरणाए वा तुमंपि तेसिं नालं ताणाए वा सरणाए वा, जाणित्तु दुक्खं पत्तेयंसायं, भोगा मे व अणुसोयन्ति इहमेगेसिं माणवाणं । ८३ । तिविहेण जाज्जि से तत्थ मत्ता भवइ अप्पा वा वहुगा वा से तत्थ गडिढए चिट्ठइ भोयणाए, तओ से एगया विपरिसिट्ठं संभूयं महोवगरणं भवइ तंपि से एगया दायाया विभयंति अदत्तहारो वा से हरइ रायाणो वा से विलुंपंति नस्सइ वा से विनस्सइ वा से अगारदाहेण वा से डज्झइ इय से परस्स अट्ठाए कूराणि कम्माणि बाले पकुव्वमाणे तेण दुक्खेण मूढे विप्परियासमुवेइ । ८४ । आसं च छन्दं च विगिंच धीरे ! तुमं चेव तं सल्लमाहट्ठु, जेण सिया तेण नो सिया इणमेव नावबुज्झंति जे जणा मोहपाउडा, थीभि लोए पव्वहिए, ते भो ! वयंति एयाइं आययणाइं से दुक्खाए मोहाए माराए नरगाए नरगतिरिक्खाए, सययं मूढे धम्मं

नामिजाणइ, उआहु वीरे अप्पमाओ महामोहे, अलं कुसलस्स पमाएणं, संतिमरणं सपेहाए भेउरधम्मं सपेहाए नालं पास अलं ते एएहिं
 ॥ ८५ ॥ एयं पस्स मुणी ! महब्भयं नाइवाइज्ज कंचणं, एस वीरे पसंसिए जे न निव्विज्जइ आयाणाए, न मे देइ न कुप्पिज्जा, थोवं लदधुं
 न खिंसए, पडिसेहिओ (पडिलाभिओ पा०) परिणमिज्जा, एयं मोणं समणुवासिज्जासित्तिबेमि ॥ ८६ ॥ अ० २ ३० ४ ॥

जमिणं विरूहरूवेहिं सत्थेहिं लोगस्स कम्मसमारंभा कज्जंति, तंजहा अप्पणो से पुत्ताणं धूयाणं सुण्हाणं नाईणं धाईणं
 (राईणं) दासाणं दासीणं कम्मकराणं कम्मकरीणं आएसाए पुढोपहेणाए सामासाए पायराभाए संनिहिसंनिचओ कज्जइ इहमेगेसिं
 माणवाणं भोयणाए ॥ ८७ ॥ समुट्ठिए अणगारे आरिए आरियपत्ते आरियदंसी अयंसंधित्ति अदक्खु से नाइए नाइयावए न समणुजाणइ,
 सव्वामगंधं परित्राय निरामगंधो परिव्वए ॥ ८८ ॥ अदिस्समाणे कयविक्रयेसु, से ण किणे न किणावए किणंतं न समणुजाणइ, से
 भिक्खु कालत्ते बलत्ते मायत्ते खेयत्ते खणयत्ते विणयत्ते ससमयपरसमयत्ते भावत्ते परिग्गहं अममायमाणे कालाणुट्ठाई अपडिण्णे ॥ ८९ ॥
 दुहओ छेत्ता नियाइ वत्थं पडिग्गहं कंबलं पायंपुंछणं उग्गहणं च कडासणं एएसु चेव जाणिज्जा ॥ ९० ॥ लद्धे आहारे अणगारो मायं
 जाणि (ए चू०) ज्जा से जहेयं भगवया पवेइयं, लाभुत्ति न मज्जिज्जा, अलाभुत्ति न सोइज्जा, बहुंपि लदधुं न निहे, परिग्गाहाओ अप्पाणं
 अवसक्किज्जा ॥ ९१ ॥ अन्नहा णं पासए परिहरिज्जा, एस मग्गे आयरिएहिं पवेइए, जहित्थ कुसले नोवलिंपिज्जासित्ति बेमि ॥ ९२ ॥ कामा
 दुरतिक्रमा, जीवियं दुपडिवूहगं, कामकामी खलु अयं पुरिसे, से सोयइ जूरइ तिप्पइ परितप्पइ ॥ ९३ ॥ आययचक्खू लोगविपस्सी

લોગસ્સ અહો ભાગં જાણઇ ડહું ભાગં જાણઇ તિરિયં ભાગં જાણઇ ગડિઢાળ લોએ અણુપરિયટ્ટમાણે સંધિં વિઢિત્તા ઇહ મચ્ચિએહિં, એસ વીરે પસંસિએ જે બઢ્ઢે પડિમોયએ, જહા અંતો તહા બાહિં જહા બાહિં તહા અંતો, અંતો અંતો પૂઢદેહંતરાણિ પાસડ પુઢોવિ સવંતાઇ પંડિએ પડિલેહાએ । ૧૪ । સે.મઢમં પરિત્રાય મા ય હુ લાલં પચ્ચાસી, મા તેસુ તિરિચ્છમપ્પાણમાવાયએ, કાસંકાસે ચ્વલુ અયં પુરિસે, બહુમાઈ કડેણ મૂઢે, પુણો તં કરેડ લોહં વેરં વડ્ઢેડ અપ્પણો, જમિણં પરિકહિજ્ઞઇ ઇમસ્સ ચેવ પડિબૂહણાએ, અમરાયડ મહાસઢ્ઢી, અટ્ટમેયં તુ પેહાએ અપરિણાએ કંદડ । ૧૫ । સે તં જા (આજાં ચૂં) ણહ જમહં બેમિ, તેડ્ઢચ્છં પંડિએ પવયમાણે સે હંતા છિત્તા મિત્તા લુંપડિત્તા વિલુંપડિત્તા ડહવડિત્તા, અકડં કરિસ્સામિત્તિ મત્તમાણે, જસ્સવિ ય ણં કરેડ, અલં બાલસ્સ સંગેણં, જે વા સે કારડવાલે, ન એવં અણગારસ્સ જાયડિત્તિ બેમિ । ૧૬ । અં ૨ ૩ ૦ ૫ ॥

સે તં સંબુઢ્ઢમાણે આયાણીયં સમુટ્ટાય તમ્હા પાવકમ્મં નેવ કુજ્ઞા ન કારવેજા । ૧૭ । સિયા તત્થ એગયરં વિપરામુસડ છસુ અન્નયરંમિ કપ્પડ સુહટ્ટી લાલપ્પમાણે, સાણ દુક્ખેણ મૂઢે વિપ્પરિયાસમુવેડ, સાણ પુઢો વયં પકુવ્વડ, જંસિમે પાણા પવ્વહિયા પડિલેહાએ નો નિકરણયાએ, એસ પરિત્રા પવુચ્ચડ કમ્મોવસંતી । ૧૮ । જે મમાઇયમડં જહાડ સે ચયડ મમાઇયં, સે હુ દિટ્ઠપહે મુણી જસ્સ નત્થિ મમાઇયં, તં પરિત્રાય મેહાવી વિઢિત્તા લોગં વંતા લોગસત્તં સે મઢમં પરિક્કમિજ્ઞાસિત્તિબેમિ । 'નારડં સહઈ વીરે, વીરે ન સહઈ રતિં । જમ્હા અવિમણે વીરે, તમ્હા વીરે ન રજ્ઞડ ॥૨ ॥ ૧૧ ॥ સદ્દે ફાસે અહિયાસમાણે, નિવ્વિદ નંદિં ઇહ જીવિયસ્સ । મુણી મોણં સમાયાય, ધુણે

कम्मसरीरगं ॥३॥ पंतं लूहं सेवन्ति वीरा संमत्तदंसिणो । एस ओहंतरे मुणी तिन्ने मुत्ते विरए वियाहिएत्तिबेमि ॥१००॥ दुव्वसुमुणी
 अणाणाए तुच्छए, गिलाइ वत्तए, एस सुवसु वीरे पसंसिए अच्चेइ लोयसंजोगं एस नाए पवुच्चइ ॥१०१॥ जं दुक्खं पवेइयं इह माणवाणं
 तस्स दुक्खस्स कुसला परिन्नमुदाहरन्ति इइ कम्मं परिन्नाय सव्वसो, जे अणन्नदंसी से अणन्नारामे जे अणण्णारामे से अणन्नदंसी, जहा
 पुण्णस्स कत्थइ तहा तुच्छस्स कत्थइ जहा तुच्छस्स कत्थइ तहा पुण्णस्स कत्थइ ॥१०२॥ अविय हणे अणाइयमाणे इत्थंपि जाण
 सेयन्ति नत्थि, केयं पुरिसे कं च नाए ?, एस वीरे पसंसिए जे बद्धे पडिमोयए उइढं अहं तिरियं दिसासु, से सव्वओ सव्वपरिन्नाचारी न
 लिप्पइ छणपएण, वीरे से मेहावी अणुग्घायणस्स खेयन्ने जे य बन्धपमुक्खमन्नेसी, कुमले पुण नो बद्धे नो मुक्के ॥१०३॥ से जं च
 आरंभे जं च नारभे अणारब्धं च न आरभे छणं छणं परिण्णाय लोगसन्नं च सव्वसो ॥१०४॥ उद्देसो पासगस्स नत्थि, वाले पुण निहे
 कामसमणुत्ते असमियदुक्खे दुक्खी दुक्खाणमेव आवट्ठं अणुपरियट्ठइत्तिबेमि ॥१०५॥ ३० ६ ॥ लोकविजयाध्ययनं २ ॥

सुत्ता अमुणी, सया (प्र० सययं) मुणिणो जागरन्ति ॥१०६॥ लोयंसि जाण अहियाय दुक्खं, समयं लोगस्स जाणित्ता इत्थ
 सत्थोवरए जास्सिमे सद्दा य रूवा य रसा य गंधा य फासा य अभिसमन्नागया भवन्ति ॥१०७॥ से आयवं नाणवं (से आयवी नाणवी
 पा०) वेयवं धंमवं पन्नाणेहिं परियाणइ लोयं, मुणीति वुच्चे धम्मविउ उज्जू आवट्ठसोए संगमभिजाणइ ॥१०८॥ सीउसिणच्चाई से
 निगगंथे अरइरुइसहे फरुसयं नो वेएइ जागरवेरोवरए वीरे, एवं दुक्खा पमुक्खसि, जरामच्चुवसोणीए नरे सययं मूढे धम्मं नाभिजाणइ

।१०१। पासिय आउर (प्र० रिह) पाणे अप्पमत्ता परिव्वए, मंता य मइमं पास, आरंभजं दुक्खमिणांति णच्चा, माइ पमाई पुण एइ गब्भं, उवेहमाणो सदरूवेसु उज्जू माराभिसंकी मरणा पमुच्चई अप्पमत्तो कामेहिं उवरओ पावकम्मेहिं वीरे आयगुत्ते खेयत्ते, जे पज्जवजायसत्थस्स खेयण्णे से असत्थस्स खेयण्णे जे असत्थस्स खेयण्णे से पज्जवजायसत्थस्स खेयत्ते, अकम्भस्स ववहारो न विज्जइ, कम्भु (प्र० म्भ) णा उवाही जायइ, कम्भं च पडिलेहाए । ११०। कम्भमूलं (कम्भाहूय पा०) च जं छणं, पडिलेहिय सव्वं समायाय दोहिं अंतेहिं अदिस्समाणे तं परित्राय मेहावी विइत्ता लोगं वंता लोगसन्नं से मेहावी परिक्कमिज्जासित्तिबेभि । १११। अ० ३ उ० १ ॥

जाइं च वुडिंढ च इहज्ज ! पासे, भूएहिं जाणे पडिलेह सायं । तम्हाऽतिविज्जे परमंति णच्चा, संभत्तदंसी न करेइ पावं ॥४॥ उम्भुं च पासं इह मच्चिएहिं, आरंभजीवी उमयाणुपस्सी । कामेसु गिद्धा निचयं करंति, संसिच्चमाणा पुणरिति गब्भं ॥५॥ अवि से हासमासज्ज, हंता नंदीति मन्नई । अलं बालस्स संगेणं, वेरं वड्ढेइ अप्पणो ॥६॥ तम्हाऽतिविज्जो परमंति णच्चा, आयंकदंसी न करेइ पावं । अगं च मूलं च विगिंच धीरे, पल्लिच्छिंदिया णं निक्कम्भदंसी ॥७॥ एस मरणा पमुच्चइ, से हु दिट्ठभाए मुणी लोगंसि परमदंसी विवित्तजीवी उवसंते समिए सहिए सया जए कालकंखी परिव्वए, बहं च खलु पावं कम्भं पगडं । ११२। सच्चंमि धिइं कुव्वहा, एत्थोवरए मेहावी सव्वं पावं कम्भं झोसइ । ११३। अणेगचित्ते खलु अयं पुरिसे, से केयणं अरिहए पुरित्तए से अण्णवहाए अण्णपरियावाए अण्णपरिग्गहाए जणवयवहाए जणवयपरियावाए जणवयपरिग्गहाए । ११४। आसेवित्तां एतं (वं) अट्ठं इच्चेवेगे समुट्ठिया तम्हा तं

बिड़यं नो सेवे निस्सारं पासिय नाणी, उववायं चवणं णच्चा अणण्णं चर माहणे, से न छणे न छणावए छणंतं नाणुजाणइ, निव्विंद नंदिं अरए पयासु अणोमदंसी निसण्णे पावेहिं कम्भेहिं । ११५ । कोहाइमाणं हणिया य वीरे, लोभस्स पासे निरयं महंतं । तम्हा य (प्र० हि०) वीरे विरए वहाओ, छिंदिज्ज सोयं लहुभूयगामी ॥८॥ गंथं परिण्णाय इहज्ज धीरे, सोयं परिण्णाय चरिज्ज दंते । उम्भज्ज लब्धुं इह माणवेहिं, नो पाणिणं पाणे समारभिज्जा ॥९॥ सितिबेमि ॥ अ० ३ ३ ० २ ॥

संधिं लोयस्स जाणित्ता आयओ बहिया पास तम्हा न हंता न विधायए, जमिणं अन्नमन्नवित्तिगिच्छाए पडिवलेहाए न करेइ पावं कम्मं किं तत्थ मुणी कारणं सिया ? । ११६ । समयं तत्थवेहाए अप्पाणं विप्पसायए अणन्नपरंभं नाणी, नो पमाए कयाइवि । आयगुत्ते सया वीरे, जायामायाइ जावए ॥१०॥ विरागं रूवेहिं (प्र० सु) गच्छिज्जा महया खुड्डएहि य (प्र०वा०) (विसयंमि पंचगंभीवि, दुविहंमि तियं तियं । भावओ सुट्ठु जाणित्ता से न लिप्पइ दोसुवि ॥१॥ पा०) आगइं गइं परिण्णाय दोहिवि अंतेहिं अदिस्समाणोहिं से न छिज्जइ न भिज्जइ न डज्जइ न हंमइ कंचणं सव्वलोए । ११७ । अवरेण पुव्विं न सरंति एगे, किमस्स तीयं ? किं वाज्जगमिस्सं ? । भासंति एगे इह माणवाओ, जमस्स तीयं तमागमिस्सं ॥११॥ (अवरेण पुव्वं किह से अतीतं, किह आगमिस्सं न सरंति एगे । आसंति एगे इह माणवाओ, जह से अईयं तह आगमिस्सं ॥१॥ पा०) नाईयमट्ठं न य आगमिस्सं, अट्ठं नियच्छन्ति तहागया उ । विहूय कप्पे एयाणुपस्सी, निज्झोसइत्ता खवगे महेसी ॥१२॥ का अरई के आणंदे ?, इत्थंमि अगगहे चरे, सव्वं हासं परिच्चज्ज,

आलीणगुत्तो परिव्वए । पुरिसा ! तुममेव तुमं भित्तं, किं बहिया भित्तमिच्छसि ? । ११८ । जं जाणिज्जा उच्चालइयं तं जाणिज्जा दूरालइयं
जं जाणिज्जा दूरालइयं तं जाणिज्जा उच्चालइयं, पुरिसा अत्ताणमेवं अभिणिगिज्झ एवं दुक्खा पमुच्चसि पुरिसा सच्चमेव समभिजाणाहि,
सच्चस्स आणाए से उवट्टिए मेहावी मारं तरइ, सहिओ धम्ममायाय सेयं समणुपस्सइ । ११९ । दुहओ जीवियस्स परिवंदणमाणणपूयणाए
जंसि एगे पमायंति । १२० । सहिओ दुक्खमत्ताए पुढो नो झंझाए, पासिमं दविए लोकालोकपवंचाओ मुच्चइत्तिवेमि । १२१ ॥ अ०
३ ३० ३ ॥

से वंता कोहं च माणं च मायं च लोभं च, एयं पासगस्स दंसणं उवरयसत्थस्स पलियं तकरस्स आयाणं सगडब्भि । १२२ ।
जे एगं जाणइ से सव्वं जाणइ जे सव्वं जाणइ से एगं जाणाए । १२३ । सव्वओ पमत्तस्स भयं, सव्वओ अप्पमत्तस्स नत्थि भयं, जे एगं
नामे से बहुं नामे जे बहुं नामे से एगं नामे, दुक्खं लोगस्स जाणित्ता वंता लोगस्स संजोगं जंति धी (प्र० वी) रा महाजामं, परेण परं
जंति, नावकंखंति जीवियं । १२४ । एगं विगिंचमाणे पुढो विगिंचइ, पुढोवि सइढी आणाए, मेहावी लोगं च आणाए अभिसमिच्छा
अकुओभयं, अत्थि सत्थं परेण परं, नत्थि असत्थं परेण परं । १२५ । जे कोहदंसी से माणदंसी जे माणदंसी से मायादंसी जे मायादंसी
से लोभदंसी जे लोभदंसी से पिज्जदंसी जे पिज्जदंसी से दोसदंसी जे दोसदंसी से मोहदंसी जे मोहदंसी से गब्भदंसी जे गब्भदंसी से
जम्भदंसी जे जम्भदंसी से मारंदंसी जे मारंदंसी से नरयदंसी जे नरयदंसी से तिरियदंसी जे तिरियदंसी से दुक्खदंसी । से मेहावी

अभिणिवट्टिजा कोहं च माणं च मायं च लोभं च पिज्जं च दोसं च मोहं च गब्भं च जम्भं च मारं च नरयं च तिरियं च दुक्खं च । एयं पासगस्स दंसणं उवरयसत्थस्स पलियंतकरस्स आयाणं निसिद्धा सगडब्भि, किमत्थि ओवाही पासगस्स ? न विज्जइ ? नत्थित्तिबेमि । १२६ । ३० ४ शीतोष्णीयाध्ययनं ३ ॥

से बेमि जे अईया जे य पडुप्पन्ना जे य आगमिस्सा अरहंता भगवंतो ते सव्वे एवमाइक्खन्ति एवं पण्णविंति एवं परूविंति सव्वे पाणा सव्वे भूया सव्वे जीवा सव्वे सत्ता न हंतव्वा न अजावेयव्वा न परिधित्तव्वा न परियावेयव्वा न उद्देवेयव्वा, एस धम्मो सुद्धे निइए सासए समिच्चा लोयं खेयण्णेहिं पवेइए, तंजहा उट्टिएसु वा अणुट्टिएसु वा उवट्टिएसु वा अणुवट्टिएसु वा उवरयदंडेसु वा अणुवरयदंडेसु वा सोवहिएसु वा अणोवहिएसु वा संजोगरएसु वा असंजोगरएसु वा, तच्चं चेयं तहा चेयं, अस्सिंचेयं पवुच्चइ । १२७ । तं आइत्तु न निहे न निक्खिखवे, जाणित्तु धम्मं जहा तहा, दिट्ठेहिं निव्वेयं गच्छिज्जा, नो लोगस्सेसणं चरे । १२८ । जस्स नत्थि इमा जाई अण्णा तस्स कओ सिया ?, दिट्ठे सुयं मयं विण्णायं जं एयं परिकहिज्जइ, समेमाणा पलेमाणा पुणो पुणो जाई पकप्पंति । १२९ । अहो अ राओ य जयमाणे धीरे सया आगयपण्णाणे पमत्ते बहिया पास अप्पमत्ते सया परिक्कमिज्जासित्तिबेमि । १३० । अ० ४ ३० १ ॥

जे आसवा ते परिस्सवा जे परिस्सवा ते आसवा, जे अणासवा ते अपरिस्सवा जे अपरिस्सवा ते अणासवा, एए पए संबुज्झमाणे लोयं च आणाए अभिसमिच्चा पुढो पवेइयं । १३१ । आघाइ नाणी इह मामवाणं संसारपडिवण्णाणं संबुज्झमाण्णाणं

चिन्नाणपत्ताणं (आघाड धम्मं खलु से जीवाणं,) तंजहा संसारपडिवत्ताणं माणुसभवत्थाणं आरंभविणईणं दुक्खुव्वेअसुहेसगाणं धम्मसवणंगवेसयार्णं सुस्सूसमाणाणं पडिपुच्छमाणाणं विण्णाणपत्ताणं पा०) अट्ठावि सता अदुवा पमत्ता अहा सच्चमिणंतिबेमि, नाणागमो मच्चुमुहस्स अत्थि, इच्छा पणिया वंका निकेया कालगहिया निचयनिविट्ठा पुढो पुढो जाइं पकप्पयंति (एत्थ मोहे पुणो पुणो पा०) । १३२ । इहमेगेसिं तत्थ तत्थ संथवो भवइ, अहोववाइए फासे पडिसंवेटयंति, चिट्ठं कम्मेहिं कूरेहिं चिट्ठं परिचिट्ठइ, अचिट्ठं कूरेहिं कम्मेहिं नो चिट्ठं परिचिट्ठइ, एगे वयंति अदुवावि नाणी नाणी वयंति अदुवावि एगे । १३३ । आवंती केयावंती लोयंसि समणा य माहणा य पुढो विवायं वयंति, से दिट्ठं च णे सुयं च णे मयं च णे विण्णायं च णे उइढं अहं तिरियं दिसासु सव्वओ सुण्डिलेहियं च णे सव्वे पाणा सव्वे जीवा सव्वे भूया सव्वे सत्ता हन्तवा । अज्जवेयव्वा परियावेयव्वा परिघेत्तव्वा उहवेयव्वा, इत्थवि जाणह नत्थित्थ दोसो, अणारियवयणमेयं, तत्थ जे आरिआ ते एवं वयासी से दुहिट्ठं च भे दुस्सुयं च भे दुम्मयं च भे दुव्विण्णायं च भे उइढं अहं तिरियं दिसासु सव्वओ दुण्डिलेहियं च भे जं णं तुब्भे एवं आइक्खह एवं भासह एवं परुवेह एवं पण्णवेह सव्वे पाणा ४ हंतवा० ५, इत्थवि जाणह नत्थित्थ दोसो, अणारियवयणमेयं, वयं पुण एवमाइक्खामो एवं भासामो एवं परुवेमो एवं पण्णवेमो सव्वे पाणा० ४ न हंतव्वा० ५, इत्थवि जाणह नत्थित्थ दोसो० आयरियवयणमेयं, पुव्वं निकाय समयं पत्तेयं पत्तेयं पुच्छिस्सामि, हंभो पावाइया (प्र० पावाउआ) किं भे सायं दुक्खं (प्र० उयाहु) असायं ? समियापडिवण्णे यावि एवं बूया सव्वेसिं पाणाणं सव्वेसिं भूयाणं सव्वेसिं

जीवाणं सव्वेसिं सत्ताणं असायं अपरिनिव्वाणं महब्भयं दुक्खतिबेमि । १३४ । अ० ४ ३० २ ॥

उवेहि णं बहिया य लोगं से सव्वलोगंमि जे केइ विण्णू, अणुवीइ पास निक्खित्तदंडा, जे केइ सत्ता पलियं चयंति, नरा मुयच्चा धम्मविउत्ति अंजू, आरंभजं दुक्खमिणंति णच्चा, एवमाहु संसत्तदंसिणो, ते सव्वे पावाइया दुक्खस्स कुसला परिण्णमुदाहरंति इय कम्मं परिण्णाय सव्वसो । १३५ । इह आणाकंखी पंडिए अणिहे, एगमप्पाणं सपेहाए धुणे सरीरं कसेहि अप्पाणं जरेहि अप्पाणं जहा जुत्ताइं कट्ठाइं हव्ववाहो पमत्थइ, एवं अत्तसमाहिए अणिहे विगिंच कोहं अविकंममाणे । १३६ । इमं निरुद्धाउयं सपेहाए दुक्खं च जाण अदु आगमेस्सं, पुढो फासाइं च फासे, लोयं च पास विफंदमाणं, जे निव्वुडा पावेहिं कम्मेहिं अणियाणा ते वियाहिया तम्हा अतिविज्जो नो पडिसंजलिज्जासित्तिबेमि । १३७ । अ० ४ ३० ३ ॥

आवीलए पवीलए निप्पीलए जहिता पुव्वसंजोगं हिच्चा उवसमं, तम्हा अविमणे वीरे सारए समिए सहिए सया जए, दुरणुचरो मग्गो वीराणं अनियट्टगामीणं, विगिंच मंससोणियं, एस पुरिसे दविए वीरे आयाणिज्जे वियाहिए जे धुणाइ समुस्सयं वसित्ता बंभचेरंसि । १३८ । नित्तेहिं पलिच्छिन्नेहिं. आयाणसोयगट्टिए बाले अव्वोच्छिन्नबंधणे अणाभिकंतसंजोए तमंसि अवियाणओ आणाए लंभोनत्थित्तिबेमि । १३९ । जस्स नत्थि पुरा पच्छा भज्जे तस्स कुओ सिया ?, से हु पन्नाणमंते बुद्धे आरंभोक्खए संममेयंति पासह जेण बंधं वहं घोरं परियावं च दारुणं, पलिछिंदिय बाहिरगं च सोयं निक्कमदंसी इह मच्चिएहिं, कम्माणं सफलं ददुण तओ निज्जाइ वेयवी

। १४०। जे खलु भो ! वीरा ते समिया सहिया सयाजया संघडदंसिणो आओ वरया अहातहं लोयं उवेहमाणो पाईणं पडिणं दाहिणं उईणं इय सच्चंसि परि (चिए) चिट्ठिसु, साहिस्सामो नाणं वीराणं समियाणं सहियाणं सयाजयाणं संघडदंसीणं आओवरयाणं अहातहं लोयं समुवेहमाणानं, किमत्थि उवाही पासगस्स ? न विज्झइ ? नत्थित्तिबेमि । १४१॥ ३० ४ सम्यकत्वाध्ययनं ४ ॥

आवंती केयावंती लोयंसि विप्परामुसंति अट्टाए अणट्टाए, एएसु चेव विप्परामुसंति (जावंति केई लोए छक्कायवहं समारभंति अट्टाए अणट्टाए अणट्टाए वा पा०) गुरू से कामा तओ से मारंते, जओ से मारंते तओ से दूरे, नेव से अंतो नेव दूरे । १४२। से पासइ फुसियमिव कुसग्गे पणुत्रं निवइयं वाएरियं, एवं बालस्स जीवियं मंदसस्स अविआणओ, कूराइं कम्माइं बाले पकुव्वमाणे, तेण दुक्खेण मूढे विप्परिआसमुवेइ, मोहेण गम्भं मरणाइं एइ, एत्थ मोहे पुणो पुणो । १४३। संसयं परिआणओ संसारे परित्राए भवइ, संसयं अपरियाणओ संसारे अपरित्राए भवइ । १४४। जे छेए से सागारियं न सेवइ, कट्टु एवमविआणओ बिइया मंदस्स बालया (जे खलु विसए सेवइ, सेवित्ता वा णालोएइ, परेण वा पुट्ठो निण्हवइ, अहवा तं परं सएण वा दोसेण पाविट्ठयरेण वा दोसेण उवलिंपिज्जत्ति पा०) लब्धा हरत्था पडिलेहाए, आगमित्ता आणविज्जा अणासेवणयत्तिबेमि । १४५। पासह एगे रुवेसु गिन्दे परिणिज्जमाणे इत्थ फासे पुणो पुणो (एत्थ मोहे पुणो पुणो पा०) आवंती केयावंती लोयंसि आरंभजीवी, एएसु चेव आरंभजीवी, इत्थवि बाले परिपच्चमाणे रमई पावेहिं कम्मेहिं असरणे सरणंति मन्नमाणे, इहमेगेसिं एगचरिया भवइ से बहुकोहे बहुमाणे बहुमाए बहुलोभे बहुरए बहुनडे

बहुसढे बहुसंकप्पे आसवसत्ती पलिउच्छत्ते उट्टियवायं पवयमाणे मा मे केइ अदक्खू, अत्राणपमायदोसेणं सययं मूढे धम्मं नाभिजाणइ, अट्टा पया माणव ! कंमकोविया, जे अणुवरया अविज्जाए पलिमुक्खमाहु आवट्टमेव अणुपरियट्ठंतिव्वि । १४६ । अ० ५ उ० १ ॥

आवन्ती केयावन्ती लोए अणारंभजीविणो तेसु एत्थोवरए तं झोसमाणे अयं संधीति अदक्खू, जे इमस्स विग्गहस्स अयं खणेत्ति अत्रेसी, एस भग्गे आरिएहिं पवेइए उट्टिए नो पमायए० जाणित्तु दुक्खं पत्तेयं सायं, पुढोछंदा इह माणवा, पुढो दुक्खं पवेइयं, से अविहिंसमाणे अणवयमाणे पुढो फासे विपणुत्तए । १४७ । एस समियापरियाए वियाहिए जे असत्ता पावेहिं कम्मेहिं, उदाहु ते आयंका फुसंति, इति उदाहु धीरे ते फासे पुढो अहियासइ, से पुत्विंपेयं पच्छापेयं भेउरधम्मं विद्धंसणधम्ममधुवं अणिइयं असासयं चयावचइयं विप्परिणामधम्मं पासह एयं रुवसंधिं । १४८ । समुप्पेहमाणस्स इक्काययणरयस्स इह विप्पमुक्कस्स नत्थि भग्गे विरयस्सतित्तिव्वि । १४९ । आवंती केयावंती लोगंसि परिग्गहावंती से अप्पं वा बहुं वा अणुं वा थूलं वा चित्तमंतं वा अचित्तमंतं वा एएसु चेव परिग्गहावंती, एतदेव एगेसिं महब्भयं भवइ लोगवि (प्र० चि) तं च णं उवेहाए एए संगे अवियाणओ । १५० । से सुपडि बद्धं सूवणीयंति नच्चा पुरिसा परमचक्खू विपरिक्कमा एएसु चेव बंभचेरंति व्वि, से सुयं च मे अज्झत्थयं च मे बंधप्पमुक्खो, अज्झत्थेव (प्र० भुज्झज्झत्थेव) इत्थ विरए अणगारे दीहरायं तित्तिक्खए, पमत्ते बहिया पास अप्पमत्तो परिव्वए, एयं मोणं सम्मं अणुवासिज्जासित्तिव्वि । १५१ । अ० ५ उ० २ ॥

॥ श्रीआचाराङ्ग सूत्र ॥

२४

पू. सागरजी म. संशोधित

आवंती केयावंती लोर्यंसि अपरिग्गहावंती, एएसु चेव अपरिग्गहावंती सुच्या वई मेहावी पंडियाण निसामिया समियाए धम्मे आरिएहिं पवेइए जहत्य मए संधी जोसिए एवमन्तथ संधी दुज्जोसए भवइ तम्हा बेमि नो निहणिज्ज वीरियं । १५२। जे पुव्वुट्ठाई नो पच्छानिवाई जे पुव्वुट्ठाई पच्छानिवाई जे नो पुव्वुट्ठायी नो पच्छानिवाई सेऽवि तारिए सिया जे परित्राय लोगमन्नसयंति । १५३। एयं नियाय मुणिणा पवेइयं इह आणाकंखी पंडिए, अणिहे पुव्वावरायं जयमाणे सया सीलं सुपेहाए, सुणिया भवे अकामे अझंझे, इमेण चेव जुझाहि किं ते जुझेण बज्झओ ? । १५४। जुद्धारिहं खलु (च०पा०) दुल्लहं जहित्य कुसलेहिं परित्राविवेगे भासिए, चुए हु बाले गब्भाइएसु रजइ (रिज्जइ पा०), अस्सिं चेयं पवुच्चइ रुवंसि वा छणंसि वा, से हु एगे संविद्धपहे (संविद्धभये पा०) (प्र० संचिट्टपहे) मुणी अन्नहा लोगमुवेहमाणे, इय कम्मं परिणाय सव्वसो से न हिंसइ संजमइ नो पगब्भइ उवेहमाणो पत्तेयं सायं, वण्णाएसी नारभे कंचणं सव्वलोए, एगप्पमुहे विदिसप्पइन्ने निव्विण्णचारी अरए पयासु । १५५। से वसुमं सव्वसमन्नागयपन्नाणेणं अप्पाणेणं अकरणिंज्जं पावकम्मं तं नो अन्नेसी, जं संमंति पासहा तं मोणंति पासहा जं मोणंति पासहा तं संमंति पासहा, न इमं सक्कं सिढिलेहिं अदिज्जमाणेहिं गुणासाएहिं वंकसमायारेहिं पमत्तेहिं गारमावसंतेहिं, मुणी मोणं समायाए धुणे सरीरगं, पंतं लूहं सेवंति वीरा सम्भत्तदंसिणो, एस ओहन्तरे मुणी तिण्णे मुत्ते विरए वियाहिएत्तिबेमि । १५६। अ० ५ उ० ३ ॥

गामाणुगामं दूइज्जमाणस्स दुज्जायं दुप्परक्कंतं भवइ अवियत्तम्स भिक्खुणो । १५७। वयसावि ऐ बुइया कुप्पंति माणवा,

उन्नयमाणे य नरे महया मोहेण मुज्जइ, संबाहा बहवे भुज्जो २ दुरइक्कमा अजाणओ अपासओ, एयं ते मा होउ एयं कुसलस्स दंसणं, तद्धिटीए तम्मुत्तीए तप्पुरक्कारे तस्सत्री तन्निवेसणे जयं विहारी चित्तनिवाई पंथनिज्झाई, पलिबाहिरे पासिय पाणे गच्छिज्जा । १५८ । से अभिक्कममाणे पडिक्कमाणे संकुचमाणे पसारेमाणे विणिवट्टमाणे संपलिज्जमाणे एगया गुणसमियस्स रीयओ कायसंफासं समणुचित्रा एगतिया पाणा उदायंति इहलोगवेयणविज्जावडियं, जं आउट्टिकयं कंमं तं परित्राय विवेगमेइ, एवं से अप्पमाणे विवेगं किट्टइ वेयवी । १५९ । से पभूयदंसी पभूयपरित्राणे उवसंते सभिए सहिए सयाजए दट्ठुं विप्पडिवेएइ अप्पाणं, किमेस जणो करिस्सइ?, एस से परमाराभो जाओ लोगंमि इत्थीओ, मुणिणा हु यं पवेइयं उब्बाहिज्जमाणे गामधम्मैहिं अवि निब्बलासए अवि ओमोयरियं कुज्जा अवि उड्ढं ठाणं ठाइज्जा अवि गामाणुगामं दुइज्जिज्जा अवि आहारं वुच्छिंदिज्जा, अवि चए इत्थीसु मणं, पुव्वं दंडा पच्छा फासा पुव्वं फासा पच्छा दंडा, इच्चेए कलहा संगयरा भवंति, पडिलेहाए आगमित्ता आणविज्जा अणासेवणाएत्तिबेमि, से नो काहिए नो पासणिए नो संपसारणिए नो मामए णो कयकिरिए वइगुत्ते अज्झप्पसंवुडे परिवज्जइ सया पावं, एयं मोणं समणुवासिज्जासित्तिबेमि । १६० । अ० ५ उ० ४ ॥

से बेमि तंजहा अवि हरए पडिपुण्णे समंसि भोमे चिट्ठइ उवसंतरए सारक्खमाणे, से चिट्ठइ सोयमज्झगए, से पास सव्वओ गुत्ते, पास लोए महेसिणो जे य पन्नाणमंता पबुद्धा आरम्भो वरया, सम्मयेयंति पासह, कालस्स कंखाए परिव्वयंतित्तिबेमि । १६१ ।

वितिगिच्छसमावत्रेणं अण्णाणेणं नो लहइ समाहिं, सिया वेगे अणुगच्छंति असिता वेगे अनुगच्छंति, अणुगच्छमाणेहिं अणुगच्छमाणे
 कहं न निव्विजे ? । १६२। तमेव सच्चं नीसंकं जं जिणेहिं पवेइयं । १६३। सडिठस्स णं समणुत्तस्स संपव्वयमाणस्स समियंति
 मत्तमाणस्स एगया समिया होई १ समियंति मत्तमाणस्स एगया असमिया होई २ असमियंति मत्तमाणस्स एगया समिया होई ३
 असमियंति मत्तमाणस्स एगया असमिया होई ४ समियंति मत्तमाणस्स समिया वा असमिया वा समिआ होई उवेहाए ५ असमियंति
 मत्तमाणस्स समिया वा असमिया वा असमिया होइ उवेहाए ६, उवेहमाणो अणुवेहमाणं बूया उवेहाहि समियाए, इच्चेवं तत्थ संधी
 झोसिओ भवइ, से उट्ठियस्स ठियस्स गइं समणुपासह, इत्थवि बालभावे अण्णाणं नो उवदंसिज्जा । १६४। तुमंसि नाम सच्चेव जं
 हंतव्वंति मत्तसि, तुमंसि नाम सच्चेव जं अज्जावेयव्वंति मत्तसि, तुमंसि नाम सच्चेव जं परियावेयव्वंति मत्तसि, एवं जं परिधित्तव्वंति
 मत्तसि, जं उदवेयव्वंति मत्तसि, अंजू चेयपडिबुद्धजीवी तम्हा न हंता नवि घायए, अणुसंवेयणमण्णाणेणं जं हंतव्वं नाभिपत्थए । १६५।
 जे आया से विन्नाया जे विन्नाया से आया, जेण वियाणइ से आया, तं पडुच्च पडिसंखाए एस आयावाई समियाए परियाए वियाहिएत्तिबेमि
 । १६६। अ० ५ ३० ५ ॥

अण्णाणाए एगे सोवट्ठाणा आणाए एगे निरुवट्ठाणा एयं ते मा होउ एयं कुसलस्स दंसणं, तदिट्ठीए तम्भुत्तीए तप्पुरक्कारे
 तस्सन्नी तन्निवेसणे । १६७। अभिभूय अदक्खू, अणभिभूए पभू निरालंबणयाए, जे महं अबहिमणे, पवाएण पवायं जाणिज्जा

सहसंमइयाए परवागरणेण अत्रेसिं वा अंतिए सुच्चा । १६८ । निदेसं नाइवट्टेजा, सुपडिलेहिया सव्वओ सव्वप्पणा (प्र० सव्वयाए सव्वमेव) सम्मं समभिण्णाय इह आरामं परिण्णाय अल्लीणगुत्तो आरामो परिव्वए, निट्ठियट्ठी वीरे आगमेण सया परक्कमेजासित्तिबेमि । १६९ । उडढं सोया अहे सोया, तिरियं सोया वियाहिया । एए सोया विअक्खाया, जेहिं संगंति पासह ॥ १३ ॥ आवट्ठं तु पेहाए इत्थ विरभिज्ज वेयवी, विणइत्तु सोयं, निक्खम्म एस महं अकम्मा जाणइ पासइ पडिलेहाए, नावकंखइ इह आगइं गई परित्राय । १७० । अच्छेइ जाईमरणस्स वट्ठमगं विक्खायरए, सव्वे सरा नियट्ठंति तक्का जत्थ न विज्जइ, मई तत्थ न गाहिया, ओए अप्पइट्ठाणस्स खेयत्ते, से न दीहे न हस्से न वट्ठे न तंसे न चउरंसे न परिमंडले न किण्हे न नीले न लोहिए न हालिदे न सुक्किल्ले न सुरभिगंधे न दुरभिगंधे न तित्ते न कुडुए न कसाए न अंबिले न महुरे न कक्खडे न मउए न गरुए न लहए न सीए न उण्हे न सिद्धे न लुक्खे न काओ न रुहे न संगे न इत्थी न पुरिसे न अन्नहा, परित्रे सत्ते उवमा न विज्जए, अरूवी सत्ता, अपयस्स पयं नत्थि । १७१ । से न सहे न रूवे न गंधे न रसे न फासे इच्चेवत्तिबेमि । १७२ ॥ ३० ६ लोकसाराध्ययनं ५ ॥

ओबुज्झमाणे इह माणवेसु आघाइ से नरे जस्स इमाओ जाइओ सव्वाओ सुपडिलेहियाओ भवंति, आघाइ से नाणमणोलिसं, से किट्ठइ तेसिं समुट्ठियाणं निक्खित्तदण्डाणं समाहियाणं पन्नाणमंताणं इह मुत्तिमगं एवं (अवि) एगे महावीरा विप्परिक्कमंति, पासह एगे अवसीयमाणे अणत्तपत्ते, से बेमि से जहावि (सेवि) कुंभे हरए विणिविट्ठचित्ते पच्छन्नपलासे उम्मगं से नो लहइ भंजगा इव

संनिवेसं, नो चयंति एवं (अवि) एगे अणेगरूवेहिं कुलेहिं जाया रूवेहिं सत्ता कलुणं थणंति, नियाणओ ते न लभंति मुक्खं, अह पास तेहिं कुलेहिं आयत्ताए जाया गंडी अहवा कोढी, रायंसी अवमारियं । काणियं झिमियं चेव, कुणियं खुज्जियं तहा ॥१४॥ उदरि च पास भूयं च, सूणीयं च गिलासणिं । वेवडं पीढसप्पिं च, सिलिवयं महमेहणिं ॥१५॥ सोलस एए रोगा अक्खाया अणुपुब्बसो । अह णं फुसंति आयंका, फासा य असमंजसा ॥ १६ ॥ मरणं तेसिं संपेहाए उववायं च नच्चा परियागं च संपेहाए । १७३ । तं सुणेह जहा तहा संति पाणा अंधा तमसि वियाहिया तामेव सडं असडं अडअच्च उच्चावयफासे पडिसंवेएड, बुद्धेहिं एयं पवेइयं संति पाणा वासगा रसगा उदए उदएचरा आगासगामिणो, पाणा पाणे किलेसंति, पास लोए महब्भयं ॥१७४॥ बहुदुक्खा हु जन्तवो, सत्ता कामेसु माणवा, अबलेण वहं गच्छन्ति सरीरेणं पभंगुरेण, अट्टे से बहुदुक्खे, इह बाले पकुब्बइ, एए रोगा बहू नच्चा आउरा परियावए, नालं पास, अलं तवेएहिं, एयं पास मुणी ! महब्भयं नाइवाइज्ज कंचणं । ॥ १७५ ॥ आयाण भो, सुस्सूस । भो, धूयवायं पवेय इस्सामि (धूतोवायं पवेयंति पा०) इह खलु अत्तताए तेहिं तेहिं कुलेहिं अभिसेएण अभिसंभूया अभिसंजाया अभिनिव्वुडा अभिसंवुड्ढा अभिसंबुद्धा अभिनिव्वंता अणुपुब्बेण । १७६ । महामुणी ! तं परिक्कमंतं परिदेवमाणा मा चयाहि इय ते वयंति, छंदोवणीया अज्झोववन्ना अक्कंदकारी जणगा रुयंति, अतारिसे मुणी, (ण य) ओहं तरए जयगा जेण विप्पजढा, सरणं तत्थ नो समेइ, कहं नु नाम से तत्थ रभइ ? एयं नाणं सया समणुवासिजासित्तिवेमि । १७७ । अ० ६ उ० १ ॥

॥ श्रीआचाराङ्ग सूत्रं ॥

२९

पू. सागरजी म. संशोधित

आउरं लोगमायाए चइत्ता पुव्वसंजोगं हिच्चा उवसमं वसित्ता बंभचेरंसि वसु वा अणुवसु वा जाणित्तु धम्मं अहा तहा, अहेगे तमचाई कुसीला । १७८ । वत्थं पडिग्गहं कंबलं पायपुंछणं विउस्सिज्जा अणुपुव्वेण अणहियासेमाणा परीसहे दुरहियासए, कामे ममायमाणस्स इयाणिं वा मुहुत्तेण वा अपरिमाणाए भेए, एवं से अंतराएहिं कामेहिं आकेवलिएहिं, अवइत्ता चेए । १७९ । अहेगे धम्ममायाय आयाणप्पभिइसु पणिहिए चरे अप्पलीयमाणे दढे सव्वं गिद्धिं परित्राय, एस पणए महामुणी अइअच्च सव्वओ संगं, न महं अत्थित्ति इय एगो अहं, अस्सिं जयमाणे इत्त विरए अणगारे सव्वओ मुंडे रीयंते, जे अचेले परिवुसिए संचिक्खइ ओमोयरियाए, से आकुट्टे वा हए वा लुंचिए (प्र० लूसिए) वा पलियं पकत्थ अदुवा पकत्थ अतहेहिं सदफासेहिं, इय संखाए एगयरे अन्नयरे अभिन्नाय तित्तिक्खमाणे परिव्वए, जे य हिरी अहिरीमाणा (प्र० मणा) । १८० । चिच्चा सव्वं विसुत्तियं फासे समियदंसणे, एए भो णगिणा वुत्ता जे लोगंसि अणागमणधम्मिणो आणाए मामगं धम्मं, एस उत्तरवाए इह माणवाणं वियाहिए, इत्थोवरए तं झोसमाणे आयाणिज्जं परित्राय परियाएण विगिंचइ, इह एगेसिं एगचरिया होइ तत्थियराइयरेहिं कुलेहिं सुद्धेसणाए सव्वेसणाए से मेहावी परिव्वए सुब्धिं अदुवा दुब्धिं, अदुवा तत्थ भेरवा पाणा पाणे किलेसंति, ते फासे पुट्ठो धीरे अहिगासिज्जासित्तबेमि । १८१ । अ० ६ उ० २ ॥

एयं खु मुणी आयाणं सया सुयक्खायधम्मे विहूयकप्पे निज्झोसइत्ता जे अचेले परिवुसिए तस्स णं भिक्खुस्स नो एवं भवइ परिजुण्णे मे वत्थे वत्थं जाइस्सामि सुत्तं जाइस्सामि सूइं जाइस्सामि संधिस्सामि सीविस्सामि उक्कसिस्सामि वुक्कसिस्सामि परिहिस्सामि

पाउणिस्सामि, अदुवा तत्थ परि (५० २) क्कमंतं भुज्जो अचेलं तणफासा फुसंति सीयफासा फुसंति तेउफासा फुसंति दंसमसगफासा फुसंति एगयरे अन्नयरे विरूवरूवे फासे अहियासेइ अचेले लाघवं आगममाण, (एवं खलु से उवगरणलाघवियं तवं कम्मक्खयकारणं करेइ पा०) तवे से अभिसमन्नागए भवइ जहेयं भगवया पवेइयं तमेव अभिसमिच्चा सव्वओ सव्वत्ताए संभत्तमेव समभिजाणिज्जा, एवं तेसिं महावीराणं चिररायं पुव्वाइं वासाणि रीयमाणानं दवियाणं पास अहियासियं । १८२। आगयपन्नाणानं किंसा बाहवो भवंति पयणा य मंससोणि ए विस्सेणिं कट्टू परिन्नाय, एस तिण्णे मुत्ते विरए वियाहि एत्तिबेमि । १८३। विरयं भिक्खुं रीयंतं चिरराओसियं अइं तत्थ किं विधारए ?, संघेमाणे समुट्टिए, जहा से दीवे असंदीणे एवं से धम्मे आरियपदेसिए, ते अणवकंखमाणे पाणे अणइवाएमाणे जइया मेहाविणो पंडिया, एवं तेसिं भगवओ अणुट्टाणे जहा से दियापोए एवं ते सिस्सा दिया य राओ य अणुपुव्वेण वाइयत्तिबेमि । १८४॥ अ० ६ ३० ३ ॥

एवं ते सिस्सा दिया य राओ य अणुपुव्वेण वाइया तेहिं महावीरेहिं पन्नाणमन्तेहिं, तेसिमंति ए पन्नाणमुवलब्भ हिच्चा उवसमं (अहेगे पा०) फारुसियं समाइयं (रुहं पा०) ति, वसित्ता बंभचेरंसि आणं तं नोत्ति मन्नमाणा, आघायं तु सुच्चा निसम्म समणुत्ता जीविस्सामो, एगे निक्खमंते असंभवन्ता विडज्झमाणा कामेहिं गिद्धा अज्झोववन्ना समाहिगाघायम जोसयन्ता सत्थारमेव फरुसं वयंति । १८५। सीलमंता उपवसन्ता संखाए रीयमाणा, असीला अणुवयमाणस्स बिइया मंदस्स बालया । १८६। नियट्टमाणा वेगे

आयारगोयरमाइक्खंति, नाणब्भट्ठा दंसणलूसिणो । १८७। नममाण्णा वेगे जीवियं विप्परिणामंति, पुट्ठावेगे जीवियस्सेव कारणा,
 निक्खंतंति तेसिं दुन्निक्खंतं भवइ, बालवयणिज्जा हु ते नरा पुणो पुणो जाइं पक्खिंति, अहे संभवता विदायमाण्णा अहमंसीति विउक्कसे
 उदासीणे फरुसं वयंति, पलियं पक् (प्र० गं) थे अदुवा पक्थे अतहेहिं, तं वा मेहावी जाणिज्जा धम्मं । १८८। अहम्मट्ठी तुमंसि नाम
 बाले आरंभट्ठी अणुवयमाणे हण पाणे घायमाणे हणओ यावि समणुजाणमाणे, घोरे धम्मे, उदीरिए उवेहइ णं अणाणाए, एस विसन्ने
 वियहे विथाहिएत्तिबेमि । १८९। किमणेण भो, जणेण करिस्सामित्ति मन्नमाणे, एवं एगे वइत्ता मायरं पियरं हिच्चा नायओ य परिग्गहं
 वीरायमाण्णा समुट्ठाए अविहिंसा सुव्वया दंता (समणा भविस्सामो अणगारा अकिंचणा अपुत्ता अपसुया अविहिंसगा सुव्वया दंता
 परदत्तभोइणो पावं कम्मं न करेस्सामो समुट्ठाए पा०) परस्स दीणे उप्पइए पडिवयमाणे, वसट्ठा कायरा जणा लूसगा भवंति, अहमेगेसिं
 सिलोए पावए भवइ, से समणो भवित्ता विब्भंते २ पासहेगे समन्नागएहिं सह असमन्नागए नममाणेहिं अनममाणे विरएहिं अवरिए
 दविएहिं अदविए, अभिसमिच्चा पंडिए मेहावी निट्ठियट्ठे वीरे आगमेणं सया परक्कमिज्जासित्तिबेमि । १९०॥ अ० ६ उ० ४ ॥

से गिहेसु वा गिहंतरेसु वा गामेसु वा गामंतरेसु वा नगरेसु वा नगरंतरेसु वा जणवयेसु वा जणवयंतरेसु वा गामनयरंतरे वा
 गामजणवयंतरे वा नगर जणवयंतरे वा संतेगइया जणा लूसगा भवंति अदवा फासा फुसंति ते फासे पुट्ठे वीरो अहियासए, ओए
 समियदंसणे, दयं लोगस्स जाणित्ता पाईणं पडीणं दाहिणं उदीणं आइक्खे, विभा, किट्ठे वेयवी जे खलु समणे बहुस्सुए बज्झागमे

आहरणहेउकुसले धम्मकहालब्धिसम्पन्ने खेत्तं कालं पुरिसं समासज्ज केऽयं पुरिसे ? कं वा नए ? से उट्ठिएसु वा अणुट्ठिएसु वा सुस्सुसमाणेसु पवेयए संतिविरइं उवसमं निव्वाणं सोयं अज्जवियं मदवियं लाघवियं अणइवत्तियं सव्वेसिं पाणाणं सव्वेसिं भूयाणं सव्वेसिं सत्ताणं सव्वेसिं जीवाणं अणुवीइ भिक्खू धम्ममाइक्खिज्जा । १९१ । अणुवीइ भिक्खू धम्ममाइक्खमाणे नो अत्ताणं आसाइज्जा नो परं आसाइज्जा नो अत्राइं पाणाइं भूयाइं जीवाइं सत्ताइं आसाइज्जा, से अणासायए अणासायमाणे वज्झमाणे पाणाणं भूयाणं जीवाणं सत्ताणं जहा से दीवे असंदीणे एवं से भवइ सरणं महामुणी, एवं से उट्ठिए ठियप्पा अणिहे अचले चले अबहिल्लेसे परिव्वए, संखाय पेसलं धम्मं दिट्ठिमं परिनिव्वुडे, तम्हा संगंति पासह, गंथेहि गढिया नरा विसन्ना कामक्कंता, तम्हा लूहाओ नो परिवित्तसिज्जा, जस्सिमे आरंभा सव्वओ सव्वप्पयाए सुपरिन्नाया भवन्ति जेसिमे लूसिणो नो परिवित्तसंति, से वंता कोहं च माणं य मायं च लोभं च एस त्ठे वियाहिएत्तिबेमि । १९२ । कायस्स वियाधाए एस संगामसीसे वियाहिए, से हु पारंगमे मुणी अविहम्ममाणे फलगावयट्ठी कालोवणीए कंखिज्ज कालं जाव सरीरभेउत्तिबेमि । १९३ । ३० ५ धूताध्ययनं ६ ॥

से बेमि समणुत्तस्स वा असमणुत्तस्स वा असणं वा पाणं वा खाईमं वा साइमं वा वत्थं वा पडिग्गहं वा कंबलं वा पायपुंछणं वा नो पादेज्जा नो निमंतेजा नो कुज्जा वेयावडियं परं आढायमाणेत्तिबेमि । १९४ । धुवं चेयं जाणिज्जा असणं वा जाव पायपुंछणं वा लभिया नो लभिया भुंजिया नो भुंजिया पंथं विउत्ता विउक्कम्म विभत्तं धम्मं जोसेमाणे समेमाणे चलेमाणे (प्र०

પલેમાળે) પાઈજા વા નિમંતિજા વા કુજા વેયાવડિયં પરં અણાઢાયમાળેત્તિબેમિ । ૧૧૫ । ઇહમેગેસિં આયારગોયરે નો સુનિસંતે ભવતિ તે ઇહ આરંભટ્ટી અણુવયમાળા હળ પાળે ઘાયમાળા હળઓ યાવિ સમણુજાળમાળા અદુવા અદિત્રમાયયંતિ અદુવા વાયા૩ વિઝ્જંતિ તંજહા અત્થિ લોએ ણત્થિ લોએ ધુવે લોએ અધુવે લોએ સાઙ્ગે લોએ અણાઙ્ગે લોએ સપજ્જવસિએ લોએ અપજ્જવસિએ લોએ સુકકેત્તિ વા દુકકેત્તિ વા કલ્લાળેત્તિ વા પાવેત્તિ વા સાહુત્તિ વા અસાહુત્તિ વા સિદ્ધિત્તિ વા અસિદ્ધિત્તિ વા નિરણ્ણેત્તિ વા અનિરણ્ણેત્તિ વા જમિણં વિપ્પડિવત્તા મામગં ધમ્મં પત્તવેમાળા ઇત્થવિ જાળહ અકસ્માત એવં તેસિં નો સુઅક્કાએ ધમ્મે નો સુપત્તે ધમ્મે ભવઙ્ગે । ૧૧૬ । સે જહેયં ભગવયા પવેઙ્ગયં આસુપત્તેણ જાળયા પાસયા આદુવા ગુત્તી વઓગોયરસ્સત્તિબેમિ, સવ્વત્થ સંમયં પાવં તમેવ ઉવાઙ્ગમ્મ એસ મહં વિવેગે વિયાહિએ, ગામે વા અદુવા રણે નેવ ગામે નેવ રણે ધમ્મમાયાળહ પવેઙ્ગયં માહળેણ મઙ્ગમયા, જામા તિન્નિ ઉદાહિયા જેસુ ઇમે આયરિયા સંબુઙ્ગમાળા સમુટ્ઠિયા, જે ણિવ્વુયા પાવેહિં કમ્મેહિં અણિયાળા તે વિયાહિયા । ૧૧૭ । ઉઢ્ઢં અહં તિરિયં દિસાસુ સવ્વઓ સવ્વાવંતિ ચ ણં પાડિયકં જીવેહિં કમ્મસમારમ્ભેણં, તં પરિત્તાય મેહાવી નેવ સયં એહિં કાએહિં દંડં સમારંભાવિજ્ઞા નેવઽન્ને એહિં કાએહિં દંડં સમારંભિજ્ઞા નેવઽન્ને એહિં કાએહિં દંડં સમારંભતેઽવિ સમણુજાળેજ્ઞા, જેઽવઽન્ને એહિં કાએહિં દંડં સમારંભંતિ તેસિંપિ વયં લજ્ઞામો, તં પરિત્તાય મેહાવી તં વા દંડં અત્તં વા નો દંડમી દંડં સમારંભિજ્ઞાસિત્તિબેમિ । ૧૧૮ । અં ૮ ૩૦ ૧ ॥ (તા.ક.:- મુળમાં પણ અધ્યયન- ૮નો ઉલ્લેખ નથી બાકી ગાથા ક્રમાંક બરોબર છે.) અં ૬૦૩૪૦ । ૫છી । અં ૮૦૩૧૦ । ૪ આવે છે.)

॥ શ્રીઆચારાઙ્ગ સૂત્ર ॥

૩૪

પૂ. સાગરજી મ. સંશોધિત

से भिक्खू परिक्रमिज्ज वा चिट्ठिज्ज वा निसीइज्ज वा तुयट्ठिज्ज वा सुसाणंसि वा सुत्तागारंसि वा गिरिगुहंसि वा रुक्खमूलंसि वा कुंभाराययणंसि वा हुरत्था वा कहिंचि विहरमाणं तं भिक्खुं उवसंकमित्तु गाहावई बूया आउसंतो समणा ! अहं खलु तव अट्टाए असणं वा पाणं वा खाइमं वा साइमं वा वत्थं वा पडिग्गहं वा कंबलं वा पायपुच्छणं वा पाणाइं भूयाइं जीवाइं सत्ताइं समारब्भ समुद्दिस्स कीयं पामिच्चं अच्छिज्जं अणिसट्ठं अभिहडं आहट्टु चेएमि आवसहं वा समुस्सिणोमि से भुंजह वसह आउसंतो समणा ! भिक्खू तं गाहावईं समणसं सवयसं पडियाइक्खे आउसंतो ! गाहावई नो खलु ते वयणं आढामि नो खलु ते वयणं परिजाणामि जो तुमं मम अट्टाए असणं वा ४ वत्थं वा ४ पाणाइं वा ४ समारब्भ समुद्दिस्स कीयं पामिच्चं अच्छिज्जं अणिसट्ठं अभिहडं आहट्टु चेएसि आवसहं वा समुस्सिणासि, से विरओ आउसो गाहावई ! एयस्स अकरणयाए । १९९१ से भिक्खुं परिक्रमिज्ज वा जाव हुरत्था वा कहिंचि विहरमाणं तं भिक्खू उवसंकमित्तु गाहावई आयगयाए पेहाए असणं वा ४ वत्थं वा ४ जाव आहट्टु चेएइ आवसहं वा समुस्सिणाइ भिक्खू परिघासेउं, तं च भिक्खू जाणिज्जा सहसम्भइयाए परवागरणेण अनेसिं वा सुच्चा अयं खलु गाहावई मम अट्टाए असणं वा ४ वत्थं वा ४ जाव आवसहं वा समुस्सिणाइ, तं च भिक्खू पडिलेहाए आगमित्ता आणविज्जा अणासेवणाएत्तिवेमि । २००१ भिक्खुं च खलु पुट्टा वा अपुट्टा वा जे इमे आहच्च गंथा वा फुसंति से हंता हणह खणह छिंदह दहह पयह आलुं पह विलुं पह सहसाकारेह विप्परामुसह, ते फासे धीरो पुट्टो अहियासए अदुवा आयारगोयरमाइक्खे तक्किया णमणोलिसं अदुवा वइगुत्तीए गोयरस्स अणुपुव्वेण

समं पडिलेहए आयतगुते बुद्धेहिं एयं पवेइयं । २०१। से समणुत्ते असमणुत्तस्स असणं वा जाव नो पाइज्जा नो निमंतिज्जा नो कुज्जा वेयावडियं परं आढायमाणेत्तिबेमि । २०२। धम्ममायाणह पवेइयं माहणेण मइमया समणुत्ते समणुत्तस्स असणं वा जाव कुज्जा वेयावडियं परं आढायमाणेत्तिबेमि । २०३। अ० ८ उ० २ ॥

मज्झिमेण वयसावि एगे संबुद्धमाणा समुट्ठिया, सुच्चा मेहावी वयणं पंडियाणं निसामिया समियाए धम्मे आरिएहिं पवेइए. ते अणवकंखमाणा अणइवाएमाणा अपरिग्गहेमाणा नो परिग्गहावन्ती, सव्वावन्ति च णं लोगंसि निहाय दंडं पाणेहिं पावं कम्मं अकुव्वमाणे एस महं अगंथे वियाहिगए ओए जुइमस्स खेयत्ते उववायं चवणं च नच्चा । २०४। आहारोवचया देहा परीसहपभंगुरा पासह एए सव्विंदिएहिं परिगिलायमाणेहिं । २०५। ओए दयं दयइ, जे संनिहाणसत्थस्स खेयत्ते से भिक्खू कालत्ते बलत्ते मायत्ते खणत्ते विणयत्ते समयणो परिग्गहं अममायमाणे कालेणुट्ठाई अपडित्ते दुहओ छित्ता नियाइ । २०६। तं भिक्खुं सीयफासपरिवेवमाणगायं उवसंकमित्ता गाहावई बूया आउसंतो समणा ! नो खलु ते गामधम्मा उब्बाहन्ति ?, आउसंतो गाहावई ! नो खलु मं गामधम्मा उब्बाहन्ति, सीयफासं च नो खलु अहं संचाएमि अहियासित्तए नो खलु मे कप्पइ अगणिकायं उज्जालित्तए वा (पज्जालित्तए वा) कायं आयावित्तए वा पयावित्तए वा अत्रेसिं वा वयणाओ, सिया स एवं वयंतस्स परो अगणिकायं उज्जालित्ता पज्जालित्ता कायं आयाविज्ज वा पयाविज्ज वा तं च भिक्खु पडिलेहाए आगमित्ता आणविज्जा अणासेवणाएत्तिबेमि । २०७। अ० ८ उ० ३ ॥

जे भिक्खु तिहिं वत्थेहिं परिवुसिए पायचउत्थेहिं तस्स णं नो एवं भवइ चउत्थं वत्थं जाइस्सामि, से अहेसणिज्जाइं वत्थाइं जाइज्जा अहापरिग्गहियाइं वत्थाइं धारिज्जा, नो धोइज्जा (५० नो रइज्जा) नो धोयरत्ताइं वत्थाइं धारिज्जा अपलिओवमाणे (५० अपलिउंचमाणे) गामंतरेसु ओमचेलिए एवं खु वत्थधारिस्स सामगियं । २०८ । अह पुण एवं जाणिज्जा उवाइक्कंते खलु हेमंते गिम्हे पडिवन्ने अहापरिजुत्ताइं वत्थाइं परिट्ठविज्जा अदुवा संतरुत्तरे अदुवा ओमचेले अदुवा एगसाडे अदुवा अचेले । २०९ । लाघवियं आगममाणे तवे से अभिसमन्नागए भवइ । २१० । जमेयं भगवया पवेइयं तमेव अभिसमिच्चा सव्वओ सव्वत्ताए सम्भत्तमेव समभिजाणिज्जा । २११ । जस्स णं भिक्खुस्स एवं भवइ पुट्ठो खलु अहमंसि नालहमंसि सीयफासं अहियासित्तए से वसुमं सव्वसमन्नागयपन्नाणेणं अप्पाणेणं केइ अकरणयाए आ उट्ठे तवस्सिणो हु तं सेयं जमेगे विहभाइए. तत्थावि तस्स कालपरियाए. सेऽवि तत्थ विअंतिकारए, इच्चेयं विमोहायतणं हियं सुहं खमं निस्सेसं आणुगामियंतिबेभि । २१२ । अ० ८ उ० ४ ॥

जे भिक्खू दोहिं वत्थेहिं परिवुसिए पायतइएहिं तस्स णं नो एवं भवइ तइयं वत्थं जाइस्सामि, से अहेसणिज्जा वत्थाइं जाइज्जा जाव एवं खु तस्स भिक्खुस्स सामगियं, अह पुण एव जाणिज्जा उवाइक्कंते खलु हेमन्ते गिम्हे पडिवण्णे, अहापरिजुत्ताइं वत्थाइं परिट्ठविज्जा अहापरिजुत्ताइं वत्थाइं परिट्ठवित्ता अदुवा संतरुत्तरे अदुवा ओमचेले अदुवा एगसाडे अदुवा अचेले, लाघवियं आगममाणे तवे से अभिसमन्नागए भवइ, जमेयं भगवया पवेइयं तमेव अभिसमिच्चा सव्वओ सव्वत्ताए सम्भत्तमेव समभिजाणिया,

जस्स णं भिक्खुस एवं भवइ पुट्ठो अबलो अहमंसि नालमहमंसि गिहंतरसंकमणं भिक्खायरियं गमणाए, से एवं वयंतस्स परो अभिहडं असणं वा ४ आहट्ठु दलइज्जा से पुव्वामेव आलोइज्जा आउसंतो ! गाहावई नो खलु मे कप्पइ अभिहडं असणं ४ भुत्तए वा पायए वा अत्ते वा एयप्पगारे (तं भिक्खुं कोई गाहावई उवसंकमित्तु बूया आउसंतो समणा ! अहन्नं तव अट्ठाए असणं वा ४ अभिहडं दलामि, से पुव्वामेव जाणेज्जा आउसंतो गाहावई ! जन्नं तुमं मम अट्ठाए असणं वा ४ अभिहडं चेतेसि णो य खलु मे कप्पइ एयप्पगारं असणं वा ४ भोत्तए वा पायए वा अत्ते वा तहप्पगारे पा०) । २१३। जस्सणं भिक्खुस्स अयं पगप्पे अहं च खलु पडिन्नत्तो अपडिन्नत्तेहिं गिलाणो अगिलाणेहिं अभिकंख साहम्मिएहिं कीरमाणं वेयावडियं साइज्जिस्सामि, अहं वावि खलु अप्पडिन्नत्तो पडिन्नत्तस्स अगिलाणो गिलाणस्स अभिकंख साहम्मियस्स कुज्जा वेयावडियं करणाए, आहट्ठु परित्रं अणु (प्र० आण) विखस्सामि आहडं च साइज्जिस्सामि, १ आहट्ठु परित्रं आणविखस्सामि आहडं च नो साइज्जिस्सामि २ आहट्ठु परित्रं नो आणविखस्सामि आहडं च साइज्जिस्सामि ३ आहट्ठु परित्रं नो आणविखस्सामि आहडं च नो साइज्जिस्सामि ४ एवं से अहाकिट्ठियमेव धम्मं समभिजाणमाणे संते विरए सुसमाहियलेसे, तत्थावि तस्स कालपरियाए, से तत्थ विअंतिकारए, इच्चेयं विमोहाययणं हियं सुहं खमं निस्सेसं आणुगामियंतिबेमि । २१४। अ० ८ उ० ५ ॥

जे भिक्खू एगेण वत्तेण परिवुसिए पायबिईएण तस्स णं नो एवं भवइ बिइयं वत्थं जाइस्सामि., से अहेसणिज्जं वत्थं

॥ श्रीआचाराङ्ग सूत्रं ॥

३८

पू. सागरजी म. संशोधित

जाइजा अहापरिगगहियं वत्थंधारिजा जाव गिम्हे पडिवन्ने अहापरिजुन्नं वत्थं परिट्टविजा २ ता अदुवा एगसाडे अदुवा अचेले लाघवियं आगममाणे जाव सम्भत्तमेव समभिजाणीया । २१५। जस्स णं भिक्खुस्स एवं भवइ एगे अहमंसि, न मे अत्थि कोई, न याहमवि कस्सवि, एवं से एगागिणमेव अप्पाणं समभिजाणिजा, लाघवियं आगममाणे तवे से अभिसमन्नागए भवइ जाव समभिजाणिजा । २१६। से भिक्खू वा भिक्खुणी वा असणं वा ४ आहारेमाणे नो वामाओ हणुयाओ दाहिणं हणुयं संचारिजा आसाएमाणे, दाहिणाओ. वामं हणुयं नो संचारिजा आसाएमाणे (आढायमाणे पा०) से अणासायमाणे लाघवियं आगममाणे तवे से अभिसमन्नागए भवइ, जमेयं भगवया पवेइयं तमेवं अभिसम्भित्ता सव्वओ सव्वत्ताए सम्भत्तमेव अ (सम) भिजाणिजा । २१७। जस्स णं भिक्खुस्स एवं भवइ से गिलामि च खलु अहं इमंमि समए इमं सरीरगं अणुपुब्बेण परिवहित्तए से अणुपुब्बेणं आहारं संवट्टिजा, अणुपुब्बेणं आहारं संवट्टित्ता कसाए पयणुए किचा समाहियच्चे फलगावयट्ठी उट्ठाय भिक्खू अभिनिवुडच्चे । २१८। अणुपविसित्ता गामं वा नगरं वा खेडं वा कब्बडं वा मडंबं वा पट्टणं वा दोणमुहं वा आगरं वा आसमं वा सन्निवेसं वा नेगमं वा रायहाणिं वा तणाइं जाइजा, तणाइं जाइत्ता से तमायाए एगंतमवक्कमिजा २ ता अप्पंडे अप्पपामे अप्पवीए अप्पहरिए अप्पोसे अप्पोदए अप्पुत्तिंगपमगदगमट्टियमक्कडासंताणए पडिलेहिय २ पमज्जिय २ तणाइं संथरिजा तणाइं संथरित्ता इत्थवि समए इत्तरियं कुजा तं सच्चं सच्चवाई ओए तिन्ने छिन्नकहंकहे आईयट्ठे अणाईए चिच्चाण भेउरं कायं संविहय विरूवरूवे परीसहोवसग्गे अस्सिं विस्संभणयाए भेरवणुचित्रे, तत्थावि तस्स कालपरियाए

जत्र अणुगामियंतिबेमि । २१९। अ० ८ उ० ६ ॥

जे भिक्खू अचेल्ले परिवुसिए तस्स णं भिक्खुस्स एवं भवइ चाएमि अहं तणफासं अहियासित्तए सीयफासं अहियासित्तए
 ,फासं अहियासित्तए दंसमसगफासं अहियासित्तए एगयरे अन्नतरे विरूवरूवे फासे अहिया सित्तए, हिरिपडिच्छायणं चऽहं नो
 चामि अहिआसित्तए एवं से कप्पेइ कडिबंधणं धारित्तए । २२०। अदुवा तत्थ परक्कमंतं भुज्जो अचेलं तणफासा फुसन्ति सीयफासा
 फुसन्ति तेउफासा फुसन्ति दंसमसगफासा फुसन्ति एगयरे अन्नतरे विरूवरूवे फासे अहियासेइ अचेल्ले लाघवियं आगममाणे जाव
 समभिजाणिया । २२१। जस्स णं भिक्खुस्स एवं भवइ अहं च खलु अत्रेसिं भिक्खूणं असणं वा ४ आहट्टु दलइस्सामि आहंड च नो
 साइजिस्सामि २ जस्स णं भिक्खुस्स एवं भवइ-अहं च खलु० असणं वा ४ आहट्टु नो दलइस्सामि आहंड च साइजिस्सामि ३ जस्स
 णं भिक्खुस्स एवं भवइ अहं च खलु अत्रेसिं भिक्खूणं असणं वा ४ आहट्टु नो दलइस्सामि आहंड च नो साइजिस्सामि ४, अहं च खलु
 तेण अहाइरित्तेण अहेसणिज्जेण अहापरिग्गहिणं असणेण वा ४ अभिकङ्खु साहम्मियस्स कुज्जा वेयावडियं करणाए, अहं वावि तेण
 अहाइरित्तेण अहेसणिज्जेण अहापरिग्गहिणं असणेण वा पाणेण वा ४ अभिकङ्खु साहम्मिएहिं कीरमाणं वेयावडियं साइजिस्सामि
 लाघवियं आगममाणे जाव सम्भत्तमेव समभिजाणिया । २२२। जस्स णं भिक्खुस्स एवं भवइ से गिलांमि खलु अहं इमम्मि समए इमं
 सरीरगं अणुपुव्वेण परिवहित्तए से अणुपुव्वेण आहारं संवट्टिज्जा २ कसाए पयणुए किच्चा समाहियच्चे फलगावयट्ठी उट्ठांय भिक्खू

॥ श्रीआचाराङ्ग सूत्रं ॥

४०

पू. सागरजी म. संशोधित

अभिनिव्वुडच्चे अणुपविसित्ता गामं वा नगरं वा जाव रायहाणिं वा तणाइं जाइज्जा, जाव सन्थरिज्जा इत्थवि समए कायं च जोगं च ईरियं च पच्चक्खाइज्जा तं सच्चं सच्चावाई ओए तिन्ने छिन्नकहंकहे आययट्ठे अणाईए चिच्चाणं भेउरं कायं संविहुणिय विरूवरूवे परीसहोवसगगे अस्सिविस्संभणाए भेरवमणुचिन्ने तत्थवि तस्स कालपरियाए, सेवि तत्त विअन्तिकारए, इच्चयं विमोहाययणं हियं सुहं खमं निस्सेसं आणुगामियंतिबेमि । २२३। अ० ८ उ० ७ ॥ अनुष्टुप् ॥

अणुपुव्वेण विमोहाइं, जाइं धीरा समासज्ज । वसुमन्तो मइमन्तो, सव्वं नच्चा अणेत्तिसं ॥१७॥ दुविहंपि विइत्ताणं, बुद्धा धम्मस्स पारगा । अणुपुव्वीइ सङ्घाए, आरम्भाओ (य) तिउट्ठई (कम्मुणा उ तिउट्ठइ पा०) ॥ १८ ॥ कसाए पयणू किच्चा, अप्पाहारे तित्तिक्खए । अह भिक्खु गिलाइज्जा, आहारस्सेव अन्तियं ॥१९॥ जीवियं नाभिकद्धिज्जा, मरणं नोवि पत्थए । दुहओऽवि न सज्जिज्जा, जीविणं मरणे तहा ॥२०॥ मज्झत्थो निज्जरापेही, समाहिमणुपालए । अन्तो बहिं विउस्सिज्ज, अज्जत्थं सुद्धमेसए ॥२१॥ जं किंचुवक्कमं जाणे, आउखेमस्समप्पणा । अन्तरे अन्तरद्धाए, खिप्पं सिक्खिज्ज पण्डिअ ॥२२॥ गामे वा अदुवा रणणे, थंडिलं पडिलेहिया । अप्पणाणं तु विन्नाय, तणाइं संथरे मुणी ॥ २३॥ अणाहारो तुयट्ठिज्जा, पुट्ठो तत्थऽहियासए । नाइवेलं उवचरे, माणुस्सेहिं विपुट्ठवं ॥२४॥ संसप्पगा य जे पाणा, जे य उट्ठमहाचरा । भुज्जन्ति मंससोणियं, न छणे न पमज्जाए ॥ २५॥ पाणा देहं विहंसन्ति, ठाणाओ न विउब्भमे । आसवेहिं विवित्तेहिं, तिप्पमाणोऽहियासए ॥ २६॥ गन्थेहिं विवित्तेहिं, आउकालस्स पारए । पग्गहियतरगं चेयं, दवियस्स

वियाणओ ॥ २७ ॥ अयं से अवरे धम्मे, नायपुत्तेण साहिए । आयवज्जं पडीयारं, विजहिज्जा तिहा तिहा ॥ २८ ॥ हरिएसु न निवज्जिज्जा, थण्डिलं मुणिया सए । विओसिज्ज अणाहारो, पुट्ठो तत्थऽहियासए ॥ २९ ॥ इन्दिएहिं गिलायन्तो, समियं आहरे मुणी । तहावि से अगरिहे, अचले जे समाहिए ॥ ३० ॥ अभिक्कमे पडिक्कमे, सङ्कुचए पसारए । कायसाहरणट्ठाइ, इत्थं वावि अचेयणो ॥ ३१ ॥ परिक्रमे परिकिलन्ते, अ दुवा चिट्ठे अहायए । ठाणेण परिकिलन्ते, निसीइज्जा य अंतसो ॥ ३२ ॥ आसीणेऽणेलिसं मरणं, इन्दियाणि समीरए । कोलावासं समासज्ज, वितहं पाउंसेसए ॥ ३३ ॥ जओ वज्जं समुप्पज्जे, न तत्थ अवलम्बाए । तउ उक्कसे अप्पाणं, फासे तत्थ (प्र० सव्वे फासा) ऽहियासए ॥ ३४ ॥ अयं चाययतरे सिया, जो एवमणुपालए । सव्वगायनिरोहेऽवि, ठाणाओ न विउब्भमे ॥ ३५ ॥ अयं से उत्तमे धम्मे, पुव्वट्ठाणस्स पग्गहे । अचिरं पडिलेहिन्ता, विहरे चिट्ठ माहणे ॥ ३६ ॥ अचितं तु समासज्ज, ठावए तत्थ अप्पगं । वोसिरे सव्वसो कायं, न मे देहे परीसहा ॥ ३७ ॥ जावज्जीवं परीसहा, उवसग्गा इति सङ्खया । संवडे देहभेयाए, इय पन्नेऽहियासए ॥ ३८ ॥ भेअेसु न रज्जिज्जा, कामेसु बहुतरेसुवि (बहुलेसुवि पा०) । इच्छा लोभं न सेविज्जा, धुववन्नं सपेहिया (वणे सुहुमे पा०) ॥ ३९ ॥ सासएहिं निमन्तिज्जा, दिव्वमायं न सदहे । तं पडिबुज्झ माहणे, सव्वं नूमं विहूणिया ॥ ४० ॥ सव्वट्ठेहिं अमुच्छिए, आउकालस्स पारए । तित्तिक्खं परमं नच्चा, विमोहन्नयरं हियं ॥ ४१ ॥ तिबेमि ॥ ३० ८ विमोक्षाध्ययनं ८ ॥

जहासुयं वड्डस्सामि, जहा से समणे भगवं उट्ठाए । संखाए तंसि हेमंते, अहुणा पव्वइए रीइत्था ॥ ४२ ॥ णो चेविमेण वत्थेण,

पिहिस्साभि तंसि हेमंते । से पारए आवकहाइ, एयं खु अणुधम्मियं तस्स ॥४३॥ चत्तारि साहिए मासे, बहवे पाणजाइया आगम्म ।
 अभिरुज्झ कायं विहरिं सु, आरुसियाणं तत्थ हिंसिं सु ॥ संवच्छरं साहियं मासं, जं न रिक्कासि वत्थगं भगवं । अचेलाए तओ चाई तं
 वोसिज्ज वत्थमणगारे ॥४५॥ अदु पोरिसिं तिरियं भित्तिं चक्खुमासज्ज अन्तसो झायइ । अह चक्खुभीया संहिया ते हन्ता हन्ता बहवे
 कंदिं सु ॥४६॥ सयणेहिं वित्तिमिस्सेहिं इत्थिओ तत्थ से परित्राय । सागारियं न सेवेइ य, से सयं पवेसिया झाइ ॥४७॥ जे केइमे
 अगारत्था मीसीभावं पहाय से झाइ । पुटोवि नाभिभासिं सु गच्छइ नाइवत्तइ अंजु (पुटो व सो अपुटो व णो अणुत्ताइ पावगं भगवं
 पा०) ॥४८॥ णो सुकरमेयमेगेंसिं नाभिभासे य अभिवायमाणे । हयपुव्वे तत्थ लूसियपुव्वे अप्पपुण्णेहिं ॥४९॥ फरुसाइं दुत्तितिक्खाइं
 अइअच्च मुणी परक्कममाणे । आघायनट्टगीयाइं दण्डजुद्धाइं मुट्टिदुद्धाइं ॥५०॥ गढिए मिहुकहासु समयंमि नायसुए विसोगे अदक्खु ।
 एयाइं से उरालाइं गच्छइ नायपुत्ते असरणयाए ॥५१॥ अवि साहिए दुवे वासे सीओदं अभुच्चा निक्खन्ते । एगत्तगए पिहियच्चे से
 अहिन्नायदंसणे सन्ते ॥५२॥ पुढविं च आउकायं च तेउकायं च वाउकायं च । पणगाइं बीयहरियाइं तसकायं च सव्वसो नच्चा ॥५३॥
 एयाइं सन्ति पडिलेहे, चित्तमन्ताइं से अभिन्नाय । परिवज्जिय विहरित्था, इय सङ्घाय से महावीरे ॥५४॥ अदु थावरा य तसत्ताए, तसा
 य थावरत्ताए । अदुवा सव्वजोणिया सत्ता, कम्मुणा कप्पिया पुढो बाला ॥५५॥ भगवं च एवमन्नेसिं (प्र० से) सोवहिए हु लुप्पई
 बाले । कम्मं च सव्वसो नच्चा तं पडियाइक्खे पावगं भगवं ॥५६॥ दुविहं समिच्च मेहावी किरियमक्खायणोलिसं नाणी ।

आयाणसोयमइवायसोयं जोगं च सव्वसो णच्चा ॥ ५७ ॥ अइवत्तियं अणाउट्ठिं सयमन्नेसिं अकरणयाए । जस्सिस्त्थिओ परित्राया
 सव्वकम्मावहाउ से अदक्खु ॥ ५८ ॥ अहाकडं न से सेवे सव्वसो कम्म (प्र० कंमुणा) अदक्खु । जं किंचि पावगं भगवं तं अकुव्वं
 वियडं भुजित्था ॥ ५९ ॥ णो सेवइ य परवत्थं परपाएवी से भुजित्था । परिवज्जियाण ओमामं गच्छइ संखडिं असरणयाए ॥ ६० ॥
 मायण्णे असणपाणस्स नाणुगिन्दे रसेसु अपडिन्ने । अच्चिंपि नो पमज्जिजा नोवि य कंडूयए मुणी गायं ॥ ६१ ॥ अप्पं तिरियं पेहाए
 अप्पिं पिट्ठओ पेहाए । अप्पं बुइएऽपडिभाणी पंथपेहि चरे जयमाणे ॥ ६२ ॥ सिसिरंसि अद्धपडिवन्ने तं वोसिज्ज वत्थमणगारे । पसारित्तु
 बाहुं परक्कमे नो अवलम्बियाण कंधंमि ॥ ६३ ॥ एस विही अणुक्कन्तो माहणेण मईमया । बहुसो अपडिन्नेण भगवया एवं रियं ॥ ६४ ॥
 तिबेमि ॥ अ० ९ उ० १ ॥

चरियासणाइं सिज्जाओ एगइयाओ जाओओ बुइयाओ । आइक्ख ताइं सयणासणाइं जाइं सेवित्था से महावीरे ॥ ६५ ॥
 आवेसणसभापवासु पणियसालासु एगया वासो । अदुवा पलियठाणेसु पलालपुज्जेसु एगया वासो ॥ ६६ ॥ आगन्तारे आरमागारे तह य
 नगरे व एगया वासो । सुसाणे सुण्णगारे वा रुक्खमूले व एगया वासो ॥ ६७ ॥ एएहिं (प्र० सु) मुणी सयणेहिं (प्र० सु) समणे आसि
 पतेरस वासे । राइं दिवंपि जयमाणे अपमत्ते समाहिए झाइ ॥ ६८ ॥ णिदंपि नो पगामाए सेवइ भगवं उट्ठाए । जग्गावइ य अप्पाणं इसिं
 साई य (प्र० सइआसि) अपडिन्ने ॥ ६९ ॥ संबुज्झमाणे पुणरवि आसिंसु भगवं उट्ठाए । निक्खम्म एगया राओ बहि चंकमिया मुहुत्तागं

॥७०॥ सयणेहिं तत्थु वसग्गा भीमा आसी अणेगरुवा य । संसप्पगा य जे पाणा अदुवा जे पक्खिणो उवचरन्ति ॥७१॥ अदु कुचरा उवचरन्ति गामरक्खा य सत्तिहत्था य । अदु गामिया उवसग्गा इत्थी एगइया पुरिसा य ॥७२॥ इहलोइयाइं परलोइयाइं भीमाइं अणेगरुवाइं । अवि सुब्भिदुब्भिगन्धाइं सद्दाइं अणेगरुवाइं ॥७३॥ अहियासए सया समिए फासाइं विरुवरूवाइं । अरइं रइं अभिभूय रीयइ माहणे अबहुवाई ॥७४॥ स जणेहिं तत्थ पुच्छिंसु एगचरावि एगया राओ । अच्चाहिए कसाइत्था पेहमाणे समाहिं अपडिन्ने ॥७५॥ अयमंतरंसि को इत्थ ? अहमंसित्ति भिक्खु आहडु । अयमुत्तमे से धम्मे तुसिणीए कसाइए झाइ ॥७६॥ जंसिज्जेगे पवेयन्ति सिसिरे मारुए पवायन्ते । तंसिज्जेगे अणगारा हिमवाए निवायमेसन्ति ॥७७॥ संघाडीओ पवेसिस्सामो एहा य समादहमाणा । पिहिया व सक्खामो अइदुक्खे हिमगसंफासा ॥७८॥ तंसि भगवं अपडिन्ने अहे विगडे अहियासए । दविए निक्खम्म एगया राओ ठाइए भगवं समियाए ॥७९॥ एस विही अणुक्कन्तो माहणेण मईमया । बहुसो अपडिण्णेण भगवया एवं रीयन्ति ॥८०॥ त्तिबेमि ॥ अ० ९ उ० २ ॥

तणफसे सीयफासे य तेउफासे य दंसमसगे य । अहियासए सया समिए फासाइं विरुवरूवाइं ॥८१॥ अह दुच्चरलाढमचारी वज्जभूमिं च सुब्भभूमिं च । पंतं सिज्जं सेविंसु आसणाणि चेव पंताणि ॥८२॥ लाढेहिं तस्सुवसग्गा बहवे जाणवया लूसिंसु । अहलूहदेसिए भत्ते कुक्कुरा तत्था हिंसिंसु निवइंसु ॥८३॥ अप्पे जणे निवारेइ लूसणाए सुणाए दसमाणे । छुच्छुकारित्ति आहंसु समणे कुक्कुरा दसंतुत्ति ॥८४॥ एलिव्खाए जणा (५० जणे) भुज्जो बहवे वज्जभूमि फरुसासी । लड्ढिं गहाय नालियं समणा तत्थ य विहरिंसु

॥८५॥ एवंपि तत्त विहरन्ता पुट्टपुव्वा अहेसि सुणएहिं । संलुञ्चमाणा सुणएहिं दुच्चराणि तत्थ लाढेहिं ॥८६॥ निहाय दण्डं पाणेहिं तं
 कायं वोसज्जमणगारे । अह गामकण्टए भगवन्ते अहिआसए अभिसमिच्चा ॥८७॥ नागो संगामसीसे वा पारए तत्थ से महावीरे ।
 एवंपि तत्थ (प्र० तथा) लाढेहिं अलद्धपुव्वोवि एगया गामो ॥८८॥ उवसंकमन्तमपडिन्नं गामंतियम्मि (प्र० पि) अप्पत्तं । पडिनिक्खमित्तु
 लूसिंसु एयाओ परं पलेहित्ति ॥८९॥ हयपुव्वो तत्थ दण्डेण अदुवा मुट्ठिणा अदु कुन्तफलेण । अदु लेलुणा कवालेण हन्ता हन्ता बहवे
 कन्दिंसु ॥९०॥ मंसाणि (प्र० मंसूणि) छिन्नपुव्वाणि उट्ठंभिया एगया कायं । परीसहाई लुचिंसु अदुवा पंसुणा उवकरिंसु ॥९१॥
 उच्चालइय निहणिंसु अदुवा आसणाउ खलइंसु । वोसट्ठकायपणयाऽऽसी दुक्खसहे भगवं अपडिन्ने ॥९२॥ सूरु सङ्गामसीसे वा संवुडे
 तत्थ से महावीरे । पडिसेवमाणे फरुसाइं अचले भवं रीयित्था ॥९३॥ एस विही अणुक्कन्तो. जाव रीयन्ति ॥९४॥ तिबेमि ॥अ० ९ उ०
 ३ ॥

ओमोयरियं चाएइ अपुट्ठेऽवि भगवं रोगेहिं । पुट्ठे वा अपुट्ठे वा नो से साइज्जई तेइच्छं ॥९५॥ संसोहणं च वमणं च
 गायब्भंगणं च सिणाणं च । संबाहणं च न से कप्पे दन्तपक्खालणं च परित्राए (प्र० य) ॥९६॥ विरए गामधम्मेहिं रीयइ माहणे
 अबहुवाई । सिसिरंमि एगया भगवं छायाए झाइ आसीय ॥९७॥ आयावइ य गिम्हाणं अच्छइ उक्कुडुए अभितावे । अदु जाव इत्थ लूहेणं
 ओयणमंथुकुम्भासेणं ॥९८॥ एयाणि तिन्नि पडिसेवे अट्ठमासे अ जावयं भगवं । अपिइत्थ एगया भगवं अद्धमासं अदुवा मासंपि

॥१९॥ अवि साहिए दुवे मासे छप्पि मासे अदुवा विहरित्था (प्र० अपिबित्ता) राओवरायं अपडिन्ने अन्नगिलायमेगया भुञ्जे ॥१००॥
 छट्टेण एगया भुञ्जे अदुवा अट्टमेण दसमेणं० दुवत्तलसमेण एगया भुञ्जे पेहमाणे समाहिं अपडिन्ने ॥१०१॥ णच्चा णं से महावीरे
 नोऽविय पावगं सयमकासी । अन्नेहिं वा ण कारित्था कीरंतं पि नाणुजाणित्था ॥१०२॥ गामं पविसे नगरं वा घासमेसे कडं परट्टाए ।
 सुविसुद्धमेसिया भगवं आयतजोगयाए सेवित्था ॥१०३॥ अदु वायसा दिगिंछत्ता जे अन्ने रसेसिणो सत्ता । घासेसणाए चिट्ठन्ति सययं
 निवड्ढए य पेहाए ॥१०४॥ अदुवा माहणं च समणं वा गामपिण्डोलगं च अतिहिं वा । सोवागमूसियारिं वा कुकुरं वावि विट्ठियं पुरओ
 ॥१०५॥ वित्तिच्छेयं वज्जन्तो तेसिमण्यत्तियं परिहरन्तो । मन्दं परक्कमे भगवं अहिंसमाणो घासमेसित्था ॥१०६॥ अवि सुइयं वा सुक्कं वा
 सीयं पिंडं पुराणकुम्मासं । अदु बुक्कसं, पुलागं वा लद्धे पिंडे अलद्धे दविए ॥१०७॥ अवि झाइ से महावीरे आसणत्थे अकुक्कुए झाणं ।
 उड्डं अहे तिरियं च पेहमाणे समाहिमपडिन्ने ॥१०८॥ अकसाई विगयगेही य सदरूवेसु अमुच्छिए झाई । छउमत्थोऽवि (प्र० विवि)
 परक्कममाणो न पमायं सइं पि कुव्वित्था ॥१०९॥ सयमेव अभिसमागम्म आयतजोगमायसोहीए । अभिनिव्वुडे अमाइल्ले आवकहं भगवं
 समियासी ॥११०॥ एसविही अणु. रीयइ ॥१११॥ तिबेमि ॥ ३० ४ उपधानाध्ययनं ९ ॥ इति प्रथमः श्रुतस्कन्धः ॥

से भिक्खु वा भिक्खुणी वा गाहावड्कुलं पिंडवायपडियाए अणुपविट्ठे समाणे से जं पुण जाणिज्जा असणं वा पाणं वा
 खाइमं वा साइमं वा पाणेहिं वा पणगेहिं वा बीएहिं वा हरिएहिं वा संसत्तं उम्भिस्सं (प्र० सीओदएण वा संसत्तं उम्भिस्सं) सीओदएण

वा ओसित्तं रयसा वा परिघासियं तहप्पगारं असणं वा पाणं वा खाइमं वा साइमं वा परहत्थंसि वा परपायंसि वा अफासुयं अणेसणिज्जंति मन्नमाणे लाभेऽवि संते नो पडिग्गाहिज्जा, से य आहच्च पडिग्गहिए सिया से तं आयाय एगंतमवक्कमिज्जा एगंतमवक्कमित्ता अहे आरामंसि वा अहे उवस्सयंसि वा अप्पंडे अप्पमाणे अप्पबीए अप्पहरिए अप्पोसे (अप्पुदए) अप्पुत्तिं गपणगदगमट्टियमक्कडासंताणए विगिंचिय २ उम्मीसं विसोहिय २ तओ संजयामेव भुंजिज्ज वा पीइज्ज वा, जं च नो संचाइज्जा भुत्तए वा पायए वा से तमायाय एगंतमवक्कमिज्जा, अहे झामथंडिलंसि वा अट्टिरासिंसि वा किट्टरासिंसि वा तुसरसिंसि वा गोमयरासिंसि वा अन्नयरंसि वा तहप्पागारंसि थंडिलंसि पडिलेहिय पडिलेहिय पमज्जिय पमज्जिय तओ संजयामेव परिट्टुविज्जा ॥२२४॥ से भिक्खु वा भिक्खुणी वा गाहावइ . जाव पविट्ठे समाणे से जाओ पुण ओसहीओ जाणिज्जा कसिआणो सासियाओ अविदलकडाओ अतिरिच्छच्छिन्नाओ अवुच्छिण्णाओ तरुणियं वा छिवाडिं अणभिकंतऽभजियं पेहाए अफासुयं अणेसणिज्जंति मन्नमाणे लाभे संते ना पडिग्गाहिज्जा, से भिक्खू वा. जाव पविट्ठे समाणे से जाओ पुण ओसहीओ जाणिज्जा अकसिणाओ असासियाओ विदलकडाओ तिरिच्छच्छिन्नाओ वुच्छिन्नाओ तरुणियं वा छिवाडिं अभिकंतं भजियं पेहाए फासुयं एसणिज्जंति मन्नमाणे लाभे संते पडिग्गा हिज्जा ॥२२५॥ से भिक्खु वा. जाव समाणे से जं पुण जाणिज्जा पिहुयं । बहुरयं वा भुंजियं वा मंथुं वा चाउलं वा चाउलपलंबं वा सइं संभजियं अफासुयं जाव नो पडिग्गाहिज्जा, से भिक्खू वा० जाव समाणे से जं पुण जाणिज्जा पिहुयं वा जाव चाउलपलंबं वा असइं भजियं दुक्खुत्तो वा तिक्खुत्तो वा भजियं फासुयं

एसणिज्जं जाव पडिगाहिज्जा ॥२२६॥ से भिक्खु वा भिक्खुणी वा गाहावइकुलं जाव पविसिउकामे नो अन्नउत्थिएण वा गारत्थिएण वा परिहारिओ वा अप्परिहारिएणं सद्धिं गाहावइकुलं पिंडवायपडियाए पविसिज्ज वा निक्खमिज्ज वा, से भिक्खू वा० बहिया वियारभूमिं वा विहारभूमिं वा निक्खममाणे वा पविसमाणे वा नो अन्नउत्थिएण वा गारत्थिएण वा परिहारिओ वा अपरिहारिएण सद्धिं बहिया वियारभूमिं वा विहारभूमिं वा निक्खमिज्ज वा पविसिज्ज वा, से भिक्खू वा. गामाणुगामं दूइज्जमाणे नो अन्नउत्थिएण वा जाव गामाणुगामं दूइज्जिज्जा ॥२२७॥ से भिक्खू वा भिक्खुणी वा जाव पविट्ठे समाणे नो अन्नउत्थियस्स वा गारत्थियस्स वा परिहारिओ वा अपरिहारियस्स असणं वा पाणं वा खाइमं वा साइमं वा दिज्जा वा अणुपइज्जा वा ॥२२८॥ से भिक्खू वा. जाव समाणे असणं वा ४ अस्सिंपडियाए एगं साहम्मियं समुद्दिस्स पाणाइं भूयाइं जीवाइं सत्ताइं समारब्भ समुद्दिस्स कीयं पामिच्चं अच्छिज्जं अणिसट्ठं अभिहडं आहट्ठु चेएइ तं तहप्पगारं असणं वा ४ पुरिसंतरकडं वा अपुरिसंतरकडं वा बहिया नीहडं वा अनीहडं वा अत्तट्ठियं वा अणत्तट्ठियं वा परिभुत्तं वा अपरिभुत्तं वा आसेवियं वा अणासेवियं वा अफासुयं जाव नो पडिगाहिज्जा, एवं बहवे साहम्मिया एगं साहम्मिणिं बहवे साहम्मिणीओ समुद्दिस्स चत्तारि आलावगा भाणियव्वा ॥२२९॥ से भिक्खू वा० जाव समाणे से जं पुण जाणिज्जा असणं वा ४ बहवे समणा माहणा अतिहि किवणवणीमए पगणिय २ समुद्दिस्स पाणाइं वा ४ समारब्भ जाव नो पडिगाहिज्जा ॥२३०॥ से भिक्खू वा भिक्खुणी वा जाव पविट्ठे समाणे से जं पुण जाणिज्जा असणं वा ४ बहवे समणा माहणा अतिही किवणवणीमए समुद्दिस्स जाव चेएइ

तं तहप्पगारं असणं वा ४ अपुरिसंतरकडं वा अबहियानीहडं अणत्तट्ठियं अपरिमुत्तं अणासेवियं अफासुयं अणेसणिज्जं जाव नो पडिग्गाहिज्जा, अह पुण एवं जाणेज्जा पुरिसंतरकडं बहियानीहडं अत्तट्ठियं परिभुत्तं आसेवियं फासुयं एसणिज्जं जाव पडिग्गाहिज्जा । २३१ । से भिक्खु वा भिक्खुणी वा गाहावडकुलं पिंडवायपडियाए पविसिउकामे से जाइं पुण कुलाइं जाणिज्जा इमेसु खलु कुलेसु निइए पिंडे दिज्जइ अग्गपिंडे दिज्जइ नियए भाए दिज्जइ नियए अवड्ढुभाए दिज्जइ, तहप्पगाराइं कुलाइं निइयाइं निइउमाणाइं नो भत्ताए वा पाणाए वा पविसिज्ज वा निक्खभिज्ज वा, एयं खलु तस्स भिक्खुस्स भिक्खुणीए वा सामग्गियं जं सव्वट्ठेहिं समिए सहिए सया जएत्तिबेमि । २३२ । अ० १ उ० १ ॥

से भिक्खु वा भिक्खुणी वा गाहावडकुलं पिंडवायपडियाए अणुपविट्ठे समाणे से जं पुण जाणिज्जा असणं वा ४ अट्टमियोसहिएसु वा अब्बमासिएसु वा मासिएसु वा दोमासिएसु वा (तेमासिएसु वा) चाउम्मासिएसु वा पंचमासिएसु वा छम्मासिएसु वा उउसु वा उउसंधीसु वा उउपरियट्ठेसु वा बहवे समणमाहणअतिहिकिवणवणीमगे एगाओ उक्खाओ परिएसिज्जमाणे पेहाए दोहिं उक्खाहिं परिएसिज्जमाणे पेहाए तिहिं कुंभीमुहाओ वा कलोवाइओ वा संनिहिसंनिचयाओ वा परिएसिज्जमाणे पेहाए तहप्पगारं असणं वा ४ अपुरिसंतरकडं जाव अणासेवियं अफासुयं जाव नो पडिग्गाहिज्जा, अह पुण एवं जाणिज्जा पुरिसंतरकडं जाव आसेवियं फासुयं पडिग्गाहिज्जा । २३३ । से भिक्खू वा जाव समाणे से जाइं पुण कुलाइं जाणिज्जा, तंजहा उग्गकुलाणि वा भोगकुलाणि वा राइन्नकुलाणि

वा खत्तियकुलाणि इक्खागकुलाणि वा हरिवंसकुलाणि वा एसियकुलाणि वा वेसियकुलाणि वा गंडागकुलाणि वा कोट्टागकुलाणि
 वा गामरक्खकुलाणि वा बुक्कासकुलाणि (५० पोक्कासाईयकुलाणि) वा अन्नयेरेसु वा तहप्पगारेसु कुलेसु अदुगुंछिएसु अगरहिएसु
 असणं वा ४ फासुयं जाव पडिग्गाहिज्जा । २३४। से भिक्खू वा जाव समाणे से जं पुण जाणिज्जा असणं वा ४ समवाएसु वा
 पिंडनियरेसु वा खंदमहेसु वा एवं रुद्धमहेसु वा मुगुंदमहेसु वा भूयमहेसु वा जक्खमहेसु वा नागमहेसु वा थूभमहेसु वा चेइयमहेसु वा
 रुक्खमहेसु वा गिरिमहेसु वा दरिमहेसु वा अगडमहेसु वा तलागमहेसु वा दहमहेसु वा नईमहेसु वा सरमहेसु वा सागरमहेसु वा
 आगरमहेसु वा अन्नयेरेसु वा तहप्पगारेसु विरुवरूवेसु महामहेसु वट्टमाणेसु बहवे समणमाहणअतिहिकिवणवणीमगे एगाओ उक्खाओ
 परिएसिज्जमाणे पेहाए दोहिं जाव संनिहिसंनिचयाओ वा परिएसिज्जमाणे पेहाए तहप्पगारं असणं वा ४ अपुरिसंतरकडं जाव नो
 पडिग्गाहिज्जा, अह पुण एवं जाणिज्जा दित्रं जं तेसिं दायव्वं, अह तत्थ भुंजमाणे पेहाए गाहावइभारियं वा गाहावइभगिणिं वा
 गाहावइपुत्तं वा धूयं वा सुणहं वा थाइं वा दासं वा दासिं वा कम्मकरं वा कम्मकरिं वा से पुव्वामेव आलोइज्जा आउसित्ति वा भगिणित्ति
 वा दाहिसि मे इत्तो अन्नयरं भोयणजायं, से सेवं वयंतस्स परो असणं वा ४ आहट्टु दलइज्जा तहप्पगारं असणं वा ४ सयं वा पुण जाइज्जा
 परो वा से दिज्जा फासुयं जाव पडिग्गाहिज्जा । २३५। से भिक्खू वा० परं अब्बजोयणमेराए संखडिं नच्चा संखडिपडियाए नो
 अभिसंधारिज्जा गमणाए, से भिक्खू वा २ पाईणं संखडिं नच्चा पडीणं गच्छे अणाढायमाणे, पडीणं, संखडिं नच्चा पाईणं गच्छे

अणाढायमाणे, दाहिणं संखडिं नच्चा उदीणं गच्छे अणाढायमाणे, उईणं संखडिं नच्चा दाहिणं गच्छे अणाढायमाणे, जत्थेव सा संखडी सिया, तंजहा गामंसि वा नगरंसि वा खेडंसि वा कब्बडंसि वा मडंबंसि वा पट्टणंसि वा आगरंसि वा दोणमुहंसि वा नेगमंसि वा आसमंसि वा सन्निवेसंसि वा जाव रायहाणिंसि वा संखडिं संखडिपडियाए नो अभिसंधारिज्जा गमणाए, केवली बूया आयाणमेयं (प्र० आययणमेयं) संखडिं संखडिपडियाए अभिधारेमाणे आहाकम्मियं वा उद्देसियं वा मीसजायं वा कीयगडं वा पाभिच्चं वा अच्छिज्जं वा अणिसिट्ठं वा अभिहडं वा आहट्टु दिज्जमाणं भुंजिज्जा, अस्संजए भिक्खुपडियाए खुड्डियदुवारियाओ महल्लियदुवारियाओ कुज्जा, महल्लियदुवारियाओ खुड्डियदुवारियाओ कुज्जा, समाओ सिज्जाओ विसमाओ कुज्जा, विसमाओ सिज्जाओ समाओ कुज्जा, पवायाओ सिज्जाओ निवायाओ कुज्जा, निवायाओ सिज्जाओ पवायाओ कुज्जा० अंतो वा बहिं वा उवस्सयस्स हरियाणि छिंदिय छिंदिय दालिय दालिय संथारगं संथारिज्जा, एस विलुंगयामो सिज्जाए, तम्हा से संजए नियंठे तहप्पगारं पुरेसंखडिं वा पच्छासंखडिं वा संखडिं संखडिपडियाए नो अभिसंधारिज्जा गमणाए, एयं खलु तस्स भिक्खुस्स जाव सया जए । २३६ । अ० १ उ० २ ॥

से एगइओ अन्नयरं संखडिं आसित्ता पिबित्ता छड्डिज्ज वा वभिज्ज वा भुत्ते वा से नो सम्भं परिणमिज्जा अन्नयरे वा से दुक्खे रोगायंके समुप्पज्जिज्जा, केवली बूया आयाणमेयं । २३७ । इह खलु भिक्खू गाहावईहिं वा गाहा वईणीहिं वा परिवायएहिं वा परिवाइयाहिं वा एगज्जं सद्धिं सुंडं पाउं भो वइमिस्सं हुरत्था वा उवस्सयं पडिलेहेमाणो नो लभिज्जा तमेव उवस्सयं संभिस्सीभावभावज्जिज्जा अन्नमणे

वा से मत्ते विप्परियासियभुए इत्थिविग्गहे वा किलीबे वा तं भिक्खुं उवसंकमिच्च बूया आउसंतो समणा अहे आरामंसि वा अहे उवस्सयंसि वा राओ वा वियाले वा गामधम्मनियंतियं कट्ठु रहस्सियं मेहुणधम्मपरियारणाए आउट्टामो, तं चेवेगईओ सातिजिज्जा, अकरणिज्जं चेयं संखाए एए आयाणा (आयतणाणि) संति संविज्जमाणा पच्चवाया भवंति, तम्हा से संजए नियंठे तहप्पगारं पुरेसंखडिं संखडिपडियाए नो अभिसंधारिज्जा गमणाए । २३८ । से भिक्खू वा अन्नयरिं संखडिं सुच्चा निसम्म संपहावइ उस्सुयभूएण अप्पाणेणं, ध्रुवा संखडी, नो संचाएइ तत्था इयरेयरेहिं कुलेहिं सामुदाणियं एसियं वेसियं पिंडवायं पडिग्गाहिच्चा आहारं आहारित्तए, माइट्ठाणं संपासे, नो एवं करिज्जा, से तत्थ कालेण अणुपविसित्ता तत्थियरेयरेहिं कुलेहिं सामुदाणियं एसियं वेसियं पिंडवायं पडिग्गाहिच्चा आहारं आहारिज्जा । २३९ । से भिक्खू वा २ से जं पुण जाणिज्जा गामं वा जाव रायहाणिं वा इमंसि खलु गामंसि वा जाव रायहाणिंसि वा संखडी सिया तंपि य गामं वा जाव रायहाणिं वा संखडिं संखडिपडियाए नो अभिसंधारिज्जा गमणाए, केवली बूया आयाणमेयं, आइनाऽवमाणं संखडिं अणुपविस्समाणस्स पाएण वा पाए अक्कंतपुव्वे भवइ हत्थेण वा हत्थे संचालियपुव्वे भवइ पाएण वा पाए आवडियपुव्वे भवइ सीसेण वा सीसे संघट्टियपुव्वे भवइ काएण वा काए संखोभियपुव्वे भवइ दंडेण वा अट्ठीण वा मुट्ठीण वा लेलुणा वा कवालेण वा अभिहयपुव्वे भवइ सीओदएण वा उस्सित्तपुव्वे भवइ रयसा । परिघासियपुव्वे भवइ अणेसणिज्जे वा परिभुत्तपुव्वे भवइ अत्रेसिं वा दिज्जमाणे पडिग्गाहियपुव्वे भवइ तम्हा से संजए नियंठे तहप्पगारं आइन्नावमाणं संखडिं संखडिपडियाए नो

अभिसंधारिज्जा गमणाए १ २४० ॥ से भिक्खू वा २ जाव समाणे से जं पुण जाणिज्जा असणं वा ४, एसणिज्जे सिया अणेसणिज्जे सिया वित्तिगिंछसमावन्नेण अप्पाणेण असमाहडाए लेसाए तहप्पगारं असणं वा ४ लाभे संते नो पडिगाहिज्जा १ २४१ ॥ से भिक्खू. गाहावइकुलं पविसिउकामे सव्वं भंडगमायाए गाहावइकुलं पिंडवायपडियाए पविसिज्ज वा निक्खमिज्ज वा, से भिक्खू वा २ बहिया विहारभूमिं वा विचारभूमिं वा निक्खममाणे वा पविसमाणे वा सव्वं भंडगमायाए बहिया विहारभूमिं वा विचारभूमिं वा निक्खमिज्ज वा पविसिज्ज वा, से भिक्खू वा २ गामाणुगामं दूइज्जमाणे सव्वं भंडगमायाए गामाणुगामं दुइज्जिज्जा १ २४२ ॥ से भिक्खू. अह पुण एवं जाणिज्जा तिव्वदेसियं वासं वासेमाणं पेहाए तिव्वदेसियं महिय संनिचयमाणं पेहाए महवाएण वा रयं समुदघुयं पेहाए तिरिच्छसंपाइमा वा तसा पाणा संथडा संनिचयमाणा पेहाए, से एवं नच्चा नो सव्वं भंडगमायाए गाहावइकुलं पिंडवायपडियाए पविसिज्ज वा निक्खमिज्ज वा बहिया विहारभूमिं वा विचारभूमिं वा निक्खमिज्ज वा पविसिज्ज वा गामाणुगामं दूइज्जिज्जा १ २४३ ॥ से भिक्खू वा २ से जाइं पुण कुलाइं जाणिज्जा तंजहा खत्तियाण वा राइण वा कुराईण वा रायपेसियाण वा रायवंसट्टियाण वा अंतो वा बाहिं वा गच्छंताण वा संनिविट्ठाण वा निमंतेमाणाण वा अनिमंतेमाणाण वा असणं वा ४ लाभे संते नो पडिगाहिज्जा १ २४४ ॥ अ० १ ३० ३ ॥

से भिक्खू वा ० जाव समाणे से जं पुण जाणेज्जा मंसाइयं वा मच्छाइयं वा मंसखलं वा मच्छखलं वा आहेणं वा पेहेणं वा हिंगोलं वा संमेलं वा हीरमाणं पेहाए अंतरा से मग्गा बहुपाणा बहुबीया बहुहरिया बहुओसा बहुउदया बहुउत्तिगपणगदगमट्टीयमक्कडा

संताणया बहवे तत्थ समणमाहणअतिहिकिवणवणीमगा उवागया उवागमिस्संति (उवागच्छंति) तत्थाइत्रा वित्ती नो पन्नस्स निक्खमणपवेसाए नो पन्नस्स वायणपुच्छणपरियट्ठणाणुप्पेहधम्माणुओगचिंताए, से एवं नच्चा तहप्पगारं पुरेसंखडिं वा पच्छासंखडिं वा संखडिं संखडिपडिआए नो अभिसंधारिज्जा गमणाए, से भिक्खु वा० से जं पुण जाणिज्जा मंसाइयं वा मच्छाइयं वा जाव हीरमाणं वा पेहाए अंतरा से मग्गा अप्पा पाणा जाव संताणगा नो जत्था बहवे समण० जाव उवागमिस्संति अप्पाइत्रा वित्ती पन्नस्स निक्खमणपवेसाए पन्नस्स वायणपुच्छणपरियट्ठणाणुप्पेहधम्माणुओगचिंताए, सेवं नच्चा तहप्पगारं पुरेसंखडिं वा० अभिसंधारिज्ज गमणाए । २४५ । से भिक्खु वा २ जाव पविसिउकामे से जं पुण जाणिज्जा खीरिणियाओ गावीओ खीरिज्जमाणीओ पेहाए असणं वा ४ उवसंखडिज्जमाणं पेहाए पुरा अप्पजूहिए सेवं नच्चा नो गाहावइकुलं पिंडवायपडियाए निक्खमिज्ज वा पविसिज्ज वा, से तमादाय एगंतमवक्कमिज्जा अणावायमसंलोए चिट्ठिज्जा, अह पुण एवं जाणिज्जा, खीरिणियाओ गावीओ खीरियाओ पेहाए असणं वा ४ उवक्खडियं पेहाए पुराए जुहिए सेवं नच्चा तओ संजयामेव गाहा. निक्खमिज्ज वा० ॥२४६॥ भिक्खागा नामेगे एवमाहंसु समाणा वा वसमाणा वा गामाणुगामं दुईज्जमाणे खुट्ठाए खलु अथं गामे संनिरुद्धाए नो महालए से हंता भयंतारो बाहिरगाणि गामाणि भिक्खायरियाए वयह, संति तत्थेगइयस्स भिक्खुस्स पुरेसंथुया वा पच्छासंथुया वा परिवंसति, तंजहा गाहावई वा गाहावइणीओ वा गाहावइपुत्ता वा गाहावयधूयाओ वा गाहावईसुण्हाओ वा धाईओ वा दासा वा दासीओ वा कम्मकरा वा कम्मकरीओ वा. तहप्पगाराइं कुलाइं पुरेसंथुयाणि वा

पच्छासंश्रुयाणि वा पुच्चामेव भिक्खायरियाए अणुपविसिस्सामि, अविय इत्थ लभिस्सामि पिंडं वा लोयं वा खीरं वा दहिं वा नवणीयं वा घयं वा गुल्लं वा तिल्लं वा महं वा मज्जं वा मंसं वा सक्कुलिं वा फाणियं वा पूयं वा सिहिरिणिं वा, तं पुच्चामेव भुच्चा पिच्चा पडिग्गहं संलिहिय संभज्जिय तओ पच्छा भिक्खूहिं सद्धिं गाहा० पविसिस्सामि वा निक्खमिस्सामि वा माइट्ठाणं संफासे, तं नो एवं करिज्जा, से तत्थ भिक्खूहिं सद्धिं कालेणं अणुपविसित्ता तत्थियरेयेहिं कुलेहिं सामुदाणियं एसियं वेसियं पिंडवायं पडिगाहित्ता आहारं आहारिज्जा, एयं खलु तस्स भिक्खुस्स वा० सामगियं । २४७। अ० १ ३० ४ ॥

से भिक्खू वा २ जाव पविट्ठे समाणे से जं पुण जाणिज्जा अग्गपिंड उक्खिप्पमाणं पेहाए अग्गपिंडं निक्खिप्पमाणं पेहाए अग्गपिंडं हीरमाणं पेहाए अग्गपिंडं परिभाईज्जमाणं पेहाए अग्गपिंडं परिभुंजमाणं पेहाए अग्गपिंडं परिट्ठविज्जमाणं पेहाए पुरा असिणाइ वा अवहाराइ वा पुरा जत्थण्णे समण० वणीमगा खब्धं २ उवसंकमंति से हंता अहमवि खब्धं २ उवसंकमामि, माइट्ठाणं संफासे, नो एवं करेज्जा । २४८। से भिक्खू वा० जाव समाणे अंतरा से वप्पाणि वा फलिहाणि वा पागाराणि वा तोरणाणि वा अग्गलाणि वा अग्गलपासगाणि वा सति परक्कमे संजयामेव परिक्कमिज्जा, नो उज्जुयं गच्छिज्जा, केवली बूया आयाणमेयं, से तत्थ परक्कममाणे पयलिज्ज वा पक्खलेज्ज वा पवडिज्ज वा से तत्थ पयलमाणे वा पक्खलेज्जमाणे वा पवडमाणे वा तत्थ से काए उच्चारेण वा पासवणेण वा खेलेण वा सिंथाणेण वा वंतेण वा पित्तेण वा पुएण वा सुक्केण वा सोणिएण वा उवलित्ते सिया, तहप्पगारं कायं नो

अणंतरहियाए पुढवीए नो ससिणिद्धाए पुढवीए नो ससरक्खाए पुढवीए नो चित्तमंताए सिलाए नो चित्तमंताए लेलूए कोलावासंसि वा दारुए जीवपइट्टिए सअंडे सपाणे जाव ससंताणए नो आमज्जिज्ज वा पमज्जिज्ज वा संलिहिज्ज वा निलिहिज्ज वा उव्वलेज्ज वा उव्वट्टिज्ज वा आयाविज्ज वा पयाविज्ज वा, से पुव्वामेव अप्पससरक्खं तणं वा पत्तं वा कट्ठं वा सक्करं वा जाइज्जा, जाइत्ता से तमायाय एगंतमवक्कमिज्जा २ अहे झामथंडिलंसि वा जाव अन्नयरंसि वा तहप्पगारंसि पडिलेहिय पडिलेहिय पमज्जिय पमज्जिय तओ संजयामेव आमज्जिज्ज वा जाव पयाविज्ज वा । २४९। से भिक्खू वा० से जं पुण जाणिज्जा गोणं वियालं पडिपहे पेहाए महिसं वियालं पडिपहे पेहाए, एवं मणुस्सं आसंहत्थिं सीहं वग्घं विगं दीवियं अच्छं तरच्छं परिसरं सियालं विरालं सुणयं कोलसुणयं कोकंतियं चिताचिल्लडयं वियालं पडिपहे पेहाए सइ परक्कमे संजयामेव परक्कमेज्जा, नो उज्जुयं गच्छिज्जा, से भिक्खू वा. समाणे अंतरा से उवाओ वा खाणुए वा कंटए वा घसी वा भिलुगा वा विसमे वा विज्जले वा परियावज्जिज्जा, सइ परक्कमे संजयामेव, नो उज्जुयं गच्छिज्जा । २५०। से भिक्खू वा० गाहावइकुलस्स दुवारबाहं कंटगबुंदियाए परिपिहियं पेहाए तेसिं पुव्वामेव उग्गहं अणणुन्नविय अपडिलेहिय अप्पमज्जिय नो अवंगुणिज्ज वा पविसिज्ज वा निक्खमिज्ज वा तेसिं पुव्वामेव उग्गहं अणुन्नविय पडिलेहिय पडिलेहिय पमज्जिय पमज्जिय तओ संजयामेव अवंगुणिज्ज वा पविसेज्ज वा निक्खमेज्ज वा । २५१। से भिक्खू वा २ से जं पुण जाणिज्जा समणं वा माहणं वा गामपिंडोलगं वा अतिहिं वा पुव्वपविट्ठं पेहाए नो तेसिं संलोए सपडिदुवारे चिट्ठिज्जा) (प्र० केवली बूया आयाणमेयं पुरा पेहाए

तस्सट्ठाए परो असणं वा ४ आहट्टु दलइज्जा, अह भिक्खूणं पुव्वोवइट्ठं एस पइन्ना एस उवएसो जं नो तेसिं संलोए सपडिदुवारे चिट्ठिज्जा) से तमायाय एगंतमवक्कमिज्जा २ अणावायमसंलोए चिट्ठिज्जा, से से परो अणावायमसंलोए चिट्ठमाणस्स असणं वा ४ आहट्टु दलइज्जा, से य एवं वइज्जा आ उसंतो समणा इमे भे असणे वा ४ सव्वजणाए निसिट्ठे तं भुंजह वा णं परिभाएह वा णं, तं चेगइओ पडिगाहिता तुसिणीओ उवेहिज्जा, अविथाइं एयं मममेव सिया. माइट्ठाणं संफासे, नो एवं करिज्जा, से तमायाए तत्थ गच्छिज्जा २ से पुव्वामेव आलोइज्जा आउसंतो समणा, इमे भे असणे वा ४ सव्वजणाए निसिट्ठे तं भुंजह वा णं जाव परिभाएह वा णं, सेणमेवं वयंतं परो वइज्जा आउसंतो समणा, तुमं चेव णं परिभाएहि. से तत्थ परिभाएमाणे नो अप्पणो खब्बं २ डायं २ उसट्ठं २ रसियं २ मणुन्नं २ निब्बं २ लुक्खं २, से तत्थ अमुच्छिए अगिद्धे अग (ना) ढिए बणज्जोववन्ने बहुसममेव परिभाइज्जा, से णं परिभाएमाणं परो वइज्जा आ उसंतो समणा मा णं तुमं परिभाएहि सव्वे वेगइआ ठिया उ भुक्खामो वा पाहामो वा, से तत्थ भुंजमाणे नो अप्पणा खब्बं खब्बं जाव लुक्खं, से तत्थ अमुच्छिए ४ बहुसममेव भुंजिज्जा वा पीइज्जा वा । २५२ । से भिक्खू वा २ से जं पुण जाणिज्जा समणं वा माहणं वा गामपिंडोलगं वा अतिहिं वा पुव्वपविट्ठं पेहाए नो ते उवाइक्कम्म पविसिज्ज वा ओभासिज्ज वा, से तमायाय एगंतमवक्कमिज्जा २ अणावायमसंलोए चिट्ठिज्जा, अह पुणेवं जाणिज्जा पडिसेहिए वा दिन्ने वा, तओ तंमि नियत्तिए संजयामेव पविसिज्ज वा ओभासिज्ज वा एयं सामगियं । २५३ ॥ अ० १ उ० ५ ॥

॥ श्रीआचाराङ्ग सूत्रं ॥

५८

पू. सागरजी म. संशोधित

से भिक्खू वा० से जं पुण जाणिज्जा रसेसिणो बहवे पाणा घासेसणाए संथडे संनिवइए पेहाए तंजहाकुक्कुडजाइयं वा
 सूयरजाइयं वा अग्गपिंडंसि वा वायसा संथडा संनिवइया पेहाए सइ परक्कमे संजयामेव परक्कमेज्जा, नो उज्जुयं गच्छिज्जा । २५४। से
 भिक्खू वा २ जाव नो गाहावइकुलस्स वा दुवारसाहं अवलंविअ २ चिट्ठिज्जा नो गा० दगच्छडुणमत्तए चिट्ठिज्जा० नो गा० चंदणिउयए
 चिट्ठिज्जा, नो गा० सिणाणस्स वा वच्चस्स वा संलोए सपडिदुवारे चिट्ठिज्जा नो० आलोयं वा थिग्गलं वा संधि वा दगभवणं वा
 बाहाओ पगिज्झिय २ अंगुलियाए वा उद्दिसिय २ उण्णमिय २ अवनमिय २ निज्झाइज्जा, नो गाहावइं अंगुलियाए उद्दिसिय २ जाइज्जा०
 नो गा० अंगुलिए चालिय २ जाइज्जा० नो गा० अं० तज्जिय २ जाइज्जा नो गा० अं० उक्खुलंपिय (उक्खुलुंदिय) २ जाइज्जा, नो
 गाहावइं वंदिय २ जाइज्जा, नो वयणं फरुसं वइज्जा । २५५। अह तत्थ कंचि भुंजमाणं पेहाए गाहावइं वा जाव कम्मकरि वा से
 पुव्वामेव आलोइज्जा आउसोत्ति वा भइणित्ति वा दाहिसि मे इत्तो अन्नयरं भोयणजायं ? से सेवं वयंतस्स परो हत्थं वा मत्तं वा दव्विं
 वा भायणं वा सीओदगवियडेण वा उसिणोदगवियडेण वा उच्छोलिज्ज वा पहोइज्ज वा, से पुव्वामेव आलोइज्जा आउसोत्ति वा
 भइणित्ति वा, मा एयं तुमं हत्थं वा० ४ सीओदगवियडेण वा २ उच्छोलेहि वा २, अभिकंखसि मे दाउं एवमेव दलयाहि से सेवं
 वयंतस्स परो हत्थं वा ४ सीओ उसि० उच्छोलित्ता पहोइत्ता आहट्टु दलइज्जा, तहप्पगारेणं पुरेकम्मकएणं हत्थेणं वा ४ असणं वा ४
 अफासुयं जाव नो पडिगाहिज्जा, अह पुण एवं जाणिज्जा नो पुरेकम्मकएणं०, उदउल्लेणं तहप्पगारेणं वा उदउल्लेण वा हत्थेण वा ४

असणं वा ८ अफासुयं जाव नो पडिगाहिजा, अह पुणेवं जाणिजा नो उदउल्लेण० ससिणिद्धेण सेसं तं चेव, एवं ससरक्खे उदउल्ले, ससिणिद्धे मट्टिया ऊसे । हरियाले हिंगुलए, मणोसिला अंजणे लोणे ॥१॥ गेरुय वन्निय सेडिय सोरट्टिय पिट्ट कुकुस उक्कुट्टसंसट्टेण । अह पुणेवं जाणिजा नो असंसट्टे संसट्टे तहप्पगारेण संसट्टेण हत्थेण वा ४ असणं वा ४ फासुयं जाव पडिगाहिजा । २५६ । से भिक्खू वा २ से जं पुण जाणिजा पिहयं वा बहुरयं वा जाव चाउलपलंबं वा असंजए भिक्खुपडियाए चित्तमंताए सिलाए जाव संताणाए कुट्टिसु वा कुट्टिति वा कुट्टिस्संति वा उप्फणिंसु वा ३ तहप्पगारं पिहयं वा. अफासुयं नो पडिगाहिजा । २५७ । से भिक्खू वा २ जाव समाणे से जं० बिलं वा लोणं उब्भियं वा लोणं अस्संजए जाव संताणाए भिंदिसु ३ रुचिंसु वा ३ बिलं वा लोणं उब्भियं वा लोणं अफासुयं० नो पडिगाहिजा । २५८ । से भिक्खू वा २ से जं० असणं वा ४ अगणिनिक्खित्तं तहप्पगहारं असणं वा ४ अफासुयं नो केवली बूया आयाणमेयं, अस्संजए भिक्खुपडियाए उस्सिंचमाणे वा आमज्जमाणे वा पमज्जमाणे वा ओयारेमाणे वा उव्वत्तेमाणे वा अगणिजीवे हिंसिजा, अह भिक्खूणं पुव्वोवड्डा एस पंडन्ना एस हेउ एस कारणे एसुवएसे जं तहप्पगारं असणं वा ४ अगणिनिक्खित्तं अफासुयं नो पडि एयं० सामगियं । २५९ । अ० १ उ० ६ ॥

से भिक्खू वा २ से जं० असणं वा ४ खंधंसि वा थंभंसि वा मंचंसि वा मालंसि वा पासायंसि वा हम्पियतलंसि वा अन्नयरंसि वा तहप्पगारांसि अंतलिक्खजायंसि उवनिक्खित्तं सिया तहप्पगारं मालोहडं वा ४ अफासुयं नो० केवली बूया आयाणमेयं, अस्संजए

भिक्षुपडियाए पीढं वा फलगं वा निस्सेणिं वा उदूहलं वा आहटु उस्सविय दुरूहिज्जा० से तत्थ दुरुहमाणे पयलिज्ज वा पवडिज्ज वा, से तत्थ पयलमाणे वा २ हत्थं वा पायं वा बाहुं वा उरुं वा उदरं वा सीसं वा अन्नयरं वा कायंसि इंदियजालं लूसिज्ज वा पाणीणि वा ४ अभिहणिज्ज वा वित्तासिज्ज वा लेसिज्ज वा संघसिज्ज वा संघट्टिज्ज वा परियाविज्ज वा किलामिज्ज वा ठाणाओ ठाणं संकामिज्ज वा, तं तहप्पगारं मालोहडं असणं वा ४ लाभे संते नो पडिगाहिज्जा, से भिक्षू वा २ जाव समाणे से जं० असणं वा ४ कोट्टियाओ वा कोलेज्जाओ वा अस्संजए भिक्षुपडियाए उक्कुज्जिय अवउज्जिय ओहरियं आहटु दलइज्जा, तहप्पगारं असणं वा ४ लाभे संते नो पडिगाहिज्जा । २६०। से भिक्षू वा० से जं० असणं वा ४ मट्टियाउलित्तं तहप्पगारं असणं वा ४ लाभे सं० केवली, अस्संजए भि० मट्टिओलित्तं असणं वा० उब्भिंदमाणं पुढविकायं समारंभिज्जा तह तेउवाउवणस्सइतसकायं समारंभिज्जा, पुणरवि उल्लिंपमाणे पच्छकम्मं करिज्जा, अह भिक्षूणं पुव्वो० जं तहप्पगारं मट्टिओलित्तं असणं वा लाभे । से भिक्षू से जं० असणं वा ४ पुढविकायपइट्टियं तहप्पगारं असणं वा अफासुयं०, से भिक्षू० जं० असणं वा ४ आउकायपइट्टियं चेव, एवं अगणिकायपइट्टियं लाभे०, केवली०, अस्संज० भि० अगणिं उस्सक्किय निस्सक्किय ओहरिय आहटु दलइज्जा, अह भिक्षूणं० जाव नो पडि० । २६१। से भिक्षू वा २ से जं० असणं वा ४ अच्युसिणं अस्संजए भि० सुप्पहेण वा विहुयणेण वा तालियंटेण वा पत्तेण वा साहाए वा साहाभंगेण वा पिहुणहत्थेण वा चेलेण वा चेलकण्णेण वा हत्थेण वा मुहेण वा फुमिज्ज वा वीडिज्ज वा, से पुव्वामेव आलोइज्जाआउसोत्ति वा भइणित्ति वा ! मा

एतं तुमं असणं वा ४ अच्युसिणं सुप्पेण वा जाव फुमाहि वा वीयाहि वा, अभिकंखसि मे दाऊं एमेव दलयाहि, से सेवं वयंचस्स परो सुप्पेण वा जाव वीडत्ता आहट्टु दलइज्जा तहप्पगारं असणं वा ४ अफासुयं वा नो पडि । २६२ । से भिक्खू वा २ से जं० असणं वा ४ वणस्सइकायपइट्ठियं तहप्पगारं असणं वा ४ वण लाभे संते नो पडि० । एवं तसकाएवि । २६३ । से भिक्खू वा २ से जं पुण पाणगजायं जाणिज्जा, तंजहा उस्सेइमं वा १ संसेइमं वा २ चाउलोदगं वा ३ अन्नयरं वा तहप्पगारं पाणगजायं अहुणाधोयं अणंबिलं अव्वुक्कंतं अपरिणयं अविद्धत्थं अफासुयं जाव नो पडिगाहिज्जा, अह पुण एवं जाणिज्जा चिराधोयं अंबिलं वुक्कंतं परिणयं विद्धत्थं फासुयं पडिगाहिज्जा । से भिक्खू वा० से जं पुण पाणगजायं जाणिज्जा, तंजहा तिलोदगं वा ४ तुसोदगं वा ५ जवोदगं वा ६ आयामं वा ७ सोवीरं वा ८ सुद्धवियडं वा ९ अन्नयरं वा तहप्पगारं वा पाणगजायं पुव्वामेव आलोइज्जा आउसोत्ति वा भइणित्ति वा ! दाहिसि मे इत्तो अन्नयरं पाणगजायं ?, से सेवं वयंतस्स परो वइज्जा आउसंतो समणा ! तुमं चेवेयं पाणगजायं पडिगहेण वा उस्सिंचियाणं उयत्तियाणं गिणहाहि, तहप्पगारं पाणगजायं सयं वा गिणिहज्जा परो वा से दिज्जा, फासुयं लाभे संते पडिगाहिज्जा । २६४ । से भिक्खू वा० से जं पुण पाणगं जाणिज्जा अणंतरहियाए पुढवीए जाव संताणए उद्धट्टु २ निक्खित्ते सिया, असंजए भिक्खूपडियाए उदउल्लेण वा ससिणिद्धेण वा सकसाएण वा मत्तेण वा सीओदगेण वा संभोइत्ता आहट्टु दलइज्जा, तहप्पगारं पाणगजायं अफासुयं, एयं खलु सामगियं । २६५ । अ० १० ३ ७ ॥ से भिक्खू वा २ से जं पुण पाणगजायं जाणिज्जा, तंजहा अंबपाणगं वा १० अंबाडगरपाणगं वा ११ कवट्ठिपाण १२

माउलिंगपा १३ मुद्वियापा १४ दालिमपा १५ खजूरपा १६ नालियेरपा १७ करीरपा १८ कोलपा १९ आमलपा २० चिंचापा २१
 अन्नयरं वा तहप्पगारं पाणगजातं सअड्डियं सकणुयं सबीयगं अस्मंजए भिक्खुपडियाए छब्बेण वा दूसेण वा वालगेण वा आवीलियाण
 परिवीलियाण परिसावियाण आहट्टु दलइज्जा तहप्पगारं पाणगजायं अफा० लाभे संते नो पडिगाहिज्जा । २६६ । से भिक्खू वा० २
 आंगतारेसु वा आरामागारेसु वा गाहावइगिहेसु वा परियावसहेसु वा अन्नगंधाणि वा पाणगंधाणि वा सुरभिगंधाणि वा आधाय २ से
 तत्थ आसायपडियाए मुच्छिए गिद्धे गढिए अज्झोववत्ते अहो गंधो २ नो गंधमाघाइज्जा । २६७ । से भिक्खू वा २ से जं० सालुयं वा
 बिरालियं वा सासवनालियं वा अन्नयरं वा तहप्पगारं आमगं असत्थपरिणयं अफासु । से भिक्खू वा से जं पुण पिप्पलिं वा पिप्पलिचुण्णं
 वा मिरियं वा मिरियचुण्णं वा सिंगबेरं वा सिंगबेर चुण्णं वा अन्नयरं वा तहप्पगारं आमगं वा असत्थप० । से भिक्खू वा० से जं पुण
 पलंबजायं जाणिज्जा, तंजहा अंबपलंबं वा अंबाडगपलंबं वा तालप झिज्झिरिप, सुरहि, सल्लरप, अन्नयरं तहप्पगारं पलंबजायं आमगं
 असत्थप । से भिक्खू २ से जं पुण पवालजायं जाणिज्जा, तंजहा आसोट्टपवालं वा निग्गोहप, पिलुंखुप, निपूरप (प्र० नीयुरप)
 सल्लइप, अन्नयरं वा तहप्पगारं पवालजायं आमगं असत्थपरिणयं । से भि० २ से जं पुण सरडुयजायं जाणिज्जा, तंजहा सरडुयं (प्र०
 अंबसरडुयं वा अंबाडगसरडुयं) कविट्टसर दाडिमसर, बिल्लस, अन्नयरं वा तहप्पगारं सरडुजायं आमं असत्थपरिणयं । से भिक्खू वा से
 जं पु० तंजहा उंबरमंथुं वा नग्गोहमं, पिलुंखुमं, आसोत्थमं, अन्नयरं वा तहप्पगारं मंथुजायं आमयं दुरुक्कं साणुवीयं अफासुयं, । २६८ ।

से भिक्षु वा० से जं पुण, आमडागं वा पूइपिन्नागं वा महं वा मज्जं वा सप्पिं वा खोलं वा पुराणगं वा इत्थ पाणा अणुप्पसूयाइं जायाइं संवुडढाइं अव्वुक्कंताइं अपरिणया इत्थपाणा अविद्धत्था नो पडिगाहिज्जा । २६९ । से भिक्षु वा० से जं० उच्छुमेसं वा अंककरेलगं वा कसेरुगं वा सिंघाडगं वा पुइआलुगं वा अन्नयरं वा । से भिक्षु वा २ से जं उप्पलं वा उप्पलनालं वा भिसं वा भिसमुणालं वा पुक्खलं वा पुक्खलविभंगं वा अन्नयरं वा तहप्पगारं । २७० । से भिक्षु वा २ से जं पु० अगबीयाणि वा मूलबीयाणि वा खंधबीयाणि वा पोरबी, अगजायाणि वा मूलजा, खंधजा, पोरजा, नन्नत्थ तक्कलिमत्थएण वा तक्कलिसीसेण वा नालियेरमत्थएण वा खजूरिमत्थएण वा तालम, अन्नयरं वा तह । से भिक्षु वा २ से जं० उच्छुं वा काणगं वा अंगारियं वा संमिस्सं विगदूमियं वित (त) गगं वा कंदलीउसुगं अन्नयरं वा तहप्पगा । (से भिक्षु वा० से जं० लसुणं वा लसुणपत्तं वा ल० नालं वा ल० कंदं वा ल० चोयगं वा अन्नयरं वा०) से भिक्षु वा० से जं० अच्छियं वा कुंभिपक्कं तिंदुगं वा वेलुगं वा कासवनालियं वा अन्नयरं वा तहप्पगारं आमं असत्थप । से भिक्षु वा० से जं० कणं वा कणकुंडगं वा कणपूयलियं वा चाउलं वा चाउलपिट्ठं वा तिलं वा तिलपट्ठं वा तिलपप्पडगं वा अन्नयरं वा तहप्पगारं आमं असत्थप लाभे संते नो प० एवं खलु तस्स भिक्षुस्स, सामगियं । २७१ । अ० १ उ० ८ ॥

इह खलु पाईणं वा ४ संतेगइया सडढा भवन्ति गाहावई वा जाव कम्मकरी वा, तेसिं च एवं वुत्तपुव्वं भवइ जे इमे भवन्ति समणा भगवंतो सीलवंतो वयवंतो गुणवंतो संजया संवुडा बंभयारी उवरया मेहुणाओ, धम्माओ, नो खलु एएसिं कप्पइ आहाकम्मिए

असणे वा ४ भूतए वा पायए वा, से जं पुण इमं अहं अप्पणो अट्ठाए निट्ठियं तं असणं ४ सव्वमेयं समणाणं निसिरामो, अवियाइं वयं पच्छा अप्पणो अट्ठाए असणं वा ४ चेइस्सामो, एयप्पगारं निग्घोसं सुच्चा निसम्म तहप्पगारं असणं वा ४ अफासुयं ॥ २७२ ॥ से भिक्खु वा ० वसमाणे वा गामाणुगामं वा दुइज्जमाणे से जं ० गामं वा जाव रायहाणिं वा ० इमंसि खलु, गामंसि वा रायहाणिंसि वा संतेगइयस्स भिक्खुस्स पुरेसंथुया वा पच्छासंथुया वा परिवसंति, तंजहा गाहावई वा जाव कम्म ० तहप्पगाराइं कुलाइं नो पुव्वामेव भत्ताए वा पाणाए वा पविसेज्ज वा निक्खमिज्ज वा, केवली बूया आयाणमेयं, पुरा पेहाए तस्स परो अट्ठाए असणं वा ४ उवकरिज्ज वा उवक्खडिज्ज वा, अह भिक्खूणं पुव्वोवइट्ठा ४ जं नो तहप्पगाराइं कुलाइं पुव्वामेव भत्ताए वा पाणाए वा पविसिज्ज वा निक्खमिज्ज वा, से तमायाय एगंतमवक्कमिज्जा २ अणावायमसंलोए चिट्ठिज्जा, से तत्थ कालेणं अणुपविसिज्जा २ तत्थियरेयरेहिं कुलेहिं सामुदाणियं एसियं वेसियं पिंडवायं एसित्ता आहारं आहारिज्जा, सिया से परो कालेण अणुपविट्ठस्स आहाकम्मियं असणं वा उवकरिज्ज वा उवक्खडिज्ज वा तं चेगइओ तुसिणीओ उवेहेज्जा, आहडमेव पच्चाइक्खिस्सामि, माइट्ठाणं संफासे, नो एवं करिज्जा, से पुव्वामेव आलोइज्जा आउसोत्ति वा भइणित्ति वा ! नो खलु मे कप्पइ आहाकम्मियं असणं वा ४ भूतए वा पायए वा, मा उवकरेहि मा उवक्खडेहि, से सेवं वयंतस्स परो आहाकम्मियं असणं वा ४ उवक्खडावित्ता (५० डित्ता) आहट्टु दलइज्जा तहप्पगारं असणं वा अफासुयं ॥ २७३ ॥ से भिक्खु वा २ से जं मंसं वा मच्छं वा भज्जिज्जमाणं पेहाए तिल्लपूयं वा आएसाए उवक्खडिज्जमाणं पेहाए नो खब्धं

२ उवसंकमित्तु ओभासिज्जा, नत्रत्थ गिलाणणीसाए । २७४। से भिक्खू वा० अन्नयरं भोयणजायं पडिगाहिता सुब्धिं सुब्धिं भुच्चा दुब्धिं २ परिट्ठवेइ, माइट्ठाणं संफासे, नो एवं करिज्जा, सुब्धिं वा दुब्धिं वा सव्वं भुंजिज्जा, नो किंचिवि परिट्ठविज्जा (प्र० सव्वं मुञ्जे न छट्ठए) । २७५। से भिक्खू वा० अन्नयरं पाणगजायं पडिगाहिता पुप्फं २ आविइत्ता कसायं २ परिट्ठवेइ, माइट्ठाणं संफासे, नो एवं करिज्जा, पुप्फं पुप्फेइ वा कसायं कसाइ वा सव्वमेयं भुंजिज्जा, नो किंचिवि परिट्ठवेइ । २७६। से भिक्खू वा० बहुपरियावन्नं भोयणजायं पडिगाहिता बहवे साहम्मिया तत्थ वसंति संभोइया समणुत्ता अपरिहारिया अदूरगया, तेसिं अणालोइय अणामंते (तिय) परिट्ठवेइ० माइट्ठाणं संफासे, नो एवं करेज्जा, से तमायाए तत्थ गच्छिज्जा २ से पुव्वामेव आलोइज्जा आउसंतो समणा इमे मे असणे वा पाणे वा ४ बहुपरियावन्ने तं भुंजह णं, से सेव वयंतं परो वइज्जा आउसंतो समणा, आहरमेयं असणं वा ४ जावइयं २ सरइ तावइयं २ भुक्खामो वा पाहामो वा सव्वमेयं परिसडइ सव्वमेयं भुक्खामो वा पाहामो वा । २७७। से भिक्खू वा २ से जं० असणं वा ४ परं समुद्दिस्स बहिया नीहडं जं परेहिं असमणुत्तायं अणिसिट्ठं अफा० जाव नो पडिगाहिज्जा, जं परेहिं समणुण्णायं सम्मं णिसिट्ठं फासुयं जाव पडिगाहिज्जा, एवं खलु तस्स भिक्खुस्स भिक्खुणीए वा सामगियं । २७८। अ० १ ३० ९ ॥

से एगइओ साहारणं वा पिंडवायं पडिगाहिता ते साहम्मिए अणापुच्छित्ता जस्स जस्स इच्छइ तस्स तस्स खब्धं खब्धं दलइ, माइट्ठाणं संफासे, नो एवं करिज्जा । से तमायाय तत्थ गच्छिज्जा २ एवं वइज्जा आउसंतो समणा ! संति मम पुरेसंथुया पच्छा० तंजहा

आयरिए वा १ उवज्झाए वा २ पविती वा ३ थेरे वा ४ गणी वा ५ गणहरे वा ६ गणावच्छेयए वा ७ अवियाइं एएसिं खब्धं खब्धं दाहामि, सेणेवं वयंतं परो वइज्जा कामं खलु आउसो ! अहापज्जत्तं निसिराहि, जावइयं २ परो वदइ तावइयं २ निसिरिज्जा, सव्वमेवं परो वयइ सव्वमेयं निसिरिज्जा । २७१। से एगइओ मणुन्नं भोयणजायं पडिगाहित्ता पंतेण भोयणेण पलिच्छाएइ मा मेयं दाइयं संतं दट्ठणं सयमाइए आयरिए वा जाव गणावच्छेयए वा, नो खलु मे कस्सइ किंचि दायव्वं सिया माइट्ठाणं संफासे, नो एवं करिज्जा । से तमायाए तत्थ गच्छिज्जा २ पुव्वामेव उताणाए हत्थे पडिग्गहं कट्ठु इमं खलु इमं खलुत्ति आलोइज्जा, नो किंचिवि णिगूहिज्जा । से एगइओ अन्नयरं भोयणजायं पडिगाहित्ता भइयं २ भुच्चा विविन्नं विरसमाहरइ, माइ०, नो एवं । २८०। से भिक्खू वा० से जं० अंतरुच्छुयं वा उच्छुगंडियं वा उच्छुचोयगं वा उच्छुमेरगं वा उच्छुसालगं वा उच्छुडालगं वा सिंबलिं वा सिंबलिथालगं वा अस्सिं खलु पडिग्गहियंसि अप्पे भोयणजाए बहुउज्झियधम्मिए तहप्पगारं अंतरुच्छुयं वा० अफा० ॥ से भिक्खू वा २ से जं० बहुअट्ठियं वा मंसं वा मच्छं वा बहुकंटयं अस्सिं खलु० तहप्पगारं बहु अट्ठियं वा मंसं लाभे संते जाव नो पडिगाहेज्जा । से भिक्खू वा० सिया णं परो बहुअट्ठिएण मंसेण वा मच्छेण वा उवनिमंतिज्जा आउसंतो समणा ! अभिकंखसि बहुअट्ठियं मंसं पडिगाहित्ताए ?, एयप्पगारं निग्घोसं सुच्चा निसम्म से पुव्वामेव आलोइज्जा आउसोत्ति वा २ नो खलु मे कप्पइ बहु० पडिगा०, अभिकंखसि मे दाउं जावइयं तावइयं पुगलं दलयाहि, मा य अट्ठियाइं, से सेवं वयंतस्स परो अभिहट्ठु अंतो पडिग्गहगंसि बहुअट्ठिअं मंसं परिभाइत्ता निहट्ठु दलइज्जा, तहप्पगारं

पडिग्गहं परहत्थंसि वा परपायंसि वा० अफा० नो०! से आहच्च पडिगाहिए सिया तं नो हित्ति वइज्जा नो अणिहित्ति वइज्जा, से तमायाय एगंतमवक्कमिज्जा २ अहे आरामंसि ना अहे उप्पसयंसि वा अप्पंडे जाव संताणए मंसगं मच्छगं भुच्चा अट्टियाइं कंटए गहाय से तमायाय एगंतमवक्कमिज्जा २ अहे झामथंवित्तंसि वा जाव पमज्जिय पमज्जिय परिट्ठविज्जा । २८१। से भिक्खू० सिया से परो अभिहट्टु अंतो पडिग्गहे बिलं वा लोणं उब्भियं वा लोणं परिभाइत्ता निहट्टु दलइज्जा, तहप्पगारं पडिग्गहं परहत्थंसि वा २ अफासुयं नो पडि०, से आहच्च पडिगाहिए सियातं च नाइदूरगए जाणिज्जा, से तमायाए तत्थ गच्छिज्जा २ पुव्वामेव आलोइज्जा आउसोत्ति वा २ इमं किं तं जाणया दिन्नं उयाहु अजाणया ?, से य भणिज्जा नो खलु मे जाणया दिन्नं, अजाणया दिन्नं, कामं खलु आउसो, इयाणिं निसिरामि, तं भुंजह वा णं परिभाएह वा णं, तं परेहिं समणुत्तायं समणुसट्ठं तओ संजयामेव भुंजिज्ज वा पीइज्ज वा, जं च नो संचाएइ भोत्तए वा पायए वा साहम्मिया तत्थ वसंति संभोइया समणुत्ता अपरिहारिया अदूरगा तेसिं अणुप्पयायव्वं सिया, नो जत्थ साहम्मिया जहेव बहुपरियावन्नं कीरइ तहेव कायव्वं सिया, एवं खलु ॥ २८२ ॥ अ० १३० १० ॥

भिक्खागा नामेगे एवमाहंसु समाणे वा वसमाणे वा गामाणुगामं वा दूइज्जमाणे मणुन्नं भोयणजायं लभित्ता से भिक्खू गिलाइ, से हंदह णं तस्साहरह, से य भिक्खू नो भुंजिज्जा तुमं चेव णं भुंजिज्जासि, से एगइओ भोक्खामित्तिवट्टु, पलिउंचिय २ आलोइज्जा, तंजहा इमे पिंडे इमे लोअे इमे तित्ते इमे कडुयए इमे कसाए इमे अबिले इमे महुरे, नो खलु इत्तो किंचि गिलाणस्स सयइत्ति

माइट्टाणं संपासे, नो एवं करिज्जा, तहाठियं आलोइज्जा जहाठियं गिलाणस्स सयइत्ति, तं तित्तयं तित्तएत्ति वा कडुयं कडुयं कसायं
 कसायं अंबिलं अंबिलं महरुं महरुं । २८३। भिक्खागा नामेगे एवमाहंसु समाणे वा वसमाणे वा गामाणुगामं दूइज्जमाणे वा मणुत्रं
 भोयणजायं लभित्ता से य भिक्खू गिलाइ से हंदह णं तस्स आहरह, से य भिक्खु नो भुंजिज्जा आहरिज्जा, से णं नो खलु मे अंतराए
 आहरिस्सामि, इच्चेयाइं आत्तणाइं उवाइकम्म । २८४। अह भिक्खू जाणिज्जा सत्त पिंडेसणाओ सत्त पाणेसणाओ, तत्थ खलु इमा
 पढमा पिंडेसणा असंसट्ठे हत्थे असंसट्ठे मत्ते तहप्पगारे असंसट्ठेण हत्थेण वा मत्तेण वा असणं वा ४ सयं वा णं जाइज्जा परो वा से दिज्जा
 फासुयं पडिगाहिज्जा पढमा पिंडेसणा १ ॥ अहावरा दुच्चा पिंडेसणा संसट्ठे हत्थे संसट्ठे मत्ते, तहेव दुच्चा पिंडेसणा २ ॥ अहावरा तच्चा
 पिंडेसणा इह खलु पाईणं वा ४ संतेगइया सट्ठा भवन्ति गाहावई वा जाव कम्मकरी वा, तेसिं च णं अन्नयेरेसु विरुवरूवेसु भायण
 जाएसु उवनिक्खित्तपुच्चे सिया, तंजहा थालंसि वा पिढरंसि वा सरगंसि वा परगंसि वा वरगंसि वा, अह पुणेवं जाणिज्जा असंसट्ठे हत्थे
 संसट्ठे मत्ते संसट्ठे वा हत्थे असंसट्ठे मत्ते, से य पडिग्गहधारी सिया पाणिपडिग्गहिए वा, से पुव्वामेव० आउसोत्ति वा! एएण तुमं
 असंसट्ठेण हत्थेण संसट्ठेण मत्तेण संसट्ठेण वा हत्थेण असंसट्ठेण मत्तेण अस्सिं पडिग्गहगंसि वा पाणिंसि वा निहट्ठु उच्चित्तु दलयाहि,
 तहप्पगारं भोयण जायं सयं वा णं जाइज्जा २ फासुयं० पडिगाहिज्जा, तईया पिंडेसणा ३ ॥ अहावरा चउत्था पिंडेसणा से भिक्खू वा०
 से जं० पिहुयं वा जाव चाउलपलंबं वा अस्सिं खलु पडिग्गहियंसि अप्पे पच्चाकम्मे अप्पे पंजवजाए, तहप्पगारं पिहुयं वा जाव

चाउलपलंबं वा सयं वा णं० जाव पडि० चउत्था पिंडेसणा ४ ॥ अहावरा पंचमा पिंडेसणा से भिक्खू वा ५२ उग्गहियमेव भोयणजायं जाणिज्जा तंजहा सरावंसि वा डिंडिमंसि वा कोसगंसि वा, अह पुणेवं जाणिज्जा बहुपरियावन्ने पाणीसु दगलेवे, तहप्पगारं असणं वा ४ सयं० जाव पडिगाहि०, पंचमा पिंडेसणा ५ ॥ अहावरा छट्ठा पिंडेसणा से भिक्खू वा २ पग्गहियमेव भोयणजायं जाणेज्जा, जं च सयट्ठाए पग्गहियं, जं च परट्ठाए पग्गहियं, तं पाय परि यावन्नं तं पाणिपरियावन्नं फासुयं पडि० छट्ठा पिंडेसणा ६ ॥ अहावरा सत्तमा पिंडेसणा से भिक्खू वा० बहुउज्झियधम्मियं भोयणजायं जाणिज्जा, जं चउत्ते बहवे दुपयचउप्पयसमणमाहण अतिहिकिवणवणीमगा नावकंखंति तहप्पगारं उज्झियधम्मियं भोयणजायं सयं वा णं जाइज्जा परो वा से दिज्जा जाव पडि० सत्तमा पिंडेसणा ७ ॥ इच्चेयाओ सत्त पिंडेसणाओ, अहावराओ सत्त पाणेसणाओ, तत्थ खलु इमा पढमा पाणेसणा असंसट्ठे हत्थे असंसट्ठे मत्ते, तं चेव भाणियव्वं, नवरं चउत्थाए नाणत्तं से भिक्खू वा से जं पुण पाणगजायं जाणिज्जा, तंजहा तिलोदगं वा ६, अस्सिं खलु पडिग्गहियंसि अप्पे पच्छकम्मे तहेव पडिग्गाहिज्जा । २८५। इच्चेयासिं सत्तण्हं पिंडेसणाणं सत्तण्हं पाणेसणाणं अन्नयरं पडिमं पडिवज्जमाणे नो एवं वइज्जा मिच्छापडिवन्ना खलु एए भयंतारो अहमेगे सम्मं पडिवण्णे, जे एए भयंतारो एयाओ पडिमाओ पडिवज्जित्ताणं विहरंति जो य अहमंसि एयं पडिमं पडिवज्जित्ताणं विहरामि सव्वेऽवि ते उ जिणाणाए उवट्ठिया अनुन्नसमाहीए एवं च णं विहरंति, एयं खलु तस्स भिक्खुस्स वा० सामगियं । २८६। ३० ११ पिण्डैषणाध्ययनम् १ ॥

॥ श्रीआचाराङ्ग सूत्रं ॥

७०

पू. सागरजी म. संशोधित

से भिक्खू वा अभिकंखिज्जा उवस्सयं एसित्ते अणुपविसित्ता गामं वा जाव रायहाणिं वा, से जं पुण उवस्सयं जाणिज्जा सअंडं जाव ससंताणयं तहप्पगारे उवस्सए नो ठाणं वा सिज्जं वा निसीहीयं वा चेइज्जा । से भिक्खू वा० सेजं पुण उवस्सयं जाणिज्जा अप्पंडं जाव अप्पसंताणयं तहप्पगारे उवस्सए पडिलेहित्ता पमज्जित्ता तओ संजयामेव ठाणं वा ३ चेइज्जा ॥ से जं पुण उवस्सयं जाणिज्जा अस्सिंपडियाए एगं साहम्मियं समुद्दिस्स पाणाइं ४ समारब्भ समुद्दिस्स कीयं पाभिच्चं अच्छिज्जं अणिसट्ठं अभिहडं आहट्ठु चेइए, तहप्पगारे उवस्सए पुरिसंतरकडे वा जाव अणासेविए वा नो ठाणं वा ३ चेइज्जा । एवं बहवे साहम्मिया एगं साहम्मिणिं बहवे साहम्मिणीओ ॥ से भिक्खू वा० से जं पुण ३० बहवे समण० वणीमए० पगणिय २ समुद्दिस्स तं चेव भाणियव्वं ॥ से भिक्खू वा० से जं० बहवे समण० समुद्दिस्स पाणाइं ४ जाव चेतिए, तहप्पगारे उवस्सए अपुरिसंतर० कडे जाव अणासेविए नो ठाणं वा ३ चेइज्जा, अह पुणेवं जाणिज्जा पुरिसंतरकडे जाव सेविए पडिलेहित्ता २ तओ संजयामेव चेइज्जा ॥ से भिक्खू वा० से जं पुण० अस्संजए भिक्खुपडियाए कडिए वा उक्कंबिए वा छन्ने वा लिच्चे वा घट्टे वा मट्टे वा संमट्टे वा संपधुमिए वा तहप्पगारे उवस्सए अपुरिसंतरकडे जाव अणासेविए नो ठाणं वा सेज्जं वा निसीहीयं वा चेइज्जा, अह पुण एवं जाणिज्जा पुरिसंतरकडे जाव आसेविए पडिलेहित्ता २ तओ चेइज्जा । २८७। से भिक्खू वा० से जं पुण उवस्सयं जा० अस्संजए भिक्खूपडियाए खुड्डियाओ दुवारियाओ महल्लियाओ कुज्जा, जहा पिंडेसणाए जाव संथारगं संथारिज्जा बहिया वा निन्नक्खु तहप्पगारे उवस्सए अपु० नो ठाणं ३, अह पुणेवं, पुरिसंतरकडे आसेविए

पडिलेहिन्ता २ तओ संजयामेव जाव चेइज्जा ॥ सेभिक्षू वा० से जं० अस्संजए भिक्षुपडियाए उदगप्पसूयाणि कंदाणि वा मूलाणि वा पत्ताणि वा उप्फाणि वा फलाणि वा बीयाणि वा हरियाणि वा ठाणाओ ठाणं साहरइ बहिया वा निण्णक्खु त० अपु० नो ठाणं वा ३ चेइज्जा, अह पुण० पुरिसंतरकडे० चेइज्जा । से भिक्षू वा २ से जं० अस्संज० भि० पीढं वा फलगं वा निस्सेणिं वा उदूखलं वा ठाणाओ ठाणं साहरइ बहिया वा निण्णक्खु तहप्पगारे ३० अपु० नो ठाणं० वा चेइज्जा, अह पुण० पुरिस० चेइज्जा ॥ २८८ ॥ से भिक्षु वा० से जं० तंजहा खंधंसि । मंचंसि वा मालंसि वा पासा० हम्मि० अन्नयरंसि वा तहप्पगारंसि अंतलिक्खजायंसि, नन्नत्थ आगाढा (णा) गाढेहिं कारणेहिं ठाणं वा नो चेइज्जा । से आहच्च चेइए सिया नो तत्थ सीओदगवियडेण वा० हत्थाणि वा पायाणि वा अच्छीणि वा दंताणि वा मुहं वा उच्छोलिज्ज वा पहोइज्ज वा, नो तत्थ ऊसणं पकरेज्जा, तंजहा उच्चारं वा पा० खे० सिं० वंतं वा पित्तं वा पूयं वा सोणियं वा अन्नयरं वा सरीरावयवं वा, केवली बूया आयाणमेयं, से तत्थ ऊसढं पगरेमाणे पयलिज्ज वा २, से तत्थ पयलमाणे वा पवडमाणे वा हत्थ वा जाव सीसं वा अन्नयरं वा कायंसि इंदियजालं लुसिज्ज वा पाणिं ४ अभिहणिज्ज वा जाव ववरोविज्ज वा, अह भिक्षूणं पुव्वोवइट्ठा ४ जं तहप्पगारे उवस्सए अंतलिक्खजाए नो ठाणं वा ३ चेइज्जा । २८९ । से भिक्षू वा० से जं० सइत्थियं सखुडुं सपसुभत्तपाणं तहप्पगारे सागारिए उवस्सए नो ठाण वा ३ चेइज्जा, आयाणमेयं भिक्षुस्स गाहावइकुलेण सद्धिं संवसमाणस्स अलसगे वा विसूइआ वा छड्डी वा उव्वाहिज्जा अन्नयरे वा से दुक्खे रोगायंके समुप्पज्जिज्जा, अस्संजए कलुणपडियाए तं

भिक्षुस्स गायं तिल्लेण वा घएण वा नवणीएण वा वसाए वा अब्भंगिज्ज वा मक्खिखज्ज वा सिणाणेण वा कक्केण वा लुब्धेण वा वण्णेण वा चुण्णेण वा पउमेण वा आघंसिज्ज वा पधंसिज्ज वा उव्वलिज्ज वा उव्वट्ठिज्ज वा सीओदगवियडेण वा २ उच्छोलिज्ज वा (५० पओएज्ज वा) पक्खालिज्ज वा सिणाविज्ज वा सिचिंज्ज दारुणा वा दारुपरिणामं कट्ठु अगणिकायं उज्जालिज्ज वा पज्जालिज्ज वा उज्जालित्ता २ कायं आयाविज्जा वा ५०, अह भिक्षूणं पुव्वोवड्ढा० जं तहप्पगारे सागारिए उवस्सए नो ठाणं वा ३ चेइज्जा । २९० । आयाणमेयं भिक्षुस्स सागारिए उवस्सए संवसमाणस्स इह खलु गाहावई वा जाव कम्मकरी वा अन्नमन्नं अक्कोसंति वा (बंधन्ति वा) (५० पचंति वा वहन्ति वा) रुंभंति वा उद्विंति वा, अह भिक्षूणं उच्चावयं मणं नियंछिज्जा एए खलु अन्नमन्नं अक्कोसंतु वा मा वा अक्कोसंतु जाव मा वा उद्विंतु, अह भिक्षूणं पुव्वो० जं तहप्पगारे सा० नो ठाणं वा ३ चेइज्जा । २९१ । आयाणमेयं भिक्षुस्स गाहावईहिं सद्धिं संवसमाणस्स, इह खलु गाहावई अप्पणो सयट्ठाए अगणिकायं उज्जालिज्जा वा पज्जालिज्जा वा विज्झविज्ज वा, अह भिक्षू उच्चावयं मणं नियंछिज्जा एए खलु अगणिकायं ३० वा मा वा ३० पज्जालिंतु वा मा वा ५० विज्झविंतु वा मा वा वि० अह भिक्षूणं पु० जं तहप्पगारे ३० नो ठाणं वा ३ चेइज्जा । २९२ । आयाणमेयं भिक्षुस्स गाहावईहिं सद्धिं संवसमाणस्स, इह खलु गाहावड्ढस्स कुंडले वा गुणे वा मणी वा मुत्तिए वा हिरण्णेषु वा सुवण्णेषु वा कडगाणि वा तुडियाणि वा तिसराणि वा पालंबाणि वा हारे वा अब्धहारे वा एगावली वा कणगावली वा मुत्तावली वा रयणावली वा तरुणीयं वा कुमारिं अलंकियविभूसियं पेहाए, अह

भिक्षु उच्चाव० एरिसिया वा सा नो वा एरिसिया इय वा णं बूया इय वा णं मणं सइज्जा, अह भिक्षुणं पु० ४ जं तहप्पगारे उवस्सए, नो ठा० । २९३। आयाणमेयं भिक्षुस्स गाहावईहिं सद्धिं संवसमाणस्स, इह खलु गाहावइणीओ वा गाहावइधुयाओ वा गा० सुण्हाओ वा गा० धाईओ वा गा० दासीओ वा गा० कम्मकरीओ वा तासिं च णं एवं वुत्तपुव्वं भवइ जे इमे भवन्ति समणा भगवंतो जाव उवरया मेहुणाओ धम्माओ, नो खलु एएसिं कप्पइ मेहुणधम्मं परियारणाए आउट्टित्तए, जा य खलु एएहिं सद्धिं मेहुणधम्मं परियारणाए आउटाविज्जा पुत्तं खलु सा लभिज्जा उयस्सिं तेयस्सिं वच्चस्सिं जसस्सिं संपराइयं आलोयणदरसणिज्जं एयप्पगारं निग्घोसं सुच्चा निसम्म तासिं च णं अन्नयरी सद्धी तं तवस्सिं भिक्षुं मेहुणधम्मपडियारणाए आउटाविज्जा, अह भिक्षूणं पु. जं तहप्पगारे सा० ३० नो ठा०३ चेइज्जा, एयं खलु तस्स. । २९४। अ० २ ३० १ ॥

गाहावई नामेगे सुइसमायारा भवन्ति, से भिक्षु य असिणाणए मोयसमायारे से तग्गंधे दुग्गंधे पडिकूले पडिलोभे यावि भवइ, जं पुव्वं कम्मं तं पच्छा कम्मं जं पच्छा कम्मं तं पुरे कम्मं तं भिक्षुपडियाए वट्टमाणा करिज्जा वा नो करिज्जा वा, अह भिक्षूणं पु० जं तहप्पगारे ३० नो ठाणं० । २९५। आयाणमेयं भिक्षुस्स गाहावईहिं सद्धिं सं० इह खलु गाहावइस्स अप्पणो सयट्ठाए विरूवरूवे भोयणजाए उवक्खडिए सिया अह पच्छा भिक्षुपडियाए असणं वा ४ उवक्खडिज्ज वा उवकरिज्ज वा तं च भिक्षू अभिकंखिज्जा भुत्तए वा पायए वा वियट्टित्तए वा, अह भि० जं नो तह० । २९६ । आयाणमेयं भिक्षुस्स गाहावइणा सद्धिं संव० इह

खलु गाहावइस्स अप्पणो सयट्ठाए विरुवरुवाइं दारुयाइं भिन्नपुव्वाइं भवन्ति, अह पच्छा भिक्खुपडियाए विरुवरुवाई दारुयाइं भिदिज्ज वा किणिज्ज वा पामिच्चेज्ज वा दारुणा वा दारुपरिणामं कट्ठु अगणिकायं ३० प० तत्थ भिक्खू अभिकंखिज्जा आयावित्तए वा पयावित्तए वा वियट्ठित्तए वा, अह भिक्खू० जं नो तहप्पगारे । २९७। से भिक्खू वा उच्चारपासवणेण उब्बाहिज्जमाणे राओ वा वियाले वा गाहावइकुलस्स दुवारबाहं अवंगुणिज्जा, तेणे य तस्संधिचारी अणुपविसिज्जा, तस्स भिक्खुस्स नो कप्पइ एवं वइत्तए अयं तेणो पविसइ णो वा पविसइ उव्वलियइ वा नो वा० आवयइ वा नो वा० वयइ वा नो वा० तेण हडं अत्रेण हडं तस्स हडं अन्नस्स हडं अयं तेणे अयं उवचरए अयं हंता अयं इत्थमकासी, तं तवस्सिं भिक्खुं अतेणं तेणंति संकइ, अह भिक्खूणं पु० जाव नो ठा० । २९८। से भिक्खू वा से जं० तणपुंजेसु वा पलालपुंजेसु वा सअंडे जावससंताणए तहप्पगारे ३० नो ठाणं वा ३, से भिक्खू वा से जं० तणपुं० पलाल० अप्पंडे जाव चेइज्जा । २९९। से आगंतारेसु वा आरामागारेसु वा गाहावइकुलेसु वा परियावसहेसु वा अभिक्खणं साहम्मिएहिं उवयमाणेहिं नो उवइज्जा । ३००। से आगंतारेसु वा ४ जे भयंतारो उडुब्बद्धियं वा वासावासियं वा कप्पं उवाइणिज्जा तत्थेव भुज्जो संवसंति, अयमाउसो ! कालाइक्कंतकिरियावि भवति । ३०१। से आगंतारेसु वा ४ जे भयंतारोउडु० वासा० कप्पं उवाइणावित्ता तं दुगुणा दु(ति)गुणेण वा अपरिहरित्ता तत्थेव भुज्जो०, अयमाउसो ! उवट्ठाणकि० । ३०२। इह खुलु पाईणं वा ४ संतेगइया सइढा भवन्ति, तंजहा गाहावई वा जाव कम्मकरीओ वा तेसिं च णं आयागोयरे नो सुनिसंते भवइ, तं सदहमाणेहिं पत्तियमाणेहिं रोयमाणेहिं

बहवे समणमाहणअतिहिकिवणवणीमए समुस्स तत्थ २ अगारीहिं अगाराइं चेइयाइं भवंति, तंजहा आएसणाणि वा आयतणाणि वा देवकुलानि वा सहाओ वा पवाणि वा पणियगिहाणि वा पणियसालाओ वा जाणगिहाणि वा जाणसालाओ वा सुहकम्मंताणि वा दम्भकम्मंताणि वा वद्धकं० वक्कयकं (५० गुलकं) इंगालकम्मं कट्टक (५० वणक) सुसाणक० सुण्णागारगिरिकंदरसंति-
सेलोवट्ठाणकम्मंताणि वा भवणगिहाणि वा, जे भयंतारो तहप्पगाराइं आएसणाणि वा जाव गिहाणि वा तेहिं उवयमाणेहिं उवयंति
अयमाउसो ! अभिक्कंतकिरिया यावि भवइ । ३०३। इह खलु पाईणं वा जाव रोयमामेहिं बहवे समणमाहणअतिहिकिवणवणीमए
समुद्दिस्स तत्थ तत्थ अगारिहिं आगाराइं चेइयाइं भवंति, तं आएसणाणि जाव भवणगिहाणि वा, जे भयंतारो तह० आएसणाणि जाव
गिहाणि वा तेहिं अणोवयमाणेहिं उवयंति अयमाउसो ! अणभिक्कंतकिरिया यावि भवइ । ३०४। इह खलु पाईणं वा ४ जाव
कम्मकरीओ वा, तेसिं च णं एवं वुत्तपुच्चं भवइ जे इमे भवंति समणा भगवंतो जाव उवरया मेहुणाओ धम्माओ, नो खलु एएसिं
भयंताराणं कप्पइ आहाकम्मिए उवस्सए वत्थए, से जाणिमाणि अम्हं अप्पणो सयट्ठाए चेइयाइं भवंति, तं आएसणाणि वा जाव भवइ
गिहाणि वा, सव्वाणि ताणि समणाणं निसिरामो, अवियाइं वयं पच्छा अप्पणो सयट्ठाए चेइस्सामो तं० आएसणाणि वा जाव०,
एयप्पगारं निग्घोसं सुच्चा निसम्म जे भयंतारो तहप्प० आएसणाणि वा जाव गिहाणि वा, उवागच्छंति इयराइयरेहिं पाहुडेहिं वट्ठंति.
अयमाउसो ! वज्जकिरिया यावि भवइ । ३०५। इह खलु पाईणं वा ४ संतेगइआ सट्ठा भवंति, तेसिं च णं आयारगोयरे जाव तं

રોયમાળેહિં બહવે સમળમાહણ જાવ વળીમગે પગણિય ૨ સમુદિસ્સ તત્ત ૨ અગારીહિં અગારાઇં ચેઢયાઇં ભવન્તિં તં આસણાણિ જાવ
 ગિહાણિ વાં જે ભયંતારો તહપ્પગારાઇં આસણાણિ વા જાવ ગિહાણિ વા ઉવાગચ્છંતિ ઇયરાઇયરેહિં પાહુડેહિં, અયમાસો ! મહાવજ્જકિરિયા
 યાવિ ભવઇ ૧ ૩૦૬ ૧ ઇહ ચ્હલુ પાઈણં વા ૪ સંતેગઇયા જાવ તં સદ્દહમાળેહિં તં પત્તિયમાળેહિં તં રોયમાળેહિં બહવે સમળમાહણઅતિહિ-
 કિવણવળીમગે પગણિય ૨ સમુદિસ્સ તત્થ ૨ અગારાઇં ચેઢયાઇં ભવંતિ તં આસણાણિ વા જાવ ભવણગિહાણિ વા, જે ભયંતારો
 તહપ્પગારાણિ આસણાણિ વા જાવ ભવણગિહાણિ વા ઉવાગચ્છંતિ ઇયરાઇયરેહિં પાહુડેહિં, અયમાસો ! સાવજ્જકિરિયા યાવિ ભવઇ
 ૧ ૩૦૭ ૧ ઇહ ચ્હલુ પાઈણં વા ૪ જાવ તં રોયમાળેહિં એગં સમળજાયં સમુદિસ્સ તત્થ ૨ અગારીહિં અગારાઇં ચેઢયાઇં ભવન્તિં તં
 આસણાણિ જાવ ગિહાણિ વા મહયા પુઢવિકાયસમારંભેણં જાવ મહયા તસકાયસમારંભેણં મહયા વિરૂવરૂવેહિં પાવકમ્મકિચ્ચેહિં,
 તંજહા છાયણઓ લેવણઓ સંથારદુવારપિહણઓ સીઓદા વા પરદ્વવિયપુવ્વે ભવઇ અગણિકા વા ઉજ્જાલિયપુવ્વે ભવઇ, જે ભયંતારો
 તહ આસણાણિ વાં ઉવાગચ્છંતિ ઇયરાઇયરેહિં પાહુડેહિં દુપક્કં તે કમ્મં સેવંતિ, અયમાસો ! મહાસાવજ્જકિરિયા યાવિ ભવઇ
 ૧ ૩૦૮ ૧ ઇહ ચ્હલુ પાઈણં વાં રોયમાળેહિં અપ્પણો સયદ્દાએ તત્થ ૨ અગારીહિં જાવ ઉજ્જાલિયપુવ્વે ભવઇ, જે ભયંતારો તહપ્પ આસણાણિ
 વાં ઉવાગચ્છંતિ ઇયરાઇયરેહિં પાહુડેહિં એગપક્કં તે કમ્મં સેવંતિ, અયમાસો ! અપ્પસાવજ્જકિરિયા યાવિ ભવઇ ॥ એવં ચ્હલુ
 તસ્સ ૧ ૩૦૯ ૧ અ ૨ ૩૦૨ ॥

॥ શ્રીઆચારાઙ્ગ સૂત્ર ॥

૭૭

પૂ. સાગરજી મ. સંશોધિત

से य नो सुलभे फासुए उंछे अहेसणिजे नो य खलु सुब्दे इमेहिं पाहुडेहिं, तंजहा छायाणाओ लेवणओ संथारदुवारपिहणओ पिंडवाएसणाओ, से य भिक्खू चरियारए ठाणारए निसीहियारए सिज्जासंथारपिंडवाएसणारए, संति भिक्खुणो एवमक्खाइणो उज्जुया नियागपडिवत्ता अमायं कुव्वमाणा वियाहिया, संतेगइया पाहुडिया उक्खित्तपुव्वा भवइ, एवं निक्खित्तपुव्वा भवइ, परिमाइयपुव्वा भवइ, परिभुत्तपुव्वा भवइ, परिट्टवियपुव्वा भवइ, एवं वियागरेमाणे समियाए वियागरेइ ?, हंता भवइ । ३१० । से भिक्खू वा० से जं पुण उवस्सयं जाणिज्जा खुड्डियाओ खुड्डुदुवारियाओ निययाओ संनिरुद्धाओ भवन्ति, तहप्पगा० उवस्सए राओ वा वियाले वा निक्खममाणे वा प० पुरा हत्थेण वा पच्छा पाएण वा तओ संजयामेव निक्खमिज्ज वा २, केवली बूया आयाणमेयं, जे तत्थ समणाण वा माहणाण वा छत्तए वा मत्तए वा दंडए वा लड्डिया वा भिसिया वा नालिया वा चेलं वा चिलिमिली वा चम्मए वा चम्मकोसए वा चम्मच्छेयणाए वा दुब्बब्दे दुन्निक्खित्ते अणिकंपे चलाचले भिक्खू य राओ वा वियाले वा निक्खममाणे वा २ पयलिज्ज वा २, से तत्त पयलमाणे वा० हत्थं वा० लूसिज्ज वा पाणाणि वा ४ जाव ववरोविज्ज वा, अह भिक्खूणं पुव्वोवइट्ठं जं तह० उवस्सए पुरा हत्थेण निक्ख० वा पच्छा पाएणं तओ संजयामेव नि० पविसिज्ज वा । ३११ । से आगंतारेसु वा० अणुवीय उवस्सयं जाइज्जा, जे तत्थ ईसरे जे तत्त समहिट्ठाए ते उवस्सयं अणुत्रविज्जा कामं खलु आउसो ! अहालंदं अहापरिन्नायं वसिस्सामो जाव आउसंतो ! जाव आउसंतस्स उवस्सए जाव साहम्भियाइं ततो उवस्सयं गिणिहस्सामो तेण परं विहरिस्सामो । ३१२ । से भिक्खू वा० जस्सुवस्सए संवसिज्जा तस्स पुव्वामेव नामगुत्तं

जाणिज्जा, तओ पच्छा तस्स गिहे निमंतेमाणस्स वा अनिमंतेमाणस्स वा असणं वा ४ अफासुयं जाव नो पडिगाहेज्जा । ३१३। से भिक्खू वा० से जं० ससागारियं सागणियं सउदयं नो पन्नस्स निक्खमणपवेसाए जावण्णुचिंताए तहप्पगारे उवस्सए नो ठा० । ३१४। से भिक्खू वा० से जं० गाहावइकुलस्स मज्झमज्जेणं गंतु पंथाए पडिबद्धं वा नो पन्नस्स जाव चिंताए तह० उ० नो ठा० । ३१५। से भिक्खू वा० से जं० इह खलु गाहावई वा० कम्मकरीओ वा अन्नमन्नं अक्कोसंति वा जाव उद्वंति वा नो पन्नस्स, सेवं नच्चा तहप्पगारे उ० नो ठा० । ३१६। से भिक्खू वा से जं पुण० इह खलु गाहावई वा कम्मकरीओ वा अन्नमन्नस्स गायं तिल्लेण वा नव० घ० वसाए वा अब्भंगेति वा मक्खेति वा नो पण्णस्स जाव तहप्प० उव० नो ठा० । ३१७। से भिक्खू वा० से जं पुण० इह खलु गाहावई वा जाव कम्मकरीओ अन्नमन्नस्स गायं सिणाणेण वा क० लु० चु० प० आघंसंति वा पधंसंति वा उव्वलंति वा उव्वट्ठिंति वा नो पन्नस्स । ३१८। से भिक्खू से जं पुण उवस्सयं जाणिज्जा इह खलु गाहावती वा जाव कम्मकरी वा अण्णमण्णस्स गायं सीओदग० उसिणो० उच्छो० पहोयंति सिंचंति सिणावेति वा नो पन्नस्स जाव नो ठाणं० । ३१९। से भिक्खू वा० से जं इह खलु गाहावई वा जाव कम्मकरीओ वा निगिणा ठिया निगिणा उल्लीणा मेहुणधम्मं विव्रविंति रहस्सियं वा भंतं भंतंति नो पन्नस्स जाव नो ठाणं वा ३ चेइज्जा । ३२०। से भिक्खू वा से जं पुण उ० आइन्नसंलिक्खं नो पन्नस्स । ३२१। से भिक्खू वा० अभिकंखिज्जा संथारगं एसित्ताए, से जं० संथारगं जाणिज्जा सअंडं जाव ससंताणयं तहप्पगारं संथारं लाभे संते नो पडि० १ ॥ से भिक्खू वा से जं० अप्पंडं जाव संताणगं गरुयं तहप्पगारं नो प० २ ॥

से भिक्खू वा० अप्पंडं लहुयं अपाडिहारियं तह० नो प० ३ ॥ से भिक्खू वा अप्पंडं जाव अप्पसंताणगं लहुअं पाडिहारियं नो अहाबद्धं तहप्पगारं लाभे संते नो पडिगाहिज्जा ४ ॥ से भिक्खू वा २ से जं पुण संथारगं जाणिज्जा अप्पंडं जाव संताणगं लहुअं पाडिहारिअं अहाबद्धं तहप्पगारं संथारगं लाभे संते पडिगाहिज्जा ५ । ३२२। इच्चेयाइं आयतणाइं उवाइक्कम्म अह भिक्खू जाणिज्जा इमाइं चउहिं पडिमाहिं संथारंग एसित्ते, तत्थ खलु इमा पढमा पडिमा से भिक्खू वा २ उद्दिसिय २ संथारंग जाइज्जा, तंजहा इक्कडं वा कढिणं वा जंतुयं वा परगं वा मोरगं वा तणगं वा सोरगं वा कुसं वा कुच्चगं वा पिप्पलगं वा पलालगं वा, से पुव्वामेव आलोइज्जा आउसोति वा भ० दाहिसि मे इत्तो अन्नयरं संथारगं ?, तह० संथारगं सयं वा णं जाइज्जा परो वा देज्जा फासुयं एसणिज्जं जाव पडि०, पढमा पडिमा । ३२३। अहावरा दुच्चा पडिमा से भिक्खू वा० पेहाए संथारगं जाइज्जा, तंजहा गाहावइं वा कम्मकरि वा से पुव्वामेव आलोइज्जा आउ० ! भइ० ! दाहिसि मे०? जाव पडिगाहिज्जा, दुच्चा पडिमा २ ॥ अहावरा तच्चा पडिमा से भिक्खू वा० जस्सुवस्सए संवसिज्जा जे तत्थ अहासमन्नागए, तंजहा इक्कडेइ वा जाव पलालेइ वा तस्स लाभे संवसिज्जा तस्सालाभे उक्कुडुए वा नेसज्जिए वा विहरिज्जा, तच्चा पडिमा २ । ३२४। अहावरा चउत्था पडिमा से भिक्खू वा अहासंथडमेव संथारगं जाइज्जा, तंजहा पुढविसिलं वा कट्टसिलं वा अहासंथडमेव, तस्स लाभे संते संवसेज्जा तस्स अलाभे उक्कुडुए वा० विहरिज्जा, चउत्था पडिमा ४ । ३२५। इच्चेयाणं चउण्हं पडिमाणं अन्नयरं पडिमं पडिवज्जमाणे तं चेव जाव अन्नोऽन्नसमाहीए एवं च णं विहरंति । ३२६। से भिक्खू वा० अभिक्खिज्जा संथारगं

पच्यप्पिणित्तए, से जं पुण संथारगं जाणिज्जा सअंडं जव ससंताणयं तहप्प० संथारगं नो पच्यप्पिणित्ता । ३२७। से भिक्खू० अभिकंखिज्जा सं० से जं० अप्पंडं० तहप्पगारं० संथारगं पडिलेहिय २ प० २ आयाविय २ विहुणिय २ तओ संजयामेव पच्यप्पिणित्ता । ३२८। से भिक्खू वा० समाणे वा वसमाणे वा गामाणुगामं दूइज्जमाणे वा पुव्वामेव पन्नस्स उच्चारपासवणभूमिं पडिलेहिज्जा, केवली बूया आयाणमेयं अपडिलेहियाए उच्चारपासवणभूमीए, से भिक्खू वा० राओ वा वियाले वा उच्चारपासवणं परिट्ठवेमाणे पयलिज्ज वा २, से तत्थ पयलमाणे वा २ हत्थं वा पायं वा जाव लूसेज्ज वा पाणाणि वा ४ ववरोविज्जा, अह भिक्खूणं पु० जं पुव्वामेव पन्नस्स ३० भूमिं पडिलेहिज्जा । ३२९। से भिक्खू वा २ अभिकंखिज्जा सिज्जासंथारगभूमिं पडिलेहित्तए नन्तत्थ आयरिण वा ३० जाव गणावच्छेयएण वा बालेण वा वुड्ढेण वा सहेण वा गिलाणेण वा आएसेण वा अंतेण वा मज्झेण वा समेण वा विसमेण वा पवाएण वा निवाएण वा, तओ संजयामेव पडिलेहिय २ पमज्जिय २ तओ संजयामेव बहुफासुयं सिज्जासंथारगं संथरिज्जा । ३३०। से भिक्खू वा० बहु० संथरित्ता अभिकंखिज्जा बहुफासुए सिज्जासंथारए दुरुहित्तए ॥ से भिक्खू बहु० दुरुहमाणे पुव्वामेव ससीसोवरियं कायं पाए य पमज्जिय २ तओ संजयामेव बहु. दुरुहिज्जा, तओ संजयामेव बहु० सइज्जा । ३३१। से भिक्खू वा० बहु० सयमाणे नो अन्नमन्नस्स हत्थेण हत्थं पाएण पायं काएण कायं आसाइज्जा, से अणासायमाणे तओ संजयामेव बहु० सइज्जा ॥ से भिक्खू वा उस्सासमाणे वा नीसासमाणे वा कासमाणे वा छीयमाणे वा जंभायमाणे वा उड्डोए वा वायनिसगं वा करेमाणे पुव्वामेव आसयं वा पोसयं वा पाणिणा परिपेहित्ता

तओ संजयामेव ऊससिज्जा वा जाव वायनिसगं वा करेज्जा । ३३२ । से भिक्खू वा समा वेगया सिज्जा भविज्जा विसमा वेगया सि०
पवाया वे० निवाया वे० ससरक्खा वे० अप्पससरक्खा वे० सदंसमसगा वेगया अप्पदंसमसगा० सपरिसाडा वे० अपरिसाडा०
सउवसगा वे० निरुवसगा वे० तहप्पगाराहिं सिज्जाहिं संविज्जमाणार्हिं पग्गहियतरागं विहारं विहरिज्जा, नो किंचिवि गिलाइज्जा, एवं
खलु० जं सव्वट्ठेहिं सहिए सया जएत्तिबेमि । ३३३ । ३० ३ शय्यैषणाध्ययनं २ ॥

अब्भुवगाए खलु वासावासे अभिपवुट्ठे बहवे पाणा अभिसंभूया बहवे बीया अहुणोभिन्ना अंतरा से मग्गा बहुपाणा बहुबीया
जाव ससंताणगा अणभिक्कंता पंथा नो विन्नाया मग्गा सेवं नच्चा नो गामाणुगामं दूइज्जिज्जा, तओ, संजयामेव वासावासं उवल्लिइज्जा
। ३३४ । से भिक्खू वा० से जं गामं वा जाव रायहाणिं वा इमंसि खलु गामंसि वा जाव राय० नो महई विहारभूमी नो महई वियारभूमी
नो सुलभे पीढफलगसिज्जासंथारगे नो सुलभे फासुए उंछे अहेसणिजे जत्थ बहवे समण० वणीमगा उवागया उवागमिस्संति य
अच्चाइन्ना वित्ती नो पन्नस्स निक्खमण जाव चिंताए० सेवं नच्चा तहप्पगारं गामं वा नगरं वा जाव रायहाणिं वा नो वासावासं
उवल्लिइज्जा ॥ से भि० से जं० गामं वा जाव राय० इमंसि खलु गामंसि वा जाव महई विहारभूमी महई वियार० सुलभे जत्त पीढ ४
सुलभे फा० नो जत्थ बहवे समण० उवागमिस्संति वा अप्पाइन्ना वित्ती जाव रायहाणिं वा तओ संजयामेव वासावासं उवल्लिइज्जा
। ३३५ । अह पुणेवं जाणिज्जा चत्तारि मासा वासावासाणं वीइक्कंता हेमंताण य पंचदसरायकप्पे परिवुसिए० अंतरा से मग्गे बहुपाणा

जाव ससंताणगा नो जत्थ बहवे जाव उवागमिस्संति, सेवं नच्चा नो गामाणुगामं दूइज्जिजा० अह पुणेवं जाणिजा चत्तारि मासा० कप्पे परिवुसिए, अंतरा से मग्गे अप्पंडा जाव ससंताणगा बहवे जत्थ समण० उवागमिस्संति, सेवं नच्चा तओ संजयामेव दूइज्जिजा ॥३३६॥ से भिक्खू वा० गामाणुगामं दूइज्जमाणे पुरओ जुगमायाए (प्र० जुगमायं) पेहमाणे दट्ठण तसे पाणे उद्धट्ठ पादं रीइज्जा साहट्ठ पायं रीइज्जा वित्तिसिधं वा कट्ठ पायं रीइज्जा, सइ परक्कमे संजयामेव परिक्कमिजा, नो उज्जुयं गच्छिजा० तओ संजयामेव गामाणुगामं दूइज्जिजा ॥ से भिक्खू वा० गामा० दूइज्जमाणे अंतरा से पाणाणि वा बी० हरि० उदए वा मट्ठिआ वा अविद्धत्थे सइ परक्कमे जाव नो उज्जुयं गच्छिजा, तओ संजया, गामा, दूइज्जिजा ॥ ३३७ ॥ से भिक्खू वा० गामा० दूइज्जमाणे अंतरा से विरूवरूवाणि पच्चंतिगाणि दस्सुगाययणाणि मिलक्खूणि अणायरियाणि दुस्सन्नप्पाणि दुप्पन्नवणिजाणि अकालपडिबोहीणि अकालपरिभोईणि सइ लाढे विहाराए संथरमाणेहिं जणवएहिं नो विहारवडियाए (प्र० वत्तियाए) पवज्जिजा गमणाए, केवली बूया आयाणमेयं, ते णं बाला अयं तेणे अयं उवचर०, अयं ततो आगएत्तिकट्ठ तं भिक्खूं अक्कोसिज्ज वा जाव उद्विज्ज वा वत्थं प० कं० पाय० अच्छिंदिज्ज वा भिंदिज्ज वा अवहरिज्ज वा परिट्ठविज्ज वा० अह भिक्खूणं पु० जं तहप्पगाराइं विरू० पंच्चतियाणि दस्सुगा० जाव विहारवत्तियाए नो पवज्जिज्ज वा गमणाए, तओ संजया० गा० दू० ॥ ३३८ ॥ से भिक्खू दूइज्जमाणे अंतरा से अरायाणि वा गणरायाणि वा जुवरायाणि वा दोरजाणि वा वेरजाणि वा विरुद्धरजाणि वा सइ लाढे विहाराए संथ० जण० नो विहारवडियाए० केवली बूया आयाणमेयं, ते णं बाला तं चेव

जाव गमणाए तओ सं० गा० दू० । ३३९। से भिक्खू वागा० दूईज्जमाणे अंतरा से विहं सिया, से जं पुण विहं जाणिज्जा एगाहेण वा दुआहेण तिआहेण वा चउआहेण वा पंचाहेण वा पाउणिज्ज वा नो पाउणिज्ज वा तहप्पगारं विहं अणेगाहगमणिज्जं सइ लाढे जाव गमणाए, केवलीबूया आयाणमेयं, अंतरा से वासे सिया पाणेसु वा पणएसु वा बीएसु वा हरि० उद० मट्टियाए वा अविद्धत्थाए, अह भिक्खू जं तह अणेगाह० जाव नो पव० तओ सं० गा० दू० । ३४०। से भि० गामा० दूईज्जिज्जा० अंतरा से नावासंतारिमे उदए सिया, से जं पुण नावं जाणिज्जा असंजए अभिक्खुपडियाए किणिज्ज वा पामिच्चेज्ज वा नावाए वा नावं परिणामं कट्ठु थलाओ वा नावं जलंसि ओगाहिज्जा जलाओ वा नावं थलंसि उक्कसिज्जा पुण्णं वा नावं उस्सिंचिज्जा सन्नं वा नावं उप्पीलाविज्जा तहप्पगारं नावं उड्ढगामिणिं वा अहेगा० तिरियगामि० परं जोयणमेराए अब्बजोयणमेराए अप्पतरे वा भुज्जतरे वा नो दूरूहिज्जा गमणाए ॥ से भिक्खू वा० पुव्वामेव तिरिच्छसंपाइमं नावं जाणिज्जा, जाणित्ता से तमायाए एगंतमवक्कमिज्जा २ भण्डगं पडिलेहिज्जा २ एगओ भोयणभंडगं करिज्जा २ ससीसोवरियं कायं पाए पमज्जिज्जा सागारं भत्तं पच्चक्खाइज्जा एगं पायं जले किच्चा एगं पायं थले किच्चा तओ सं० नावं दूरूहिज्जा । ३४१। से भिक्खू वा० नावं दूरूहमाणे नो नावाओ पुरओ दूरूहिज्जा नो नावाओ मग्गओ दूरूहिज्जा नो नावाओ मज्जओ दूरूहिज्जा नो बाहाओ पगिज्झिय २ अंगुलियाए उद्दिसिय २ ओणमिय २ उन्नमिय २ निज्झाइज्जा, से णं परो नावागओ नावागयं वइज्जा आउसंतो, समणा एयं ता तुमं नावं उक्कसाहि वा वुक्कसाहि वा खिवाहि वा रज्जूयाए वा गहाय आकसाहि, नो से तं परित्रं परिजाणिज्जा,

तुसिणीओ उवेहिज्जा । से णं परो नावागओ नावाग० वड़० आउसं० नो संचाएसि तुमं नावं उक्कसित्ते वा ३ रज्जूयाए वा गहाय
 आकसित्ते वा, आहर एयं नावाए रज्जूयं सयं चेव णं वयं नावं उक्कसिस्सामो वा जाव रज्जूए वा गहाय आकसिस्सामो, नो से तं प०
 तुसि० । से णं प० आउसं० एअं ता तुमं नावं आलित्तेण वा पीढएण वा वंसेण वा वलएण वा अवमुएण वा वाहेहि, नो से तं प०
 तुसि० । से णं परो० एयं ता तुमं नावाए उदयं हत्थेण वा पाएण वा मत्तेण वा पडिग्गहेण वा नावाउस्सिंचणेण वा उस्सिंचाहि, नो से
 तं०, से णं परो० समणा, एयं तुमं नावाए उत्तिंगं हत्थेण वा पाएण वा बाहुणा वा उरुणा वा उदरेण वा सीसेण वा काएण वा
 उस्सिंचणेण वा चेलेण वा मट्टियाए वा कुसपत्तएण वा कुविंदएण वा पिहेहि० नो से तं, से भिक्खू वा २ नावाए उत्तिंगेण उदयं
 आसवमाणं पेहाए उवरुवरि नावं कज्जलावेमाणिं पेहाए नो परं उवसंकमित्तु एवं बूया आउसंतो ! गाहावई एयं ते नावाए उदयं
 उत्तिंगेण आवसइ उवरुवरि नावा वा कज्जलावेइ. एयप्पगारं मणं वा वायं वा नो पुरओ कट्ठु विहरिज्जा, अप्पुस्सुए अबहिल्लेसे
 एगंतगएण अप्पाणं विउसेज्जा समाहीए, तओ सं० नावासंतारिमे य उदए.आहारियं रीइज्जा, एयं खलु तस्स भिक्खुस्स भिक्खुणीए वा
 सामगियं जं सव्वट्ठेहिं सहितेहिं एयं खलु सया जइज्जासित्तिबेमि । ३४२।अ० ३ उ० १ ॥

से णं परो णावा० आउसंतो ! समणा एयं ता तुमं छत्तगं वा जाव चम्मछेयणगं वा गिणहाहि, एयाणि तुमं विरूवरूवाणि
 सत्थजायाणि धारेहि० एयं ता तुमं दारगं वा पज्जेहि, नो से तं । ३४३। से णं परो नावागए नावागयं वड़ज्जा आउसंतो ! एस णं समणे

नावाए भंडभारिए भवइ, से णं बाहाए गहाय नावाओ उदगंसि पक्खिविज्जा, एयप्पगारं निग्घोसं सुच्चा निसम्म से य चीवरधारी सिया
 खिप्पामेव चीवराणि उव्वेढिज्ज वा निव्वेढिज्ज वा उप्पेसं वा करिज्जा अहं० अभिक्कंतकूरकम्मा खलु बाला बाहाहिं गहाय ना०
 पक्खिविज्जा से पुव्वामेव वइज्जा आउसंतो ! गाहावई मा मेत्तो बाहाए गहाय नावाओ उदगंसि पक्खिवह, सयं चेव णं अहं नावाओ
 उदगंसि ओगाहिस्सामि, सेणेवं वयंतं परो सहसा बलसा बाहाहिं ग० पक्खिविज्जा तं नो सुमणे सिया नो दुम्भणे सिया नो उच्चावयं मणं
 नियंछिज्जा नो तेसिं बालाणं धायाए वहाए समुट्ठिज्जा अप्पुस्सुए जाव समाहीए तओ सं० उदगंसि पविज्जा । ३४४। से भिक्खू वा
 उदगंसि पवमाणे नो हत्थेण हत्थं पाएण पायं काएण कायं आसाइज्जा, से अणासायणाए अणासायमाणे तओ सं० उदगंसि पविज्जा ॥
 से भिक्खू वा उदगंसि पवमाणे नो उम्भुग्गनिमुग्गियं करिज्जा, मामेयं उदगं कन्नेसु वा अच्छीसु वा नक्कंसि वा मुहंसि वा परियावज्जिज्जा,
 तओ संजयामेव उदगंसि पविज्जा ॥ से भिक्खू वा उदगंसि पवमाणे दुब्बलियं पाउणिज्जा खिप्पामेव उवहिं विगिंचज्ज वा विसोहिज्ज वा,
 नो चेव णं साइज्जिज्जा, अह पु० पारए सिया उदगाओ तीरं पाउणित्तए, तओ संजयामेव उदउल्लेण वा ससिणिद्धेण वा काएण उदगतीरे
 चिट्ठिज्जा ॥ से भिक्खू वा० उदउल्लं वा २ कायं नो आमज्जिज्जा वा णो पमज्जिज्जा वा संल्लिहिज्जा वा निल्लिहिज्जा वा उव्वलिज्जा वा
 उव्वट्ठिज्जा वा आयाविज्ज वा पया०, अह पु० विगओदओ मे काए छिन्नसिणेहे काए तहप्पगारं कायं आमज्जिज्ज वा पयाविज्ज वा तओ
 सं० गामा० दूईज्जिज्जा । ३४५। से भिक्खू वा गामाणुगामं दूइज्जमाणे नो परेहिं सद्धिं परिज्जविय २ गामा० दूइ०, तओ० सं० गामा०

॥ श्रीआचाराङ्ग सूत्रं ॥

८६

पू. सागरजी म. संशोधित

दूइ । ३४६ । से भिक्खू वा गामा० दू० अंतरा से जंघासंतारिमे उदगे सिया, से पुव्वामेव ससीसोवरियं कायं पाए य पमज्जिज्जा २ एगं पायं जले किच्चा एगं पायं थले किच्चा तओ सं० उदगंसि आहारियं रीएज्जा ॥ से भि० आहारियं रीयमाणे नो हत्थेण हत्थं जाव अणासायमाणे तओ संजयामेव जंघासंतारिमे उदए अहारियं रीएज्जा ॥ से भिक्खू वा० जंघासंतारिमे उदए अहारियं रीयमाणे नो सायावडियाए नो परिदाहवडियाए महइमहालयंसि उदयंसि कायं विउसिज्जा, तओ संजयामेव जंघासंतारिमे उदए अहारियं रीएज्जा, अह पुण एवं जाणिज्जा पारए सिया उदगाओ तीरं पाउणित्तए, तओ संजयामेव उदउल्लेण वा २ काएण दगतीरए चिड्ढिज्जा । से भि० उदउल्लं वा कायं ससी० कायं नो आमज्जिज्ज वा० नो अह पु० विगओदए मे काए छिन्नसिणेहे तहप्पगारं कायं आमज्जिज्ज वा० पयाविज्ज वा तओ सं० गामा० दूइ० । ३४७ । से भिक्खू वा० गामा दूईज्जमाणे नो मट्ठियागएहिं पाएहिं हरियाणि छिंदिय २ विकुज्जिय २ विफालिय २ उम्मग्गेण हरियवहाए गच्छिज्जा, जमेयं पाएहि मट्ठियं खिप्पामेव हरियाणि अवहरंतु, माइट्ठाणं संपासे, नो एवं करिज्जा, से पुव्वामेव अप्पहरियं मग्गं पडिलेहिज्जा तओ० सं गामा० ॥ से भिक्खू वा २ गामाणुगामं दूइज्जमाणे अंतरा से वप्पाणि वा फ० पा० तो अ० अगलपासगाणि वा गड्ढाओ वा दरीओ वा सइ परक्कमे संजयामेव परिक्कमिज्जा, नो उज्जु०, केवली., से तत्थ परक्कममाणे पयलिज्ज वा २, से तत्थ पयलमाणे वा २ रुक्खाणि वा गुच्छाणि वा गुम्माणि वा लयाओ वा वल्लीओ वा तणाणि वा गहणाणि वा हरियाणि वा अवलंबिय २ उत्तरिज्जा, जे तत्थ पाडिपहिया उवागच्छंति ते पाणी जाइज्जा २ तओ सं अवलंबिय २

उत्तरिज्जा, तओ सं० गामा० दू० ॥ से भिक्खू वा० गा० दूइज्जमाणे अंतरा से जवसाणि वा सगडाणि वा रहाणि वा सचक्काणि वा परचक्काणि वा सेणं वा विरूवरूवं संनिरुद्धं पेहाए सइ परक्कमे सं० नो ३०, से णं परो सेणागओ वइज्जा आउसंतो, एस णं समणे सेणाए अभिनिवारियं करेइ, से णं बाहाए गहाय आगसह, से णं परो बाहाहिं गहाय आगसिज्जा, तं नो सुमणे सिया जाव समाहीए, तओ सं० गामा० दू० ॥ ३४८ ॥ से भिक्खू वा० गा० दूइज्जमाणे अंतरा से पाडिवहिया उवागच्छिज्जा, ते णं पाडिवहिया एवं वइज्जा आउ० समणा, केवइए एस गामे वा जाव रायहाणी वा केवइया इत्थ आसा हत्थी गामपिंडोलगा मणुस्सा परिवसंति ? से बहुभत्ते बहुउदए बहुजणे बहुजवसे से अप्पभत्ते अप्पुदए अप्पजणे अप्पजवसे ?, एयप्पगाराणि पसिणाणि (नो) पुच्छिज्जा, एयप्प० पुट्टो वा अपुट्टो वा नो वागरिज्जा, एवं खलु० जं सव्वट्ठेहिं० ॥ ३४९ ॥ अ० ३ ३०२ ॥

से भिक्खू वा० गामा० दूइज्जमाणे अंतरा से वप्पाणि वा जाव दरीओ वा जाव कूडागाराणि वा पासायाणि वा नूमगिहाणि वा रुक्खगिहाणि वा पव्वयगिरुक्खं वा चेइयकडं थूभं वा चेइयकडं आएसणाणि वा जाव भवणगिहाणि वा नो बाहाओ पगिज्झिय २ अंगुलिआए उद्दिसिय २ ओणमिय २ उन्नमिय २ निज्झाइज्जा, तओ सं० गामा० ॥ से भिक्खू वा० गामा० दू० माणे अंतरा से कच्छाणि वा दवियाणि वा नूमाणि वा वलयाणि वा गहणाणि वा गहणविदुग्गाणि वा वणाणि वा वणवि० पव्वयाणि वा पव्वयवि० अगडाणि वा तलागाणि वा दहाणि वा नईओ वा वावीओ वा पुक्खरिणीओ वा दीहियाओ वा गुंजालियाओ वा सराणि वा

सरपंतियाओ वा सरसरपंतियाओ वा नो बाहाओ पगिज्झिय २ जाव निज्झाइजा, केवली०, जे तत्थ भिगा वा पसू वा पंखी वा सरीसिवा वा सीहा वा जलचरा वा थलचरा वा खहचरा वा सत्ता ते उत्तसिज्ज वा वित्तसिज्ज वा वाडं वा सरणं वा कंखिजा चारित्ति मे अयं समणे, अह भिक्खूणं पु० जं नो बाहाओ पगिज्झिय २ निज्झाइजा, तओ संजयामेव आयरियउवज्झाएहिं सद्धिं गामाणुगामं दूइज्जिजा । ३५० । से भिक्खू वा २ आयरियउवज्झा० गामा० नो आयरियउवज्झायस्स हत्थेण वा हत्थं जाव अणासायमाणे तओ संजयामेव आयरिउ० सद्धिं जाव दूइज्जिजा ॥ से भिक्खू वा आय० सद्धिं दूइज्जमाणे अंतरा से पाडिवहिया उवागच्छिजा, ते णं पा० एवं वइज्जा आउसंतो ! समणा ! के तुब्भे ? कओ वा एह ? कहिं वा गच्छिहिह ? जे तत्थ आयरिए वा उवज्झाए वा से भासिज्ज वा वियागरिज्ज वा, आयरियउवज्झायस्स भासमाणस्स वा वियागरेमाणस्स वा नो अंतरा भासं करिजा तओ० सं० आहाराइणिए वा० दूइज्जिजा ॥ से भिक्खू वा आहारइणियं गामा० दू० नो राइणियस्स हत्थेण हत्थं जाव अणासायमाणे तओ सं० आहारइणियं गामा० दू० ॥ से भिक्खू वा २ आहारइणिअं गामाणुगामं दूइज्जमाणे अंतरा से पाडिवहिया उवागच्छिजा, ते णं पाडिवहिया एवं वइज्जा आउसंतो समणा ! के तुब्भे ?, जे तत्थ सव्वराइणिए से भासिज्ज वा वागरिज्ज वा, राइणियस्स भासमाणस्स वा० नो अंतरा भासं भासिजा, तओ संजयामेव आहारइणियाए गामाणुगामं दूइज्जिजा । ३५१ । से भिक्खू वा० दूइज्जमाणे अंतरासे पाडिवाहिया उवागच्छिजा, ते णं पा. एवं वइज्जा आउ० स० ! अवियाइं इत्तो, पडिवहे पासह, तं मणुस्सं वा गोणं वा महिसं वा पसुं वा पक्खिं वा सरीसिवं वा

जलयरं वा से आइक्खह दंसेह, तं नो अईक्खिज्जा नो दंसिज्जा, नो तस्स तं परित्रं परिजाणिज्जा, तुसिणीए उवेहिज्जा, जाणं वा नोजाणंति वइज्जा, तओ सं० गामा० दू० ॥ से भिक्खू वा० गा० दू० अंतरा से पाडि० उवा० ते णं पा० एवं वइज्जा आउसं० ! अवियाइं इत्तो पडिवहे पासह उदगपसूयाणि कंदाणि वा मूलाणि वा तथा पत्ता पुष्पा फला बीया हरीया उदगं वा संनिहियं अगणिं वा संनिक्खित्तं से आइक्खह जाव दूइज्जिज्जा ॥ से भिक्खू वा० गामा० दूइज्जमाणे अंतरा से पाडि० उवा०, ते णं पाडि० एवं० आउ० सं० अवियाइं इत्तो पडिवहे पासह जवसाणि वा जाव सेणं वा विरूवरूवं संनिविट्ठं से आइक्खह जाव दूइज्जिज्जा ॥ से भिक्खू वा० गामा० दूइज्जमाणे अंतरा पा० जाव० आउ० सं० केवइए इत्तो गामे वा जाव रायहाणीवा से आइक्खह जाव दूइज्जिज्जा । से भिक्खू वा २ गामाणुगामं दूइज्जेज्जा० अंतरा से पाडिपहिया० आउसंतो समणा ! केवइए इत्तो गामस्स वा नगरस्स वा जाव रायहाणीए वा मग्गे से आइक्खह० तहेव जाव दूइज्जिज्जा । ३५२ । से भिक्खू० गा० दू० अंतरा से गोणं वियालं पडिवहे पेहाए जाव चित्तचिल्लडं वियालं प० पेहाए नो तेसिं भीओ उम्मग्गेणं गच्छिज्जा नो मग्गाओ उम्मग्गं संकमिज्जा नो गहणं वा वणं वा दुग्गं । अणुपविसिज्जा नो रुक्खसि दुरुहिज्जा नो महइमहालयंसि उदयंसि कायं विउसिज्जा नो वाडं वा सरणं वा सेमं वा सत्थं वा कंखिज्जा अप्पुस्सुए जाव समाहीए तओ संजयामेव गामाणुगामं दूइज्जिज्जा ॥ से भिक्खू० गामाणुगामं दूइज्जमाणे अंतरा से विहं सिथा, से जं पुण विहं जाणिज्जा इमंसि खलु विहंसि बहवे आमोसगा उवगरणपडियाए संपिंडिया० गच्छिज्जा, नो तेसिं भीओ उम्मग्गेण गच्छिज्जा जाव समाहीए तओ संजयामेव

॥ श्रीआचाराङ्ग सूत्र ॥

९०

पू. सप्तमन्त्रे ५ संतोषित

गामाणुगामं दूडजेज्जा । ३५३। से भिक्खू वा० गा० दू० अंतरा से आमोसगा संपिंडिया० गच्छिज्जा० ते णं आ० एवं वड्ढज्जा - आउ० स०! आहर एयं वत्थं वा ४ देहि निक्खिवाहि० तं नो दिज्जा निक्खिविज्जा, नो वंदिय २ जाइज्जा० नो अंजलिं कट्ठु जाइज्जा, नो कलुणपडियाए जाइज्जा, धम्मियाए जायणाए जाइज्जा, तुसिणीयभावेण वा० ते णं आमोसगा सयं करणिज्जंतिकट्ठु अक्कोसंति वा जाव उद्विंति वा वत्थं वा ४ अच्छिंदिज्ज वा जाव परिट्ठविज्ज वा, तं नो गामसंसारियं कुज्जा, नो रायसंसारियं कुज्जा, नो परं उवसंकमित्तु बूया आउसंतो ! गाहावई एए खलु आमोसगा उवगरणपडियाए सयं करणिज्जंतिकट्ठु अक्कोसंति वा जाव परिट्ठवंति वा० एयप्पगारं मणं वा वायं वा नो पुरओ कट्ठु विहरिज्जा, अप्पुस्सुए जाव समाहीए तओ संजयामेव गामा० दूड० ॥ एयं खलु० सया जइ० । ३५४। ३० ३ ईर्याध्ययनं ३ ॥

से भिक्खू वा २ इमाइं वयायाराइं सुच्चा निसम्म इमाइं अणायाराइं अणायरियपुव्वाइं जाणिज्जा जे कोहा वा वायं विउंजंति जे माणा वा० जे मायाए वा० जे लोभा वा वायं विउंजंति जाणओ वा फरुसं वयंति अजाणओ वा फ० सव्वं चेयं सावज्जं वज्जिज्जा विवेगमायाए, धुवं चेयं जाणिज्जा अधुवं चेयं जाणिज्जा असणं वा ४ लभिय नो लभिय भुंजिय नो भुंजिय अदुवा आगओ अदुवा नो आगओ अदुवा एइ अदुवा नो एइ अदुवा एहिइ अदुवा नो एहिइ इत्थवि नो आगए इत्थवि एइ इत्थवि नो एति इत्थवि एहिति इत्थवि नो एहिति० अणुवीइ निट्ठाभासी समियाए संजए भासं भासिज्जा, तंजहा एगवयणं १ दुवयणं २ बहुव० ३ इत्थि० ४ पुरि० ५ नपुंसगवयणं०

६ अञ्जत्थव० ७ उवणीयवयणं ८ अवणीयवयणं० ९ उवणीयववणीयव० १० अवणीयउवणीयव० ११ तीयव० १२ पडुप्पन्नव०
 १३ अणागयव० १४ पच्चक्खवयणं १५ परुक्खव० १६, से एगवयणं वइस्सामीति एगवयणं वइज्जा जाव परुक्खवयणं वइस्सामीति
 परुक्खवयणं वइज्जा, इत्थी वेस पुरिसो वेस नपुंसगं वेस एयं वा चेयं अन्नं वा चेयं अणुवीइ निट्ठाभासी सभियाए संजए भासं भासिज्जा,
 इच्चेयाइं आययणाइं उवातिकम्म ॥ अह भिक्खू जाणिज्जा चत्तारि भासज्जायाइं, तंजहा सच्चमेगं पढमं भासज्जायं १ बीयं मोसं २ तईयं
 सच्चा मोसं ३ जं नेव सच्चं नेव मोसं नेव सच्चा मोसं असच्चा मोसं नाम तं चउत्थं भासज्जायं ४ ॥ से बेमि जे अईया जे य पडुप्पन्ना जे
 अणागया अरहंता भगवंतो सव्वे ते एयाणि चेव चत्तारि भासज्जायाइं भासिंसु वा भासंति वा भासिस्संति वा पन्नविंसु वा ३, सच्चाइं च
 एयाइं अचिन्नाणि वण्णमंताणि वण्णमंताणि गंधमंताणि रसमंताणि फासमंताणि चओवचइयाइं विप्परिणामधम्माइं भवंतीति अक्खायाइं
 । ३५५ । से भिक्खू वा० से जं पुण जाणिज्जा पुब्बिं भासा अभासा भासिज्जमाणी भासा भासा भासासमयवीइक्कंता च णं भासिया
 भासा अभासा ॥ से भिक्खू वा० से जं पुण जाणिज्जा जा य भासा सच्चा १ जा य भासा मोसा २ जा य भासा सच्चा मोसा ३ जा य
 भासा असच्चा मोसा ४, तहप्पगारं भासं सावज्जं सकिरियं कक्कसं कडुयं निट्ठुरं फरुसं अण्हयकरिं छेयणकरिं भेयणकरिं परियावणकरिं
 उहवणकरिं भूओवघाइयं अभिक्खं नो भासिज्जा ॥ से भिक्खू वा भिक्खुणी वा से जं पुण जाणिज्जा, जा य भासा सच्चा सुहुमा जा
 य भासा असच्चा मोसा तहप्पगारं भासं असावज्जं जाव अभूओवघाइयं अभिक्खं भासं भासिज्जा । ३५६ । से भिक्खू वा पुमं

आमंतेमाणे आमंति ए वा अप्पडिसुणेमाणे नो एवं वइज्जा होलित्ति वा गोलित्ति वा वसुलेत्ति वा कुपक्खेत्ति वा घडदासित्ति वा साणेत्ति वा तेणित्ति वा चारिएत्ति वा माइत्ति वा मुसावाइत्ति वा, एयाइं तुमं ते जणगा वा, एअप्पगारं भासं सावज्जं सकिरियं जाव भूओवघाइयं अभिकंख नो भासिज्जा ॥ से भिक्खू वा पूमं आमंतेमाणे आमंति ए वा अप्पडिसुणेमाणे नो एवं वइज्जा अमुगेइ वा आउसोत्ति वा आउसंतारोत्ति वा सावगेत्ति वा उवासगेत्ति वा धम्मिएत्ति वा धम्मपिएत्ति वा० एयप्पगारं भासं असावज्जं जाव अभिकंख भासिज्जा ॥ से भिक्खु भिक्खु वा २ इत्थि आमंतेमाणे आमंति ए य अप्पडिसुणेमाणे नो एवं वइज्जा होलिइ वा गोलित्ति वा इत्थीगमेण नेयव्वं ॥ से भिक्खू वा २ इत्थि आमंतेमाणे आमंति ए य अप्पडिसुणेमाणिं एवं वइज्जा आउसोत्ति वा भइणित्ति वा भोइत्ति वा भगवईत्ति वा साविगेत्ति वा उवासिएत्ति वा धम्मिएत्ति वा धम्मपिएत्ति वा, एयप्पगारं भासं असावज्जं जाव अभिकंख भासिज्जा । ३५७। से भि० नो एवं वइज्जा नभोदेवित्ति वा गज्जदेवित्ति वा विज्जुदेवित्ति वा पवुट्टदे० निवुट्टदेवित्ति वा पडउ वा वासं मा वा पडउ निप्फज्जउ वा सस्सं मा वा नि० विभाउ वा रयणी मा वा विभाउ उदेउ वा सूरिए मा वा उदेउ सो वा राया जयउ वा मा जयउ, नो एयप्पगारं भासं भासिज्जा पन्नवं ॥ से भिक्खू वा २ अंतलिक्खेत्ति वा गुज्झाणुचरिएत्ति वा समुच्छिए वा निवइए वा पओ वइज्जा वुट्टबलाहगेत्ति वा, एयं खलु तस्स भिक्खुस्स भिक्खुणीए वा सामगियं जं सव्वट्ठेहिं समिए सहिए सया जइज्जासित्तिबेमि । ३५८। अ० ४ उ० १॥ से भिक्खू वा जहा वेगइयाइं रुवाई पासिज्जा तहावि ताइं नो एवं वइज्जा, तंजहा गंडीं गंडीत्ति, वा कुट्टीं कुट्टीत्ति वा जाव महमेहुणीत्ति वा

॥ श्रीआचाराङ्ग सूत्र ॥

९३

पू. सागरजी म. संशोधित

हत्थच्छिन्नं हत्थच्छिन्नेति वा एवं पायच्छिन्नेति वा नक्कछिण्णेइ वा कण्णछिन्नेइ वा उट्ठछिन्नेति वा, जे यावन्ने तहप्पगारा एयप्पगाराहिं भासाहिं बुइया २ कुप्पंति माणवा ते यावि तहप्पगाराहिं भासाहिं अभिकंख नो भासिज्जा । से भिक्खू वा० जहा वेगइयाइं रुवाइं पासिज्जा तहावि ताइं एवं वइज्जा तंजहा ओयंसी ओयंसिन्ति वा तेयंसी तेयंसीति वा जसंसी जसंसीइ वा वच्चंसी वच्चंसीइ वा अभिरुयंसी २ पडिरूवंसी २ पासाइयं २ दरिसणिज्जं दरिसणीयन्ति वा, जे यावन्ने तहप्पगारा तहप्पगाराहिं भासाहिं बुइया २ नो कुप्पंति माणवा ते यावि तहप्पगाराहिं भासाहिं अभिकंख भासिज्जा ॥ से भिक्खू वा० जहा वेगइयाइं रुवाइं पासिज्जा, तंजहा वप्पाणि वा जाव गिहाणि वा तहावि ताइं नो एवं वइज्जा, तंजहा सुक्कडेइ वा सुट्ठुकडेइ वा साहुकडेइ वा कल्लाणेइ वा करणिज्जेइ वा, एयप्पगारं भासं सावज्जं जाव नो भासिज्जा ॥ से भिक्खू वा० जहा वेगइयाइं रुवाइं पासिज्जा, तंजहा वप्पाणि वा जाव गिहाणि वा तहावि ताइं एवं वइज्जा, तंजहा आरंभकडेइ वा सावज्जकडेइ वा पयत्तकडेइ वा पासाइयं पासाइए वा दरिसणीयं दरिसणीयंति वा अभिरूवं अभिरूवंति वा पडिरूवं पडिरूवंति वा एयप्पगारं भासं असावज्जं जाव भासिज्जा । ३५९। से भिक्खू वा २ असणं वा० उवक्खडियं तहाविहं नो एवं वइज्जा, तं० सुकडेत्ति सुट्ठुकडेइ वा साहुकडेइ वा कल्लाणेइ वा करणिज्जेइ वा, एयप्पगारं भासं सावज्जं जाव नो भासिज्जा ॥ से भिक्खू वा २ असणं वा० उवक्खडियं पेहाए एवं वइज्जा, तं० आरंभकडेत्ति वा सावज्जकडेत्ति वा पयत्तकडेइ वा भदयं भदेत्ति वा उसठं उसठेइ वा रसियं २ मणुन्नं २ एयप्पगारं भासं असावज्जं जाव भासिज्जा । ३६०। से भिक्खू वा भिक्खुणी वा मणुस्सं वा गोणं

वा महिसं वा भिंगं वा पसुं वा पक्खिं वा सरीसिवं वा जलचरं वा सेत्तं परिवूढकायं पेहाए नो एवं वइज्जा थूलेइ वा पमेइलेइ वा वट्टेइ वा वज्जेइ वा पाइमेइ वा, एयप्पगारं भासं सावज्जं जाव नो भासिज्जा ॥ से भिक्खू वा मणुस्सं वा जाव जलयरं वा सेत्तं परिवूढकायं पेहाए एवं वइज्जा परिवूढकाएत्ति वा उवचियकाएत्ति वा थिरसंघयणेत्ति वा चियमंससोणिएत्ति वा बहुपडिपुत्तुइदिएत्ति वा एयप्पगारं भासं असावज्जं जाव भासिज्जा ॥ से भिक्खू वा २ विरूवरूवाओ गाओ पेहाए नो एवं वइज्जा, तंजहा गाओ दुज्झाओत्ति वा दम्भेत्ति वा गोरहत्ति वा वाहिमत्ति वा रहजोग्गत्ति वा, एयप्पगारं भासं सावज्जं जाव नो भासिज्जा ॥ से भि० विरूवरूवाओ गाओ पेहाए एवं वइज्जा, तंजहा जुवंगवित्ति वा धेणुत्ति वा रसवइत्ति वा हस्सेइ वा महल्लेइ वा महव्वएइ वा संवहणित्ति वा, एअप्पगारं भासं असावज्जं जाव अभिक्खू भासिज्जा ॥ से भिक्खू वा० तहेव गंतुमुज्जाणाइं पव्वयाइं वणाणि वा रुक्खा महल्ले पेहाए नो एवं वइज्जा, तं पासायजोग्गात्ति वा तोरणजोग्गाइ वा गिहजोग्गाइ वा फलिहजो० अगगलजो० नावाजो० उदग० दोणजो० पीढचंगवेरनंगलकुलियजंतलट्टीनाभिगंडी आसणजो० सयणजाणउवस्सय जोगाइं वा, एयप्पगारं० नो भासिज्जा ॥ से भिक्खू वा० तहेव गंतु० एवं वइज्जा, तंजहा जाइमंताई वा दीहवट्ठाइ वा महालयाइ वा पयायसालाइ वा विडिमसालाई वा पासाइयाइ वा जाव पडिरूवात्ति वा एयप्पगारं भासं असावज्जं जाव भासिज्जा ॥ से भि० बहुसंभूया वणफला पेहाए तहावि ते नो एवं वइज्जा, तंजहा पक्काइ वा पायखज्जाइ वा वेलाइयाइ वा टालाइ वा वेहियाइ वा एयप्पगारं भासं सावज्जं जाव नो भासिज्जा ॥ से भिक्खू० बहुसंभूया वणफला अंबा पेहाए एवं

वइज्जा, तं० असंथडाइ वा बहुनिवट्टिमफलाइ वा बहुसंभूयाइ वा भूयरुचित्ति वा, एयप्पगारं भा० असा० ॥ से० बहुसंभूया ओसही पेहाए तहावि ताओ न एवं वइज्जा तं० पक्काइवा नीलियाइ वा छवीइयाइ वा लाइमाइ वा भज्जिमाइ वा बहुखज्जाइ वा, एयप्पगा० नो भासिज्जा ॥ से० बहु० पेहाए तहावि एवं वइज्जा, तं० रुढाइ वा बहुसंभूयाइ वा थिराइ वा उसढाइ वा गब्भियाइ वा पसयाइ वा ससाराइ वा, एयप्पगारं भासं असावज्जं जाव भासि० । ३६१ । से भिक्खू वा० तहप्पगाराइं सददाइं सुणिज्जा तहावि एयाइं नो एवं वइज्जा, तंजहा सुसदेत्ति वा दुसदेत्ति वा, एयप्पगारं भासं सावज्जं नो भासिज्जा ॥ से भि० तहावि ताइं एवं वइज्जा, तंजहा सुसहं सुसदित्ति वा दुसहं दुसदित्ति वा, एयप्पगारं असावज्जं जाव भासिज्जा, एवं रुवाइं किण्हेत्ति वा ५ गंधाइं सुरभिगंधित्ति वा २ रसाइं तित्ताणि वा ५ फासाइं कक्खडाणि वा ८ । ३६२ । से भिक्खू वा० वंता कोहं च माणं च मायं च लोभं च अणुवीइ निट्ठाभासी निसम्भभासी अतुरियभासी विवेगभासी समियाए संजए भासं भासिज्जा ॥ एवं खलु० सया जय० त्तिबेमि । ३६३ । ३० २ भाषाध्ययनं ४ ॥

से भि० अभिकंखिज्जा वत्थं एसित्तए से जं पुण वत्थं जाणिज्जा, तंजहा जंगियं वा भंगियं वा साणियं वा पोत्तगं वा खोमियं वा तूलकडं वा, तहप्पगारं वत्थं वा जे निगंथे तरुणे जुगं बलवं अप्पायंके थिरसंघयणे से एगं वत्थं धारिज्जा, नो बीयं, जा निगंथी सा चत्तारि संघाडीओ धारिज्जा, एगं दुहत्थवित्थारं दो तिहत्थवित्थाराओ एगं चउहत्थवित्थारं, तहप्पगारेहिं वत्थेहिं असंधिज्जमाणेहिं, अह पच्छा एगमेगं संसिविज्जा । ३६४ । से भि० परं अब्बजोयणमेराए वत्थपडिया० नो अभिसंधारिज्ज गमणाए । ३६५ । से भि० से जं०

अस्सिंपडियाए एगं साहम्मियं समुद्धिस्स पाणाइं जहा पिंडेसणाए भाणियव्वं ॥ एवं बहवे साहम्मिया एगं साहम्मिणिं बहवे साहम्मिणीओ
 बहवे समणमाहणं तहेव पुरिसंतरकडा जहा पिंडेसणाए । ३६६ । से भि० से जं० असंजए भिक्खुपडियाए कीयं वा धोयं वा रत्तं वा
 घट्टं वा मट्टं वा संमट्टं वा संपधूमियं वा तहप्पगारं वत्थं अपुरिसंतरकडं जाव नो०, अह पु० पुरिसं० जाव पडिगाहिज्जा । ३६७ । से
 भिक्खू वा २ से जाइं पुण वत्थाइं जाणिज्जा विरूवरूवाइं महद्धणमुल्लाइं, तं आइणगाणि वा सहिणाणि वा सहिणकल्लाणाणि वा
 आयाणिवा कायाणि वा खोमियाणि वा दुगुल्लाणि वा पट्टाणि वा मलयाणि वा पन्नूत्राणि वा अंसुयाणि वा चीणं सुयाणि वा देसरा
 गाणि वा अभिलाणि वा गज्जफलाणि वा फालियाणि वा कोयवाणि वा कंबलगाणि वा पावराणि वा, अन्नयराणि वा तह० वत्थाइं
 महद्धणमुल्लाइं लाभे संते नो पडिगाहिज्जा ॥ से भि० आइणपाउरणाणि वत्थाणि जाणिज्जा, तं० उद्दाणि वा पेसाणि वा पेसलाणि वा
 किण्हमिगाइणगाणि वा नीलमिगाइणगाणि वा गोरमि० कणगाणि वा कणगकंताणि वा कणग पट्टाणि वा कणगखड्याणि वा
 कणगफुसियाणि वा वग्घाणि वा विवग्घाणि वा (विगाणि० आभरणाणि वा आभरणविचित्ताणि वा, अन्नयराणि तह० आइणपाउरणाणि
 वत्थाणि लाभे संते नो० । ३६८ । इच्चेइयाइं आयतणाइं उवाइकम्म अह भिक्खू जाणिज्जा चउहिं पडिमाहिं वत्थं एसित्तए, तत्थ खलु
 इमा पढमा पडिमा, से भि० २ उद्देसिय वत्थं जाइज्जा, तं जंगियं वा जाव तुलकडं वा, तह० वत्थं सयं वा णं जाइज्जा, परो० फासुयं०
 पडि०, पढमा पडिमा १ । अहावरा दुच्चा पडिमा से भि० पेहाए वत्थं जाइज्जा गाहावई वा० कम्मकरी वा, से पुव्वामेव आलोइज्जा

॥ श्रीआचाराङ्ग सूत्रं ॥

९७

पू. सागरजी म. संशोधित

आउसोत्ति वा २ दाहिसि मे इत्तो अन्नयरं वत्थं ?, तहप्पं वत्थं सयं वा० परो० फासुयं एस० लाभे० पडि०, दुच्चा पडिमा २ । अहावरा तच्चा पडिमा से भिक्खू वा० से जं पुण० तं० - अंतरिज्जं वा उत्तरिज्जं वा तहप्पगारं वत्थं सयं० पडि०, तच्चा पडिमा ३ । अहावरा चउत्था पडिमा से० उज्झियधम्मियं वत्थं जाइज्जा जं चउत्ते बहवे समण० वणीमगा नाव कंखति तहप्पं उज्झियं वत्थं सयं० परो० फासुयं जाव प०, चउत्था पडिमा ४ ॥ इच्चेयाणं चउण्हं पडिमाणं जहा पिंडेसणाए ॥ सिया णं एताए एसणाए एसमाणं परो वइज्जा आउसंतो समणा ! इज्जाहि तुमं मासेण वा दसराएण वा पंचराएण वा सुते सुतरे वा तो ते वयं अन्नयरं वत्थं दाहामो, एयप्पगारं निग्घोसं सुच्चा नि० से पुव्वामेव आलोइज्जा आउसोत्ति वा ! २ नो खलु मे कप्पइ एयप्पगारं संगारं पडिसुणित्तए, अभिकंखसि मे दाउं इयाणिमेव दलयाहि, सेणेवं वयंतं परो वइज्जा आउ० स० ! अणुगच्छाहि तो ते वयं अन्न० वत्थं दाहा मो० से पुव्वामेव आलोइज्जा आउसोत्ति ! वा २ नो खलु मे कप्पइ संगारवयणे पडिसुणित्तए० से सेवं वयंतं परो णेया वइज्जा आउसोत्ति वा भइणित्ति वा ! आहरेयं वत्थं समणस्स दाहामो, अवियाइं वयं पच्छावि अप्पणो सयट्ठाए पाणाइं ४ समारंभ समुद्धिस्स जाव चेइस्सामो, एयप्पगारं निग्घोसं सुच्चा निसम्म तहप्पगारं वत्थं अफासुअं जाव नो पडिगाहिज्जा ॥ सिआ णं परो नेता वइज्जा आउसोत्ति ! वा २ आहर एयं वत्थं सिणाणेण वा ४ आघंसित्ता वा प० समणस्स णं दाहामो, एयप्पगारं निग्घोसं सुच्चा नि० से पुव्वामेव० आउ० भ० ! मा एयं तुमं वत्थं सिणाणेण वा जाव पधंसाहि वा, अभि. एमेव दलयाहि, से सेवं वयंतस्स परो सिणाणेण वा पधंसित्ता दलइज्जा तहप्पं वत्थं अफा०

नो प० ॥ से णं परो नेता वड्ज्जा० भ० ! आहर एयं वत्थं सीओदगवियडेण वा २ उच्छोलेत्ता वा पहोलेत्ता वा समणस्स णं दाहामो० ,
 एयं निग्घोसं० तहेव नवरं मा एयं तुमं वत्थं सीओदग० उस्सि० उच्छोलेहि वा पहोलेहि वा, अभिकंखसि सेसं तहेव जाव नो पडिगाहिज्जा
 ॥ से णं परो ने० आ० भ० ! आहरेयं वत्थं कंदाणि वा जाव हरियाणि वा विसोहिता समणस्स णं दाहामो, एयं निग्घोसं तहेव, नवरं
 मा एयाणि तुमं कंदाणि वा जाव विसोहेहि, नो खलु मे कप्पड् एयप्पगारे वत्थे पडिगाहिताए, से सेवं वयंतस्स परो जाव विसोहिता
 दलड्ज्जा तहप्प० वत्थं अफासुअं नो प० ॥ सिया से परो नेता वत्थं निसिरिज्जा, से पुव्वा० आ० भ० ! तुमं चेव णं संतियं वत्थं
 अंतोअंतेणं पडिलेहिज्जिस्साभि, केवली बूया आ० वत्थंतेण बद्धे सिया कुंडले वा गुणे वा हिरण्णे वा सुवण्णे वा मणी वा जाव
 रयणावली वा पाणे वा बीए वा हरिए वा, अह भिक्खूणं पु० जं पुव्वामेव वत्थं अंतोअंतेण पडिलेहिज्जा ॥ ३६९॥ से भि० से जं
 सअंडं० ससंताणं तहप्प० वत्थं अफा० नो प० ॥ से भि० से जं अप्पंडं जाव संताणगं अनलं अथिरं अधुवं आधारणिज्जं रोड्ज्जंतं न
 रुच्चड् तह० अफा० नो प० ॥ से भि० से जं० अप्पंडं जाव संताणगं अलं थिरं धुवं धारणिज्ज रोड्ज्जंतं रुच्चड् तह० वत्थं फासु० पडि०
 ॥ से भि० नो नवए मे वत्थेत्तिकट्ठु नो बहुदेसिएण सिणाणेण वा जाव पधंसिज्जा ॥ से भि० नो नवए मे वत्थेत्तिकट्ठु नो बहुदे०
 सीओदगवियडेण वा २ जाव पहोड्ज्जा ॥ से भिक्खू वा २ दुब्धिगंधे मे वत्थेत्तिकट्ठु नो बहु. सिणाणेण तहेव बहुसीओ० उस्सिं०
 आलावओ ॥ ३७०॥ से भिक्खू वा० अभिकंखिज्ज वत्थं आयावित्ताए वा प०, तहप्पगारं वत्थं नो अणंतरहियाए जाव पुढवीए संताणए

आयाविज्ज वा प० ॥ से भि० अभि० वत्थं आ० प० त० वत्थं थूणंसि वा गिहेलुगंसि वा उसुयालंसि वा कामजलंसि वा अन्नये
तहप्पगारे अंतलिक्खजाए दुब्बद्धे दुन्निक्खत्ते अणिकंपे चलाचले नो आ० नो प० ॥ से भिक्खू वा० अभि० आयावित्तए वा० तह०
वत्थं कुकियंसि वा मित्तंसि वा सिलंसि वा लेलुंसि वा अन्नये वा तह अंतलि० जाव नो आयाविज्ज वा प० ॥ से भि० वत्थं आया०
प० तह० वत्थं खंधंसि वा मं० मा० पासा० ह० अन्नये वा तह० अंतलि० नो आयाविज्ज वा प० ॥ से० तमायाए एगंतमवक्कमिजा २
अहे झामथंडिल्लंसि वा जाव अन्नयरंसि वा तहप्पगारंसि थंडिल्लंसि पडिलेहिय २ पमज्जिय २ तओ सं० वत्थं आयाविज्ज वा पया०, एयं
खलु० सया जइज्जासित्तिबेभि । ३७१। अ० ५ ३०१ ॥

से भिक्खू वा० अहेसणिज्जाइं वत्थाइं जाइज्जा अहापरिग्गहियाइं वत्थाइं धारिज्जा नो धोइज्जा नो रएज्जा नो धोयरत्ताइं
वत्थाइं धारिज्जा अपलिउंचमाणो गामंतरेसु० ओमचेलिए, एयं खलु वत्थधारिस्स सामग्गियं ॥ से भि० गाहावइकुलं पविसिउकामे
सव्वं चीवरमायाए गाहावइकुलं निक्खमिज्ज वा पविसिज्ज वा० एवं बहिया विहारभूमिं वा वियारभूमिं वा० गामाणुगामं वा दूइज्जिजा,
अह पु० तिक्वदेसियं वा वासं वासमाणं पेहाए जहा पिंडेसणाए नवरं सव्वं चीवरमायाए । ३७२। से एगइओ मुहुत्तगं २ पाडिहारियं वत्थं
जाइज्जा जाव एगाहेण वा दु० ति० चउ० पंचाहेण वा विप्पवसिय २ उवागच्छिज्जा, नो तह० वत्थं अप्पणो गिण्हिज्जा नो अन्नमन्नस्स
दिज्जा, नो पामिच्चं कुज्जा, नो वत्थेण वत्थपरिमाणं करिज्जा, नो परं उवसंकमित्ता एवं वइज्जा आउ० समणा ! अभिकंखसि वत्थं

धारित्तए वा परिहरित्तए वा?० थिरं वा संतं नो पलिच्छिंदिय २ परिट्टविज्जा, तहप्पगारं वत्थं ससंधियं वत्थं तस्स चेव निसिरिज्जा नो णं साइज्जिज्जा ॥ से एगइओ एयप्पगारं निग्घोसं सुच्चा नि० जे भयंतारो तहप्पगाराणि वत्थाणि ससंधियाणि मुहुत्तगं २ जाव एगाहेण वा ५ विप्पवसिय २ उवागच्छंति तह० वा वत्थाणि नो अप्पणा गिण्हंति नो अन्नमन्नस्स दलयंति तं चेव जाव नो साइज्जंति, बहुवयणेण भाणियव्वं, से हंता अहमवि मुहुत्तगं पाडिहारियं वत्थं जाइत्ता जाव एगाहेण वा ५ विप्पवसिय २ उवागच्छिस्सामि, अविद्याइं एयं ममेव सिया, माइट्ठाणं संपासे, नो एवं करिज्जा । ३७३। से भि० नो वण्णमंताइं वत्थाइं विवण्णाइं करिज्जा विवण्णाइं न वण्णमंताइं करिज्जा, अन्नं वा वत्थं लभिस्सामित्तिकट्ठु नो अन्नमन्नस्स दिज्जा, नो पामिच्चं कुज्जा, नो वत्थेण वत्थपरिणामं कुज्जा नो परं उवसंकमित्तु एवं वदेज्जा आउसो० ! समभिकंखसि मे वत्थं धारित्तए वा परिहरित्तए वा ?, थिरं वा संतं नो पलिच्छिंदिय २ परिट्टविज्जा, जहा मेयं वत्थं पावगं परो मन्नइ, परं च णं अदत्तहारी पडिपहे पेहाए तस्स वत्थस्स नियाणाय नो तेसिं भीओ उम्मगेणं गच्छिज्जा, जाव अप्पुस्सुए०, तओ संजयामेव गामाणुगामं दूइज्जिज्जा ॥ से भिकखू वा० गामाणुगामं दूइज्जमाणे अंतरा से विहं सिया, से जं पुण विहं जाणिज्जा इमंसि खलु विहंसि बहवे आमोसगा वत्थपिडयाए संपिंडिया गच्छेज्जा, णो तेसिं भीओ उम्मगेणं गच्छेज्जा जाव गामा० दूइजेज्जा ॥ से भि० दूइज्जमाणे अंतरा से आमोसगा पडियागच्छेज्जा, ते णं आमोसगा एवं वदेज्जा आउसं० ! आहरेयं वत्थं देहि णिक्खिवाहि जहा रियाए णाणत्तं वत्थपडियाए, एयं खलु० सया जइज्जासित्तिबेमि । ३७४। ३० २ वस्त्रैषणाध्ययनं ५ ॥

॥ श्रीआचाराङ्ग सूत्रं ॥

१०९

पू. सागरजी म. संशोधित

से भिक्खू वा अभिकंखिज्जा पायं एसित्ते, से जं पुण पादं जाणिज्जा, तंजहा अलाउयपायं वा दारुपायं वा मट्टियापायं वा, तहप्पगारं पायं जे निग्गंथे तरुणे जाव थिरसंघयणे से एगं पायं धारिज्जा नो बिइयं ॥ से भि० परं अब्बजोयणमेराए पायपडियाए नो अभिसंधारिज्जा गमणाए ॥ से भि० से जं० अस्सिं पडियाए एगं साहम्भियं समुद्धिस्स पाणाइं ४ जहा पिंडेसणाए चत्तारि आलावगा, पंचमे बहवे समण० पगणिय २ तहेव ॥ से भिक्खू वा० अस्संजए भिक्खुपडियाए बहवे समणमाहण० वत्थेसणाऽऽलावओ ॥ से भिक्खू वा० से जाइं पुण पायाइं जाणिज्जा विरूवरूवाई महब्बणमुल्लाइं, तं अयपायाणि वा तउपाया० तंबपाया० सीसगपा० हिरण्णपा० सुवण्णपा० रीरिअपाया० हारपुडपा० मणिकायंकंसपाया० संखसिंगपा० दंतपा० चेलपा० सेलपा० चम्मपा० अन्नयराइं वा तह० विरूवरूवाई महब्बणमुल्लाइं पायाइं अफासुयाइं नो० ॥ से भि० से जाइं पुण पाया० विरूव० महब्बणबंधणाइं, तं० अयबंधणाणि वा जाव चम्मबंधणाणि वा, अन्नयराइं तहप्प० महब्बणबंधणाइं अफा० नो प० ॥ इच्चेयाइं आयतणाइं उवाइक्कम्म अह भिक्खू जाणिज्जा चउहिं पडिमाहिं पायं एसित्ते, तत्थ खलु इमा पढमा पडिमा से भिक्खू उद्दिसिय २ पायं जाइज्जा, तंजहा अलाउयपायं वा ३ तह पायं सयं वा णं जाइज्जा जाव पडि०, पढमा पडिमा १ । अहावरा० से० पेहाए पायं जाइज्जा, तं० गाहावइं वा कम्मकरीं वा, से पुच्चामेव आलोइज्जा आउ भ० ! दाहिसि मे इत्तो अन्नयरं पादं, तं लाउयपायं वा ३, तह० पायं सयं वा जाव पडि०, दुच्चा पडिमा २ । अहा० से भि० से जं पुण पायं जाणिज्जा संगइयं वा वेजइयंतियं वा तहप्प० पायं सयं वा जाव पडि० तच्चा पडिमा ३ । अहावरा चउत्था

पडिमा से भि० उज्झियधम्मियं जाएजा जं चउत्ते बहवे समणा जाव नावकंखंति तह० जाएजा जाव पडि०, चउत्था पडिमा ४ ।
 इच्चेइयाणं चउण्हं पडिमाणं अन्नयरं पडिमं जहा पिंडेसणाए ॥ से णं एयाए एसणाए एसमाणं पासित्ता, परो वइजा आउ० स० !
 एजासि तुमं मासेण वा जहा वत्थेसणाए, से णं परो नेता व० आ० भ० ! आहर एयं पायं तिल्लेण वा ध० नव० वसाए वा अब्भंगित्ता
 वा तहेव सिणाणादी तहेव सीओदगाई कंदाइ तहेव ॥ से णं परो ने० आउ० स० ! मुहुत्तगं २ जाव अच्छाहि ताव अम्हे असणं वा
 उवकरेंसु वा उवक्खडेंसु वा, तो ते वयं आउसो ! सपाणं सभोयणं पडिग्गहं दाहामो, तुच्छए पडिग्गहे दिन्ने समणस्स नो सुट्ठु साहु
 भवइ, से पुव्वामेव आलोइजा आउ० भइ० ! नो खलु मे कप्पइ आहाकम्मिए असणे वा ४ भुत्ताए वा० मा उवकरेहि मा उवक्खडेहि,
 अभिकंखसि मे दाउं एमेव दलयाहि, से सेवं वयंतस्स परो असणं वा ४ उवकरित्ता उवक्खडित्ता सपाणं सभोयणं पडिग्गहं दलइजा
 तह० पडिग्गहं अफासुयं जाव नो पडिगाहिजा ॥ सिया से परो उवणित्ता पडिग्गहं निसिरिजा, से पुव्वामे० आउ० भ० ! तुमं चेव
 णं संतिथं पडिग्गहं अतोअंतेणं पडिलेहिस्सामि, केवली० आयाण० अंते पडिग्गहंसि पाणाणि वा बीया० हरि०, अह भिक्खूणं पु०
 जं पुव्वामेव पडिग्गहं अंतोअंतेणं पडि० सअंडाइं सव्वे आलावगा भाणियव्वा जहा वत्थेसणाए, नाणत्तं तिल्लेण वा धय० नव०
 वसाए वा सिणाणादी जाव अन्नयरंसि वा तहप्पगा० थंडिलंसि, पडिलेहिय २ पम० २ तओ० संज० आमजिजा, एवं खलु० सया
 जएज्जात्तिबेमि । ३७५ । अ० ६ उ० १ ॥ से भिक्खू वा २ गाहावइकुलं पिंड० पविट्ठे समाणे पुव्वामेव पेहाए पडिग्गहं अवहट्ठु पाणे

॥ श्रीआचाराङ्ग सूत्रं ॥

१०३

पू. सागरजी म. संशोधित

पमज्जिय रयं तओ सं० गाहावइ० पिंड० निक्ख० प० केवली० आउ० ! अंतो पडिग्गहगंसि पाणे वा बीए वा हरि० परियावज्जिजा०
 अह भिक्खूणं पु० जं पुव्वामेव पेहाए पडिग्गहं अवहट्ठु पाणे पमज्जिय रयं तओ सं० गाहावइ० निक्खमिज्ज वा २ । ३७६ । से भि० जाव
 समाणे सिया से परो आहट्ठु अंतो पडिग्गहगंसि सीओदगं परिभाइत्ता नीहट्ठु दलइज्जा० तहप्प० पडिग्गहगं परहत्थंसि वा परपायंसि वा
 अफासुयं जाव नो प०, से य आहच्च पडिहग्गहिए सिया खिप्पामेव उदगंमि साहरिजा० से पडिग्गहमायाए पाणं परिट्ठविज्जा ससिणिद्धाए
 वा भूमीए नियमिज्जा ॥ से० उदउल्लं वा ससिणिद्धं वा पडिग्गहं नो आमज्जिज्जि वा २ अह पु० विगओदए मे पडिग्गहए छिन्नसिणेहे
 तह० पडिग्गहं० तओ० सं० आमज्जिज्ज वा जाव पयाविज्ज वा । से भि० गाहा० पविसिउकामे पडिग्गहमायाए गाहा० पिंड० पविसिज्ज
 वा नि० एवं बहिया वियारभूमीं विहारभूमीं वा गामा दूइज्जिजा० तिव्वदेसीयाए जहा बिइयाए वत्थेसणाए नवरं इत्थ पडिग्गहे, एयं
 खलु तस्स० जं सव्वट्ठेहिं सहिए सया जएज्जासित्तिबेमि । ३७७ । ३० २ पात्रैषणाध्ययनं ६ ॥

समणे भविस्सामि अणगारे अकिंचणे अपुत्ते अपसू परदत्तभोई पावं कम्मं नो करिस्सामित्ति समुट्ठाए सव्वं भंते ! अदिन्नादाणं
 पच्चक्खामि, से अणुपविसित्ता गामं वा जाव रायहाणिं वा नेव सयं अदिन्नं गिणिहज्जा नेवउत्तेहिं अदिन्नं गिणहाविज्जा अदिन्नं गिणहंतेवि
 अन्ने न समणुजाणिज्जा, जेहिंवि सद्धिं संपव्वइए तेसिंपि जाइं छत्तगं वा जाव चम्म छेयणगं वा तेसिं पुव्वामेव उग्गहं अणुणुन्नविय
 अपडिलेहिय २ अपमज्जिय २ नो उग्गिणिहज्ज वा परिगिणिहज्ज वा, तेसिं पुव्वामेव उग्गहं जाइज्जा अणुन्नविय पडिलेहिय पमज्जिय तओ

સં૦ ડગિણિહજ્જ વા ૫૦ । ૩૭૮ । સે ઢિ૦ આગંતારેસુ વા ૪ અણુવીઙ્ગ ડગ્ગહં જાઙ્ગા૦ જે તત્થ ઈસરે જે તત્થ સમહિટ્ઠે તે ડગ્ગહં અણુત્રવિજ્જા કામં ઁલુ આડસો૦ ! અહાલંદં અહાપરિત્રાયં વસામો જાવ આડસો ! જાવ આડસં તસ્સ ડગ્ગહં જાવ સાહમ્મિયા એહ તાવં ડગ્ગહં ડગિણિહસ્સામો, તેણ પરં વિહરિસ્સામો ॥ સે કિં પુણ ? તત્થોગ્ગહંસિ એવોગ્ગહિયંસિ જે તત્થ સાહમ્મિયા સંઢોઙ્ગયા સમણુત્રા ડવાગચ્છિજ્જા જે તેણ સયમેસિત્તે અસણે વા ૪ તેણ તે સાહમ્મિયા ૩ ડવનિમંતિજ્જા, નો ચેવ ણં પરવડિયાએ ઓગિજ્ઙિય ૨ ડવનિ૦ । ૩૭૯ । સે આગંતારેસુ વા ૪ જાવ સે કિં પુણ ? તત્થોગ્ગહંસિ એવોગ્ગહિયંસિ જે તત્થ સાહમ્મિયા અત્રસંઢોઙ્ગયા સમણુત્રા ડવાગચ્છિજ્જા જે તેણ સયમેસિત્તે પીઢે વા ફલે વા સિજ્જા વા સંથારે વા તેણ તે સાહમ્મિયા અત્રસંઢોઙ્ગયા સમણુત્રે ડવનિમંતિજ્જા, નો ચેવ ણં પરવડિયાએ ઓગિજ્ઙિય ડવનિમંતિજ્જા ॥ સે આગંતારેસુ વા ૪ જાવ સે કિં પુણ ? તત્થોગ્ગહંસિ એવોગ્ગહિયંસિ જે તત્થ ગાહાવડ્ડિણ વા ગાહા૦ પુત્તાણ વા સૂઙ્ગ વા પિપ્પલે વા કણસોહણે વા નહચ્છેયણે વા તં અપ્પણો એગસ્સ અટ્ઠાએ પાઙ્ગિહારિયં જાઙ્ગા નો અત્રમત્રસ્સ દિજ્જ વા અણુપઙ્ગ વા , સયંકરણિજ્ઙંતિકટ્ઠુ સે તમાયાએ તત્થ ગચ્છિજ્જા ૩ પુવ્વામેવ ડત્તાણે હત્થે કટ્ઠુ ઢૂમીએ વા ઠવિત્તા ઙ્ગમં ઁલુ ૨ ત્તિ આલોઙ્ગા, નો ચેવ ણં સયં પાણિણા પરપાણિંસિ પચ્ચપ્પિણિજ્જા । ૩૮૦ । સે ઢિ૦ સે જં ડગ્ગહં જાણિજ્જા અણંતરહિયાએ પુઢવીએ જાવ સંતાણે તહ૦ ડગ્ગહં નો ગિણિહજ્જા વા ૨ ॥ સે ઢિ૦ સે જં પુણ ડગ્ગહં થૂણંસિ વા ૪ તહ૦ અંતલિવ્વજાએ ડુલ્લબ્ધે જાવ નો ડગિણિહજ્જા વા ૨ ॥ સે ઢિ૦ સે જં૦ કુલિયંસિ વા ૪ જાવ નો ડગિણિહજ્જ વા ૨ ॥ સે ઢિ૦ ઁલંધંસિ વા ૪ અત્રયરે વા તહ૦ જાવ નો

॥ શ્રીઆચારાઙ્ગ સૂત્ર ॥

૧૦૫

પૂ. સાગરજી મ. સંશોધિત

उगहं उगिणिहज्जा वा २ ॥ से भि० से जं पुण० ससागारियं० सखुडुपसुभत्तपाणं नो पन्नस्स निक्खसमणपवेस जाव घम्माणुओगचिंताए,
 सेवं नच्चा तह० उवस्सए ससागारिए० नो उवग्गहं उगिणिहज्जा वा २ ॥ से भि० से जं० गाहावड्कुलस्स मज्झंमज्जेणं गंतुं पंथे पडिबद्धं
 वा नो पन्नस्स जाव सेवं न० ॥ से भि० से जं० इह खलु गाहावड् वा जाव कम्मकरीओ वा अन्नमन्नं अक्कोसंति वा तहेव तिल्लादि
 सिणाणादि सीओदगवियडादि निगिणाइ वा जहा सिज्जाए आलावगा, नवरं उगहवत्तव्वया ॥ से भि० से जं० आइन्नसंलिक्खे नो
 पन्नस्स० उगिणिहज्ज वा २० एयं खलु० । ३८१ । अ० ७ ३० १ ॥ से आगंतारेसु वा ४ अणुवीइ उगहं जाइज्जा, जे तत्थ ईसरे, ते उगहं
 अणुन्नविज्जा कामं खलु आउसो ! अहालंदं अहापरिन्नायं वसामो जाव आउसो ! जाव आउसंतस्स उग्गहे जाव साहम्मिआए ताव उगहं
 उगिणिहस्सामो, तेण परं वि०, से किं पुण ?, तत्थ उगहंसि एवोग्गहियंसि जे तत्थ समणाण वा माह० छत्तए वा जाव चम्मछेदणए
 वा तं नो अंतोहिंतो वाहिं नीणिज्जा बहियाओ वा नो अंतो पविसिज्जा, सुत्तं वा नो पडिबोहिज्जा, नो तेसिं किंचिवि अप्पत्तियं पडिणीयं
 करिज्जा । ३८२ । से भि० अभिकंखिज्जा अंबवणं उवागच्छितए जे तत्थ ईसरे २ ते उगहं अणुजाणाविज्जा कामं खलु जाव विहरिस्सामो,
 से किं पुण० एवोग्गहियंसि० अह भिक्खू इच्छिज्जा अंबं भुत्तए वा से जं पुण अंबं जाणिज्जा सअंडं ससंताणं तह० अंबं अफा० नो प० ।
 से भि० से जं० अप्पंडं अप्पसंताणगं अतिरिच्छच्छिन्नं अव्वोच्छिन्नं अफासुयं जाव नो पडिगाहिज्जा ॥ से भि० से जं० अप्पंडं वा जाव
 संताणगं तिरिच्छच्छिन्नं वुच्छिन्नं फा० पडि० ॥ से भि० अंबभित्तगं वा अंबपेसियं वा अंबचोयगं वा अंबसालगं वा अंबडालगं वा

भुत्तए वा पायए वा, से जं० अंबभित्तगं वा ५ सअंडं० अफा० नो पडि० ॥ से भिक्खू वा २ से जं० अंबं वा अंबभित्तगं वा अप्पंडं०
 अतिरिच्छच्छिन्नं २ अफा० नो प० ॥ से जं० अंबडालगं वा अप्पंडं ५ तिरिच्छच्छिन्नं वुच्छिन्नं फासुयं पडि० ॥ से भि० अभिकंखिज्जा
 उच्छुवणं उवागच्छित्तए, जे तत्थ ईसरे जाव उग्गहंसि० ॥ अह भिक्खू इच्छिज्जा उच्छुं भुत्तए वा पा०, से जं० उच्छुं जाणिज्जा सअंडं
 जाव नो प० अतिरिच्छच्छिन्नं तहेव, तिरिच्छच्छिन्नेऽवि तहेव ॥ से भि० अभिकंखि० अंतरुच्छुयं वा उच्छुगंडियं वा उच्छुचोयगं वा
 उच्छुसा० उच्छुडा० भुत्तए वा पाय०, से जं पु० अंतरुच्छुयं वा जाव डालगं वा सअंडं० नो प० ॥ से भि० से जं० अंतरुच्छुयं वा०
 अप्पंडं वा० जाव पडि० अतिरिच्छच्छिन्नं तहेव ॥ से भि० ल्हसणवणं उवागच्छित्तए, तहेव तिन्निवि आलावगा, नवरं ल्हसुणं ॥ से भि०
 ल्हसुणं वा ल्हसुणकंदं वा ल्ह० चोयगं वा ल्हसुणनालगं वा भुत्तए वा २ से जं० लसुणं वा जाव लसुणबीयं वा सअंडं जाव नो प०,
 एवं अतिरिच्छच्छिन्नेऽवि तिरिच्छच्छिन्ने जाव प० । ३८३ । से भि० आगंतारेसु वा ४ जावोग्गहियंसि, जे तत्थ गाहावईणं वा गाहा०
 पुत्ताण वा इच्चेयाइं आयतणाइं उवाइक्कम्म अह भिक्खू जाणिज्जा, इमाहिं सत्तहिं पडिमाहिं उग्गहं उग्गिण्हित्तए, तत्थ खलु इमा पढमा
 पडिमा से आगंतारेसु वा ४ अणुवीइ उग्गहं जाइज्जा जाव विहरिस्सामो, पढमा पडिमा १ । अहावरा० जस्स णं भिक्खूस्स एवं भवइ
 अहं च खलु अन्नेसिं भिक्खूणं अट्ठाए उग्गहं उग्गिण्हिस्सामि, अण्णेसिं भिक्खूणं उग्गहे उग्गहिए उवल्लिस्सामि, दुच्चा पडिमा २ ।
 अहावरा० जस्स णं भि० अहं च० उग्गिण्हिस्सामि अन्नेसिं च उग्गहे उग्गहिए नो उवल्लिस्सामि, तच्चा पडिमा ३ । अहावरा० जस्स णं

भि० अहं चं० नो उगहं उगिणिहस्सामि, अत्रेसिं च उगहे उगहिए उवल्लिस्सामि, चउत्था पडिमा ३ । अहावरा० जस्स णं० अहं च खलु अप्पणो अट्ठाए उगहं च ३०, नो दुण्हं नो तिण्हं नो चउण्हं नो पंचण्हं, पंचमा पडिमा ५ । अहावरा० से भि० जस्स एव उगहे उवल्लिइज्जा जे तत्थ अहासमन्नागए इक्कडे वा जाव पलाले तस्स लाभे संवसिज्जा, तस्स अलाभे उक्कुडुओ वा नेसज्जिओ वा विहरिज्जा, छट्ठा पडिमा ६ । अहावरा स० जे भि० अहासंथडमेव उगहं जाइज्जा, तंजहा पुढविसिलं वा कट्टसिलं वा अहासंथडमेव तस्स लाभे संते०, तस्स अलाभे ३० ने० विहरिज्जा, सत्तमा पडिमा ७ । इच्चेयासिं सत्तण्हं पडिमाणं अन्नयरं जहा पिंडेसणा । ३८४। सुयं मे आउसंतेणं भगवया एवमक्खायं इह खलु थेरेहिं भगवंतेहिं पंचविहे उगहे पन्नत्ते, तं० देविंदउगहे १ रायउगहे २ गाहावइउगहे ३ सागारियउगहे ४ साहम्भियउगहे ५, एवं खलु तस्स भिक्खुस्स भिक्खुणीए वा सामग्गियं । ३८५। ३० २ अवग्रहाध्ययनं ७ चूलिका१ ।

से भिक्खू वा० अभिकंखेज्जा ठाणं ठाइत्तए, से अणुपविसिज्जा गामं वा जाव रायहाणिं वा, से जं पुण ठाणं जाणिज्जा सअंडं जाव मक्कडासंताणयं तं तह० ठाणं अफासुयं अणेस० लाभे संतेनो प०, एवं सिज्जागमेण नेयव्वं जाव उदयपसूयाइंति ॥ इच्चेयाइं आयतणाइं उवाइकम्म २अह भिक्खू इच्छिज्जा चउहिं पडिमाहिं ठाणं ठाइत्तए, तत्थिमा पढमा पडिमा अचित्तं खलु उवसज्जिज्जा अवलंबिज्जा काएण विप्परिकम्माइ (भिज्जासवियारं ठाणं ठाइस्सामि, पढमा पडिमा । अहावरा दुच्चा पडिमा अचित्तं खलु उवसजेज्जा अवलंबिज्जा काएण विप्परिकम्माइ नो सवियारं ठाणं ठाइस्सामि, दुच्चा पडिमा । अहावरा तच्चा पडिमा अचित्तं खलु उवसजेज्जा

अवलंबिजा नो काएण विपरिकम्माई नो सवियारं ठाणं ठाइस्सामित्ति, तच्चा पडिमा । अहावरा चउत्था पडिमा अचित्तं खलु उवसजेजा नो अवलंबिजा काएण नो परकम्माई नो सवियारं ठाणं ठाइस्सामित्ति वोसट्टकाए वोसट्टकेसमंसुलोमनहे संनिरुद्धं वा ठाणं ठाइस्सामित्ति, चउत्था पडिमा, इच्चेयासिं चउण्हं पडिमाणं जाव पग्गहियतरायं विहरिजा, नो किंचिवि वइजा, एवं खलु तस्स० जाव जइज्जासित्तिबेमि । ३८६ । स्थानसप्तसप्तकं १ (८) ॥

से भिक्खू वा २ अभिकं० निसीहियं फासुयं गमणाए, से पुण निसीहियं जाणिजा सअंडं० तह० अफा० नो चेइस्सामि ॥ से भिक्खू० अभिकंखेजा निसीहियं गमणाए, से पुण नि० अप्पपाणं अप्पबीयं जाव संताणयं तह० निसीहीयं फासुयं चेइस्सामि, एवं सिज्जागमेणं नेयव्वं जाव उदयप्पसूयाइं ॥ जे तत्थ दुवग्गा तिवग्गा चउवग्गा पंचवग्गा वा अभिसंधारित्ति निसीहियं गमणाए ते नो अन्नमन्नस्स कायं आलिंगिज्ज वा विलिंगिज्ज वा चुंबिज्ज वा दंतेहिं वा नहेहिं वा अच्छिंदिज्ज वा वुच्छिं०, एयं खलु० जं सव्वट्ठेहिं सहिए समिए सया जएजा, सेयमिणं मन्निज्जासित्तिबेमि । ३८७ । नैषेधिकीसप्तसप्तकं २ (१) ॥

से भि० उच्चारपासवणकिरियाए उब्बाहिज्जमाणे सयस्स पायपुंछणस्स असईए तओ पच्छा साहम्मियं जाइजा ॥ से भि० से जं पु० थंडिलं जाणिजा सअंडं० तह० थंडिलंसि नो उच्चारपासवणं वोसिरिजा ॥ से भि० जं पुण थं० अप्पपाणं जाव संताणयं तह० थं० उच्चा० वोसिरिजा ॥ से भि० से जं० अस्सिं पडियाए एगं साहम्मियं समुद्दिस्स वा अस्सिं० बहवे साहम्मिया स० अस्सिं प०

एगं साहम्मिणिं स० अस्सिंप० बहवे साहम्मिणीओ स० अस्सिं बहवे समण० पगणिय २ समु० पाणाइं ४ जाव उद्देसियं चेएइ, तह० थंडिलं पुरिसंतरकडं जाव बहिया नीहडं वा अनी० अन्नयरंसि वा तहप्पगारंसि थं० उच्चारं नो वोसि० ॥ से भि० से जं० बहवे समणमा० समुद्दिस्स पाणाइं भूयाइं जीवाइं सत्ताइं जाव उद्देसियं चेएइ, तह० थंडिलं पुरिसंतरगडं जाव बहिया अनीहडं अन्नयरंसि वा तह० थंडिलंसि नो उच्चारपासवण०, अह पुण एवं जाणिज्जा अपुरिसंतरगडं जाव बहिया नीहडं अन्नयरंसि वा तहप्पगारंसि थं० उच्चार० वोसि० ॥ से० जं० अस्सिंपडियाए कयं वा कारियं वा पामिच्चियं वा छन्नं वा घट्टं वा मट्टं वा लित्तं वा संमट्टं वा संपथूवियं वा अन्नयरंसि वा तह० थंडि० नो उ० ॥ से भि०, से जं पुण थं० जाणेज्जा, इह खलु गाहावई वा गाहावइपुत्ता वा कंदाणि वा जाव हरियाणि वा अंतराओ वा बाहिं नीहरंति बहियाओ वा अंतो साहरंति अन्नयरंसि वा तह० थं० नो उच्चा० ॥ से भि० से जं पुण० जाणेज्जा खंधंसि वा पीढंसि वा मंचंसि वा मालंसि वा (प्र० हम्मियतलंसि वा अट्टालंसि वा) अट्टंसि वा पासायंसि वा अन्नयरंसि वा० थं० नो उ० ॥ से भि० से जं पुण० अणंतरहियाए पुढवीए ससिणिद्धाए पु० ससरक्खाए पु० मट्टियाए मक्कडाए (प्र० मटियाकम्मकडाए) चित्तमंताए सिलाए चित्तमंताए लेलुयाए कोलावारंसि वा दारुयंसि वा जीवपइट्टियंसि वा जाव मक्कडासंताणयंसि अन्न० तह० थं० नो उ० । ३८८ । से भि० से जं० जाणे० इह खलु गाहावई वा गाहावइपुत्ता वा कंदाणि वा जाव बीयाणि वा परिसाडिंति वा परिसाडिस्संति वा अन्न० तह० नो उ० ॥ से भि० से जं० इह खलु गाहावई वा गा० पुत्ता वा सालीणि वा वीहीणि वा मुग्गाणि वा भासाणि वा तिलाणि

॥ श्रीआचाराङ्ग सूत्रं ॥

११०

पू. सागरजी म. संशोधित

वा कुलत्थाणि वा जवाणि वा जवजवाणि वा पड़रिसु वा पड़रिति वा पड़रिस्संति वा अन्नयरंसि वा तह० थंडि० नो० ३० ॥ से भि० २
जं० आमोयाणि वा घासाणि वा मिलुयाणि वा विज्जुलयाणि वा खाणुयाणि वा कडयाणि वा पगडाणि वा दरीणि वा पदुग्गाणि वा
समाणि वा २ अन्नयरंसि तह० नो ३० ॥ से भिक्खू० से जं० पुण थंडिल्लं जाणिज्जा माणुससंधणाणि वा महिसकरणाणि वा वसहक०
अस्सक० कुक्कुडक० मक्कडक० हयक० लावयक० वट्टयक० तित्तिरक० कवोयक० कविंजलकरणाणि वा अन्नयरंसि वा तह० नो
३० ॥ से जं जाणे वेहाणसट्ठाणेसु वा गिद्धपट्टठा वा तरुपडणट्ठाणेसु वा मेरुपडणठा० विसभक्कणयठा० अगणिपडणट्ठा० अन्नयरंसि
वा तह० नो ३० ॥ से भि० से जं० आरामाणि वा उज्जाणाणि वा वणावि वा वणसंडाणि वा देवकुलाणि वा सभाणि वा पवाणि वा
अन्न० तह० नो ३० ॥ से भिक्खू २ से जं पुण जा० अट्ठालयाणि वा चरियाणि वा दारणि वा गोपुराणि वा अन्नयरंसि वा तह० थं०
नो ३० ॥ से भि० से जं० जाणे तिगाणि वा चउक्काणि वा चच्चराणि वा चउम्मुहाणि वा अन्नयरंसि वा तह० नो ३० ॥ से भि० से जं०
जाणे० इंगालदाहेसु वा खारदाहेसु वा मडयदाहेसु वा मडयथूमियासु वा मडयचेइएसु वा अन्नयरंसि वा तह० थं० नो ३० ॥ से जं
जाणे० नइयायतणेसु वा पंकाययणेसु वा ओघाययणेसु वा सेयणवहंसि वा अन्नयरंसि वा तह० थं० नो ३० ॥ से० भि० से जं जाणे
नवियासु वा मट्टियखाणिआसु नवियासु गोप्पहेलियासु वा गवाणीसु वा खाणीसु वा अन्नयरंसि वा तह० थं० नो ३० ॥ से जं जा०
डागवच्चंसि वा सागव० मूलग० हत्थंकरवच्चंसि वा अन्नयरंसि वा तह० नो ३० ॥ से भि० से जं० असणवणांसि वा सणव० धायइव०

॥ श्रीआचाराङ्ग सूत्रं ॥

१११

पू. सागरजी म. संशोधित

केयइवणंसि वा अंबव० असोगव० नागव० पुत्रागव० चुल्लगव० अन्नयेरेसु तह० पत्तोवेएसु वा पुप्फोवेएसु वा फलोवेएसु वा बीओवेएसु वा हरिवेएसु वा नो ३० । ३८९ । से भि० सयपाययं वा परपाययं वा गहाय सेतमायाए एगंतमवक्कमे अणावार्यंसि असंलोयंसि अप्पपाणंसि जाव मक्कडासंताणयंसि अहारामंसि वा उवस्सयंसि तओ संजयामेव उच्चारपासवणं वोसिरिज्जा, से तमायाए एगंतमवक्कमे अणाबाहंसि जाव संताणयंसि अहारामंसि वा झामथंडिलंसि वा अन्नयरंसि वा तह० थंडिलंसि अचित्तंसि तओ संजयामेव उच्चारपासवणं वोसिरिज्जा, एयं खलु तस्स० सया जइज्जासित्तिबेमि । ३९० । उच्चारप्रश्रवणसमसप्तकं ३ (१०) ॥

से भि० मुङ्गसद्दाणि वा नंदीस० झल्लरीस० अन्नयराणि वा तह० विरूवरूवाइं सदाइं वितताइं कन्नसोयणपडियाए नो अभिसंधारिज्जा गमणाए । से भि० अहावेगइयाइं सदाइं सुणेइ, तं० वीणासद्दाणि वा विपंचीस० पीप्पी (बद्धी) सगस० तूणयसद्दा० वण (वीणि) यस० तुंबवीणियसद्दाणि ढंकुणसद्दाइं अन्नयराइं तह० विरूवरूवाइं सदाइं वितताइं कण्णसोयपडियाए नो अभिसंधारिज्जा गमणाए ॥ से भि० अहावेगइयाइं सदाइं सुणेइ, तं० तालसद्दाणि वा कंसतालसद्दाणि वा लत्तियसद्दा० गोधियस० किरिकिरियास० अन्नयरा० तह० विरूव० सद्दाणि कण्ण० गमणाए ॥ से भि० अहावेग० तं० संखसद्दाणि वा वेणु० वंसस० खरमुहिस० परिपिरियास० अन्नय० तह० विरूव० सद्दाइं झुसिराइं कन्न० । ३९१ । से भि० अहावेग० तं० वप्पाणि वा फलिहाणि वा जाव सराणि वा सागराणि वा सरसरपंतियाणि वा अन्न० तह० विरूव० सद्दाइं कण्ण० ॥ से भि० अहावे० तं० कच्छाणि वा णूमाणि वा गहणाणि वा वणाणि

वा वणदुग्गाणि वा पव्वयाणि वा पव्वयदुग्गाणि वा अन्न० ॥ अहा० त० गामाणि वा नगराणि वा निगमाणि वा रायहाणाणि वा आसमपट्टसंनिवेसाणि वा अन्न० तह० नो अभि० ॥ से भि० अहावे० आरामाणि वा उज्जाणाणि वा वणाणि वा वणसंडाणि वा देवकुलाणि वा सभाणि वा पवाणि वा अन्नय० तहा० सद्दाइं नो अभि० ॥ से भि० अहावे० अट्टाणि वा अट्टालयाणि वा चरियाणि वा दाराणि वा गोपुराणि वा अन्न० तह० सद्दाइं नो अभि० ॥ से भि० अहावे० तंजहा तियाणि वा चउक्काणि वा चच्चराणि वा चउम्मुहाणि वा अन्न० तह० सद्दाइं नो अभि० ॥ से भि० अहावे० तंजहा महिसकरणट्टाणाणि वा वसभक० अस्सक० हत्थिक० जाव कविंजलकरणट्टा० अन्न० तह० नो अभि० ॥ से भि० अहावे० तंजहा महिसजुद्धाणि वा जाव कविंजलजु० अन्न० तह० नो अभि० ॥ से भि० अहावे० तं जूहियठाणाणि वा हयजू० गयजू० अन्न० तह० नो अभि० ॥ ३९२ ॥ से भि० जाव सुणेइ, तंजहा अक्खाइयठाणाणि वा माणुम्माणियट्टाणाणि वा महताऽऽहयनट्टगीयवाइयतंतीतलतालतुडियपडुप्पवाइयट्टाणाणि वा अन्न० तह० सद्दाइं नो अभिसं० ॥ से भि० जाव सुणेइ, तं कलहाणि वा डिंबाणि वा डमराणि वा दोरजाणि वा वेर० विरुद्धर० अन्न० तह० सद्दाइं नो० ॥ से भि० जाव सुणेइ खुड्डियं दारियं परिभुत्तमंडियं अलंकियं निवुज्झमाणिं पेहाए एगं वा पुरिसं वहाए नीणिज्जमाणं पेहाए अन्नयराणि वा तह० नो अभि० ॥ से भि० अन्नयराइं विरूव० महासवाइं एवं जाणेज्जा तंजहा बहुसगडाणि वा बहुरहाणि वा बहुमिलक्खूणि वा बहुपच्चंताणि वा अन्न० तह० विरूव० महासवाइं कन्नसोयपडियाए नो अभिसंधारिज्जा गमणाए ॥ से भि० अन्नयराइं विरूव० महस्सवाइं एवं

॥ श्रीआचाराङ्ग सूत्रं ॥

११३

पू. सागरजी म. संशोधित

जाणिज्जा, तंजहा इत्थीणि वा पुरिसाणि वा थेराणि वा डहराणि वा मज्झिमाणि वा आभरणविभूसियाणि वा गायंताणि वा वायंताणि वा नच्चंताणि वा हसंताणि वा रमंताणि वा मोहंताणि वा विपुलं असणं पाणं खाइमं साइमं परिभुंजुंताणि वा परिभायंताणि वा विच्छड्डियमाण्णाणि वा विगोयमाण्णाणि वा अन्नय० तह० विरूव० महु० कन्नसोय० ॥ से भि० नो इहलोइएहिं सदेहिं नो परलोइएहिं स० नो सुएहिं स० नो असुएहिं स० नो दिट्ठेहिं सदेहिं नो अदिट्ठेहिं स० नो कंतेहिं सदेहिं सज्जिज्जा नो गिज्झिज्जा नो मुज्झिज्जा नो अज्झोववज्जिज्जा, एयं खलु० जाव जएज्जासित्तिबेमि । ३९३ । शब्दसमसप्तकं ४ (११) ॥

से भि० त अहावेगइयाइं रूवाइं पासइ, तं गंथिमाणि वा वेढिमाणि वा पूरिमाणि वा संधाइमाणि वा कट्टकम्माणि वा पोत्थकम्माणि वा चित्तक० मणिकम्माणि दंतक० पत्तच्छिज्जकमाणि वा विविहाणि वा वेढिमाइं अन्नयराइं विरू० चक्खूदंसणपडियाए नो अभिसंधारिज्ज गमणाए, एवं नेयव्वं जहा सदपडिमा सव्वा वाइत्तवज्जा रूवपडिभावि । ३९४ । रूपसमसप्तकं ५ (१२) ॥

परिकिरियं अज्झत्थियं संसेसियं नो तं सायए नो तं नियमे, सिया से परो पाए आमज्जिज्ज वा प० नो तं सायए नो तं नियमे । से सिया परो पायाइं संबाहिज्ज वा पलिमद्विज्ज वा नो तं सायए नो तं नियमे । से सिया परो पायाइं कुसिज्ज वा रइज्ज वा नो तं सायए नो तं नियमे । से सिया परो पायाइं तिल्लेण वा ध० वसाए वा मक्खिज्ज वा अब्भंगिज्ज वा नो तं २ । से सिया परो पायाइं लुद्धेण वा कक्केण वा चुन्नेण वा वण्णेण वा उल्लोढिज्ज वा उव्वलिज्ज वा नो तं २ । से सिया परो पायाइं सीओदगवियडेण वा २ उच्छोलिज्ज वा

પહોલિજ્જ વા નો તં ૦ ૧ સે સિયા પરો પાયાઈં અન્નયરેણ વિલેવણજાણ આલિંપિજ્જ વા વિલિંપિજ્જ વા નો તં ૦ ૧ સે સિયા પરો પાયાઈં
 અન્નયરેણ ધૂવણજાણ ધૂવિજ્જ વા પથૂ ૦ નો તં ૦ ૨ ૧ સે સિયા પરો પાયાઓ આણુયં વા કંટયં વા નીહરિજ્જ વા વિસોહિજ્જ વા નો તં
 ૨ ૧ સે સિયા પરો પાયાઓ પૂયં વા સોણિયં વા નીહરિજ્જ વા વિસો ૦ નો તં ૦ ૧ સે સિયા પરો કાયં આમજ્જેજ્જ વા પમજ્જિજ્જ વા નો તં સાયણ
 નો તં નિયમે ૧ સે સિયા પરો કાયં લોટ્ટેણ વા સંવાહિજ્જ વા પલિમદ્દિજ્જ વા નો તં ૦ ૧ સે સિયા પરો કાયં તિલ્લેણ વા ઘ ૦ વ ૦ મક્કિજ્જ
 વા અભ્મંગિજ્જ વા નો તં ૦ ૨ ૧ સે સિયા પરો કાયં લુદ્ધેણ વા ૪ ઉલ્લોદ્ધિજ્જ વા ઉવ્વલિજ્જ વા નો તં ૦ ૧ સે સિયા પરો કાયં સીઓ ૦
 ઉસિણો ૦ ઉચ્છોલિજ્જ વા પ ૦ નો તં ૦ ૧ સે સિયા પરો કાયં અન્નયરેણ વિલેવણજાણ આલિંપિજ્જ વા ૨ નો તં ૦ ૧ સે ૦ કાયં અન્નયરેણ
 ધૂવણજાણ ધૂવિજ્જ વા પ ૦ નો તં ૦ ૧ સે ૦ કાયંસિ વણં આમજ્જિજ્જ વા ૨ નો તં ૨ ૧ સે ૦ વણં સંવાહિજ્જ વા પલિ ૦ નો તં ૦ ૧ સે ૦ વણં
 તિલ્લેણ વા ઘ ૦ મક્કિજ્જ વા અભ્મં ૦ નો તં ૦ ૧ સે ૦ વણં લુદ્ધેણ વા ૪ ઉલ્લોદ્ધિજ્જ વા ઉવ્વલેજ્જ વા નો તં ૦ ૧ સે સિયા પરો કાયંસિ વણં
 સીઓ ૦ ૩૦ ઉચ્છોલિજ્જ વા પ ૦ નો તં ૦ ૧ સે સિ ૦ વણં વા ગંડં વા અરં વા પુલયં વા ભગંદલં વા અન્નયરેણ સંથજાણં અચ્છિદિજ્જ
 વા વિચ્છિદિજ્જ વા નો તં ૦ ૧ સે સિયા પરો અન્ન ૦ જાણ અચ્છિંદિત્તા વા વિચ્છિંદિત્તા વા પૂયં વા સોણિયં વા નીહરિજ્જ વા વિ ૦ નો તં ૧
 સે ૦ કાયંસિ ગંડં વા અરં વા પુલયં વા ભગંદલં વા આમજ્જિજ્જ વા ૨ નો તે ૨ ૧ સે ૦ ગંડંવા ૪ સંવાહિજ્જ વા પલિ ૦ નો તં ૦ ૧ સે કાયંસિ
 ગંડં વા ૪ તિલ્લેણ વા ૩ મક્કિજ્જ વા ૨ નો તં ૦ ૧ સે ૦ ગંડં વા લુદ્ધેણ વા ૪ ઉલ્લોદ્ધિજ્જ વા ૩૦ નો તં ૦ ૧ સે ૦ ગંડં વા ૪ સીઓદગ ૨

उच्छोलिज्ज वा प० नो तं० । से० गंडं वा अन्नयेरेणं सत्थजाएणं अच्छिंदिज्ज वा वि० अन्न० सत्थ० अच्छिंदित्ता वा २ पूयं वा सोणियं वा नीह० वीसो० नो तं सायए २ । से सिया परो कायंसि सेयं वा जल्लंवा नीहरिज्ज वा वि० नो तं० । से सिया परो अच्छिमलं वा कण्णमलं वा दंतमलं वा नहम० नीहरिज्ज वा २ नो तं० २ । से सिया परो दीहाइं वालाइं दीहाइं वा रोमाइं दीहाइं भमुहाइं दीहाइं कक्खरोमाइं दीहाइं वत्थिरोमाइं कप्पिज्ज वा संठविज्ज वा नो तं० २ । से सिया परो सीसाओ लिक्खं वा जूयं वा नीहरिज्ज वा वि० नो तं० २ । से सिया परो अंकंसि वा पलियंकंसि वा तुयट्ठावित्ता पायाइं आमज्जिज्ज वा पम०, एवं हिट्ठिमो गमो पायाइ (णं) भाणियव्वो । से सिया परो अंकंसि वा २ तुयट्ठावित्ता हारं वा अब्धहारं वा उरत्थं वा गेवेयं वा मउडं वा पालंबं वा सुवन्नसुत्तं । आविहिज्ज वा पिणहिज्ज वा नो तं० २ । से० परो आरामंसि वा उज्जाणंसि वा नीहरित्ता वा पविसित्ता वा पायाइ आमज्जिज्ज वा० च० नो तं सायए० ॥ एवं नेयव्वा अन्नमन्नकिरियावि । ३९५ । से सिया परो सुद्धेणं असुद्धेणं वा वड्ढबलेण वा तेइच्छं आउट्टे से० असुद्धेणं वड्ढबलेण तेइच्छं आउट्टे से सिया परो गिलाणस्स सचित्ताणि वा कंदाणि वा मूलाणि वा तथाणि वा हरियाणि वा खणित्तु कट्ठित्तु वा कट्ठावित्तु वा तेइच्छं आउट्ठाविज्ज नो तं सा० २ । कडुवेयणा पाणभूयजीवसत्ता वेयणं वेइंति, एयं खलु० समिए० सया जए सेयमिणं मन्निज्जासित्तिबेमि । ३९६ । परक्रियासप्तसप्तकं ६ (१३) ॥ से भिक्खू वा २ अन्नमन्नकिरियं अज्झत्थियं संसेइयं नो तं सायए २ ॥ से अन्नमन्नं पाए आमज्जिज्ज वा० नो तं०, सेसं तं चेव, एवं खलु० जइज्जासित्तिबेमि । ३९७ । अन्योऽन्यांक्रेयासप्तसप्तकं ७ (१४) चूलिका २ ॥

તેણં કાલેણં તેણં સમણં સમણે ભગવં મહાવીરે પંચહત્થુત્તરે યાવિ હુત્થા, તંજહાહત્થુત્તરાહિં ચુણ ચઙ્ગા ગમ્મં વઙ્કંતે, હત્થુત્તરાહિં ગમ્માઓ ગમ્મં સાહરિણ, હત્થુત્તરાહિં જાણ, હત્થુત્તરાહિં (પ્ર૦ સવ્વઓ સવ્વત્તાણ) મુંડે ભવિત્તા અગારાઓ અણગારિયં પવ્વઙ્ગણ, હત્થુત્તરાહિં કસિણે પઙ્કિપુત્રે અવ્વાધાણ નિરાવરણે અણંતે અણુત્તરે કેવલવરનાણદંસણે સમુપ્પત્તે, સાઙ્ગા ભગવં પરિનિવ્વુણ ।૩૧૮। સમણે ભગવં મહાવીરે ઇમાઙ્ગ ઓસપ્પિણીણ સુસમસુસમાણ સમાણ વીઙ્કંતાણ સુસમાણ સમાણ વીઙ્કંતાણ સુસમદુસ્સમાણ સમાણ વીઙ્કંતાણ દુસમસુસમાણ સમાણ બહુવિઙ્કંતાણ પત્તહત્તરીણ વાસેહિં માસેહિં ય અદ્ધનવમેહિં સેસેહિં જે સે ગિમ્માણં ચત્થે માસે અદ્ધમે પક્કવે આસાઢસુદ્ધે તસ્સ ણં આસાઢસુદ્ધસ્સ છટ્ઠીપક્કવેણં હત્થુત્તરાહિં નક્કવત્તેણં જોમમુવાગણં મહાવિજય સિદ્ધત્થપુપ્ફુત્તરવરપુંડરીય દિસાસોવત્થિયવદ્ધમાણાઓ મહાવિમાણાઓ વીસં સાગરોવમાઙ્ગ આઝયં પાલઙ્ગા આઝક્કવણં ટિઙ્કવણં ભવક્કવણં ચુણ ચઙ્ગા ઇહ ચ્છલુ જંબુદ્ધીવે ણં દીવે ભારહે વાસે દાહિણઢ્ઢુભરહે દાહિણમાહણકુંડપુરસંનિવેસંમિ ઉસભદત્તસ્સ માહણસ્સ કોડાલસગોત્તસ્સ દેવાણંદાણ માહણીણ જાલંધરસગુત્તાણ સીહુમ્મવભૂણં અપ્પાણેણ કુચ્છિંસિ ગમ્મં વઙ્કંતે, સમણે ભગવં મહાવીરે તિન્નાણોવગણ યાવિ હુત્થા, ચઙ્ગામિત્તિ જાણઙ્ગ, ચુણમિત્તિ જાણઙ્ગ, ચયમાણે ન યાણેઙ્ગ, સુહમે ણં સે કાલે પત્તે, તઓ ણં સમણે ભગવં મહાવીરે હિયાણુકંપણં (પ્ર૦ અણુકંપણં) દેવેણં જીયમેયંતિકટ્ટુ જે સે વાસાણં તચ્ચે માસે પંચમે પક્કવે આસોયબહુલે તસ્સ ણં આસોયબહુલસ્સ તેરસીપક્કવેણં હત્થુત્તરાહિં નક્કવત્તેણં જોમમુવાગણં બાસીહિં રાઙ્ગિદિણં વઙ્કંતેહિં તેસીઙ્ગમસ્સ રાઙ્ગિદિયસ્સ પરિયાણ વટ્ટમાણે દાહિણમાહણકુંડપુરસંનિવેસાઓ

ઉત્તરખત્તિયકુંડપુરસંનિવેસંસિ નાયાણં યત્તિયાણં સિદ્ધત્થસ્સ યત્તિયસ્સ કાસવગુત્તસ્સ તિસલાએ યત્તિયાણીએ વાસિઠ્ઠસગુત્તાએ અસુભાણં
 પુગ્ગલાણં અવહારં કરિત્તા સુભાણં પુગ્ગલાણં પક્કવેવં કરિત્તા કુચ્છિંસિ ગબ્બં સાહરડ, જેવિ ય સે તિસલાએ યત્તિયાણીએ કુચ્છિંસિ
 ગબ્બે તંપિ ય દાહિણમાહણ કુંડપુરસંનિવેસંસિ ઉસં કોં દેવાં જાલંધરાયણગુત્તાએ કુચ્છિંસે ગબ્બં સાહરડ, સમણે ભગવં મહાવીરે
 તિન્નાણોવગાએ યાવિ હોત્થા સાહરિજ્ઞિસ્સામિત્તિ જાણડ સાહરિજ્ઞમાણે ન યાણડ સાહરિએમિત્તિ જાણડ સમણાઉસો । તેણં કાલેણં તેણં
 સમણં તિસલાએ યત્તિયાણીએ અહઽન્નયા કયાડ નવણં માસાણં બહુપડિપુત્રાણં અદ્ધટ્ટમાણ રાહંદિયાણં વીડકંતાણં જે સે ગિમ્માણં
 પઢમે માસે દુચ્ચે પક્કવે ચિત્તસુદ્ધે તસ્સ ણં ચિત્તસુદ્ધસ્સ તેરસીપક્કવેણં હત્થું જોગં સમણં ભગવં મહાવીરં અરોગ્ગા અરોગ્ગં પસૂયા ।
 જણ્ણં રાહં તિસલા ય્વં સમણં મહાવીરં અરોયા અરોયં પસૂયા તણ્ણં રાહંભવણવડ્ઢવાણમંતરજોડ્ઢસિયવિમાણવાસિદેવેહિં દેવીહિ ય
 ઉવયંતેહિં ઉપ્પયંતેહિ ય (પ્રં સંપયંતેહિ ય) એગે મહં દિવ્વે દેવુજ્જોએ દેવસન્નિવાએ દેવકહક્રહાએ ઉપ્પિંજલગભૂએ યાવિ હુત્થા । જણ્ણં
 રયણિં તિસલા ય્વં સમણં પસૂયા તણ્ણં રયણિં બહવે દેવા ય દેવીઓ ય એગં મહં અમયવાસં ચ ૧ ગંધવાસં ચ ૨ ચુન્નવાસં ચ ૩
 પુપ્ફવાં ૪ હિરન્નવાસં ચ ૫ રયણવાસં ચ ૬ વાસિંસુ, જણ્ણં રયણિં તિસલા ય્વં સમણં પસૂયા તણ્ણં રયણિં
 ભવણવડ્ઢવાણમંતરજોડ્ઢસિયવિમાણવાસિણો દેવા ય દેવીઓ ય સમણસ્સ ભગવઓ મહાવીરસ્સ સૂડકમ્માહં તિત્થયરાભિસેયં ચ કરિંસુ,
 જઓ ણં પભિડ્ઢ ભગવં મહાવીરે તિસલાએ ય્વં કુચ્છિંસિ ગબ્બં આગાએ (પ્રં આહાએ) તઓ ણં પભિડ્ઢ તં કુલં વિપુલેણં હિરન્નેણં સુવન્નેણં

धणेणं धन्नेणं माणिक्केणं मुत्तिएणं संखसिलप्पवालेण अईव २ परिवड्डइ, तओ णं समणस्स भगवओ महावीरस्स अभयिरो एयमड्डं जाणित्ता निव्वत्तदसाहंसि वुक्कंतंसि सुडभूयंसि विपुलं असणपाणखाइमसाइमं उवक्खडाविति २ ता मित्तनाइसयणसंबंधिवगं उवनिमंतंति मित्त० उवनिमंतित्ता बहवे समणमाहणकिवणवणीमगाहिं भिच्छुंडगपंडरगाईण विच्छडुंति विग्गोविति विस्साणिंति दायारेसु दाणं पज्जभाइंति विच्छडित्ता विग्गो० विस्साणित्ता दाया० पज्जभाइत्ता मित्तनाइ० भुंजाविति मित्त० भुंजावित्ता मित्त० वगणेण इममेयारुवं नामधिज्जं कारविति जओ णं पभिइ इमे कुमारे ति० ख० कुच्छिंसि गब्भे आहुए तओ णं पभिइ इमं कुलं विपुलेणं हिरन्नेणं संखसिलप्पवालेणं अतीव २ परिवड्डइ ता होउ णं कुमारे वद्धमाणे० तओ णं समणे भगवं महावीरे पंचधाइपरिवुडे, तं० खीरधाईए १ मज्जणधाईए २ मंडणधाईए ३ खेलावणधाईए ४ अंकथा ५ अंकाओ अंकं साहरिज्जमाणे रम्भे मणिकुट्टिमतले गिरि कंदरसमुल्लीणेविव चंपयपायवे अहाणुपुव्वीए संवड्डइ, तओ णं समणे भगवं विनायपरिणय (मित्ते) विणियत्तबालभावे अप्पुस्सुयाइं उरालाइं माणुस्सगाइं पंचलक्खणाइं काम भोगाइं सहफरिसरसरूवगंधाइं परियारेमाणे एवं च णं विहरइ । ३९९ । समणे भगवं महावीरे कासवगुत्ते तस्स णं इमे तिन्नि नामधिज्जा एवमाहिज्जंति, तंजहा अम्मापिउसंति वद्धमाणे १ सहसंमुइए समणे २ भीमं भयभेरवं उरालं अवे (य) लयं परीसहसहत्तिकट्टु देवेहिं से नामं कयं समणे भगवं महावीर ३, समणस्स णं भगवओ महावीरस्स पिथा कासवगुत्ते णं तस्स णं तिन्नि नाम० तं० सिद्धत्थेइ वा सिज्जंसेइ वा जसंसेइ वा, समणस्स णं० अम्मा वासिट्ठसगुत्ता तीसे णं तिन्नि ना०, तं० तिसंलाइ वा विदेहदिन्नाइ

॥ श्रीआचाराङ्ग सूत्र ॥

११९

पू. सागरजी म. संशोधित

वा पियकारिणीइ वा, समणस्स णं भ० पित्तिअए सुपासे कासवगुत्तेणं, समणं जिद्धे भाया नंदिवद्धणे कासवगुत्तेणं, समणस्स णं० जेद्धा भइणी सुदंसणा कासव (प्र० वि) गुत्तेणं, समणस्स णं भग० भज्जा जसोया कोडिन्ना गुत्तेणं, समणस्स णं० धूया कावस (प्र० वि) गुत्तेणं तीसे णं दो नामधिज्जा एवमा० अणुज्जाइ वा पियदंसणाइ वा, समणस्स णं भ० नत्तूई कोसिया गुत्तेणं तीसे णं दो नाम० तं० सेसवईइ वा जसवईइ वा । ४०० । समणस्स णं० ३ अम्मापियरो पासावच्चिज्जा समणोवासगा यावि हुत्था, ते णं बहूइं वासाइं समणोवासगपरियागं पालइत्ता छण्हं जीवनि कायाणं सारक्खणनिमित्तं आलोइत्ता निंदित्ता गरहित्ता पडिक्कमित्ता अहारिहं उत्तरगुणपायच्छित्ताइं पडिवज्जित्ता कुससंथारगं दुरुहित्ता भत्तं पच्चक्खायंति २ अपच्छिमाए मागणंतियाए संलेहणाए झुसियसरीरा कालमासे कालं किच्चा तं सरीरं विप्पजहित्ता अच्युए कप्पे देवत्ताए उववन्ना, तओ णं आउक्खाणं भव० ठिइ० चुए चइत्ता महाविदेहे वासे चरमेणं उस्सासेणं सिद्धिस्संति बुद्धिस्संति मुच्चिस्संति परिनिव्वाइस्संति सव्वदुक्खाणमंतं करिस्संति । ४०१ । तेणं कालेणं २ समणे भ० नाए नायपुत्ते नायकुलनिव्वत्ते विदेहे विदेहदिन्ने विदेहजच्चे विदेहसूमाले तीसं वासाइं विदेहंसित्ति (प्र० हेत्ति) कट्टु अगारमज्जे वसित्ता अम्मापिऊहिं कालगएहिं देवलोगमणुपत्तेहिं समत्तपइन्ने चिच्चा हिरन्नं चिच्चा सुवन्नं चिच्चा बलं चिच्चा वाहणं चिच्चा धणकणगरयणसंतसारसावइज्जं विच्छड्डित्ता विगोवित्ता विस्साणित्ता दायारेसु दाणं दाइत्ता परिभाइत्ता संवच्छरं दलइत्ता जे से हेमंताणं पढमे मासे पढमे पक्खे मग्गसिरबहुले तस्स णं मग्गसिरबहुलस्स दसमीपक्खणं हत्थुत्तरा० जोग० अभिनिक्खमणाभिप्पाए

यावि हुत्था । संवच्छरेण होहिइ अभिनिक्खमणं तु जिणवरिदस्स । तो अत्थसंपयाणं पवत्तई पुव्वसुराओ ॥ ११२ ॥ एगा हिरन्नकोडी
 अट्टेव अणूणगा सयसहस्सा । सूरुदयमाईयं दिज्जइ जा पायरासुत्ति ॥ ११३ ॥ तिन्नेव य कोडिसया अट्टासीइं च हुंति कोडीओ । असिइं
 च सयसहस्सा एयं संवच्छरे दिन्नं ॥ ११४ ॥ वेसमणकुंडधारी देवा लोगंतिया महिद्धीया । बोहिति य तित्थयरं पन्नरससु कम्मभूमीसु
 ॥ ११५ ॥ बंभंमि य कप्पंमी बोद्धव्वा कणहराइणो मज्जे । लोगंतिया विमाणा अट्टसु वत्था असंखिज्जा ॥ ११६ ॥ एए देवनिकाया भगवं
 बोहिति जिणवरं वीरं । सव्वजगज्जीवहियं अरिहं ! तित्थं पवत्तेहि ॥ ११७ ॥ तओ णं समणस्स भ० म० अभिनिक्खमणाभिप्पायं
 जाणित्ता भवणवइवा० जो० विमाणवासिणो देवा य देवीओ य सएहिं २ रूवेहिं सएहिं २ नेवत्थेहिं सएहिं २ चिंधेहिं सव्विद्धीए
 सव्वजुईए सव्वबलसमुदएणं सयाइं २ जाणविमाणाइं दुरुहंति सया० दुरुहित्ता अहाबायराइं पोग्गलाइं परिसाडंति २ अहासुहुमाइं
 पुग्गलाइं परियाइंति २ उड्डं उप्पयंति उड्डं उप्पइत्ता ताए उक्किट्टाए सिग्घाए चवलाए तुरियाए दिव्वाएदेवगईए अहेणं ओवयमाणा २
 तिरिएणं असंखिज्जाइं दीवसमुहाइं वीइक्कममाणा २ जेणेव जंबुदीवे दीवे तेणेव उवागच्छंति २ जेणेव उत्तरखत्तियकुंडपुरसंनिवेसे
 तेणेव उवागच्छंति उत्तरखत्तियकुंडपुरसंनिवेसस्स उत्तरपुरच्छिमे दिसीभाए तेणेव झत्ति वेगेण ओवइया, तओ णं सक्के देविंदे देवराया
 सणियं २ जाणविमाणं पट्टवेति (प्र० पच्चो० ठवेइ) सणियं २ जाण विमाणाओ पच्चोयरइ सणियं २ एगंतमवक्कमइ एगंतमवक्कमित्ता
 महया वेउव्विएणं समुग्घाएणं समोहणइ २ एगं महं नाणामणिकणगरयणभत्तिचित्तं सुभं चारु कंतरूवं देवच्छंदयं विउव्वइ, तस्स णं

देवच्छंदयस्स बहुमज्झदेसभाए एगं महं सपायपीढं नाणामणिकणयरयणभत्तिचित्तं सुभं चारुकंतरूवं सीहासणं विउव्वइ २ जेणेव समणे भगवं महावीरे तेणेव उवागच्छइ २ समणं भगवं महावीरं तिक्खुत्तो आयाहिणं पयाहिणं करेइ २ समणं भगवं महावीरं वंदइ नमंसइ २ समणं भगवं महावीरं गहाय जेणेव देवच्छंदए तेणेव उवागच्छइ सणियं २ पुरत्थाभिमुहं सीहासणे निसीयावेइ सणियं २ निसीयावित्ता सयपागसहस्सपागेहिं तिह्लेहिं अब्भंगेइ गंधकासाईएहिं उल्लोलेइ २ सुद्धोदएण मज्जावेइ २ जस्स णं मुल्लं सयसहस्सं णं तिपडोलत्तिट्ठिएणं साहिएणं सीतेण गोसीसरत्तचंदणेणं अणुलिंपइ २ ईसिं निस्सासवायवोज्झं वरनयरपट्टणुगयं कुसलनरपसंसियं अस्सलालापेलवं छेयारियकणगखइयंतकम्मं हंसलक्खणं पट्टजुयलं नियंसावेइ २ हारं अब्द्धहारं उरत्थं नेवत्थं एगावलिं पालंबसुत्तं पट्टमउडरयणमालाउ आविंधावेइ आविंधावित्ता गंथिमवेढिमपूरिमसंधाइमेणं मल्लेणं कप्परुक्खमिव समलंकरेइ २ ता दुच्चंपि महया वेउव्वियसमुग्घाएणं समोहणइ २ एगं महं चंदप्पहं सिबियं सहस्सवाहणियं विउव्वति, तंजहा ईहाभिगउसभतुरगनरमकरविहगवानर-कुं जररुरुसर भचमरसददूलसीहवणलयभत्तिचित्तलयविज्जाहरमिहुण जुयलजंतजोगजुत्तं अच्छीसहस्समालिणीयं सुनिरुवियं मिसिमिसिंतरूवगसहस्सकलियं ईसिं भिसमाणं भिब्भिसमाणं चक्खुल्लोयणलेसं मुत्ताहलमुत्ताजालंतरोवियं तवणीय पवरलंबूसपलंबंतमुत्तदामं हारब्द्धहारभूसणसमोणयं अहियपिच्छणिज्जं पउमलयभत्तिचित्तं असोगलयभत्तिचित्तं कुंदलयभत्तिचित्तं नाणालयभत्ति० विरइयं सुभं चारुकंतरूवं नाणामणिपंचवन्नघंटापडायपडिमंडियग्गसिहरं पासाईयं दरिसणिज्जं सुरूवं, सीया उवणीया

जिणवरस्स जरमरणविप्पमुक्कस्स । ओसत्तमल्लदामा जलथलयदिव्वकुसुमेहिं ॥ ११८ ॥ सिबियाइ मज्झयारे दिव्वं वररयणरुवचिंचइयं ।
सीहासणं महरिहं सपायपीढं जिणवरस्स ॥ ११९ ॥ आलइयमालमउडो भासुरबुंदी वराभरणधारी । खोभियवत्थनियत्थो जस्स य मुल्लं
सयसहस्सं ॥ १२० ॥ छट्ठेण उ भत्तेणं अज्झवसाणेण सुंदरे जिणो । लेसाहिं विसुज्झंतो आरुहई उत्तमं सीयं ॥ १२१ ॥ सीहासणे
निविट्ठो सक्कीसाणा य दोहि पासेहिं । वीयंति चाभराहिं मणिरयणविचित्तदंडाहिं ॥ १२२ ॥ पुव्विं उक्खित्ता माणुसेहिं साहट्ठु रोमकूवेहिं ।
पच्चा वहंति देवा सुरअसुरा गरुलनागिंदा ॥ १२३ ॥ पुरओ सुरा वहंति असुरा पुण दाहिणंमि पासंमि । अवरे वहंति गरुला नागा पुण
उत्तरे पासे ॥ १२४ ॥ वणसंडं व कुसुमियं पउमसरो वा जहा सरयकाले । सोहइ कुसुमभरेणं इय गगणायलं सुरगणेहिं ॥ १२५ ॥
सिद्धवत्थवणं व जहा कणयारवणं व चंपयवं वा । सोहइ कुसुमभरेणं इय गगणायलं सुरगणेहिं ॥ १२६ ॥
वरपडहभेरिझल्लरिसंखसयसहस्सिएहिं तुरेहिं । गगणायले धरणायले तुरनिनाओ परमरम्भो ॥ १२७ ॥ ततविततं घणझुसिरं आउज्जं
चउव्विहं बहुविहीयं । वाइंति तत्थ देवा बहूहिं आनट्ठगसएहिं ॥ १२८ ॥ तेणं कालेणं तेणं समएणं जे से हेमंताणं पढमे मासे पढमे
पक्खे मग्गसिरबहुले तस्स णं मग्गसिरबहुलस्स दसमीपक्खेणं सुव्वएणं दिवसेणं विजएणं मुहुत्तेणं हत्थुत्तरानक्खत्तेणं जोगोवगएणं
पाईणगाभिणीए छायाए बिइयाए (प्र० वियत्ताए) पोरिसीए छट्ठेणं भत्तेणं अपाणएणं एगसाडगमायाए चंदप्पभाए सिबियाए
सहस्सवाहिणियाए सदेवमणुयासुराए परिसाए समणिज्जमाणे उत्तरखत्तियकुंडपुरसंनिवेसस्स मज्झंमज्झेणं निगच्छ २ जेणेव नायसंडे

॥ श्रीआचाराङ्ग सूत्रं ॥

१२३

पू. सागरजी म. संशोधित

उज्जाणे तेणेव उवागच्छइ २ ईसिं रयणिप्पमाणं अच्छोप्पेणं भूमिभाएणं सणियं २ चंदप्पभं सिबियं सहस्सवाहिणिं ठवेइ २ सणियं २ चंदप्पभाओ सीयाओ सहस्सवाहिणीओ पच्चोयरइ २ सणियं २ पुरत्थाभिमुहे सीहासणे निसीयइ आभरणालंकारं ओमुअइ, तओ णं वेसमणे देवे जन्नु (५० भत्तु) व्वायपडिओ भगवओ महावीरस्स हंसलक्खणेणं पडेणं आभरणालंकारं पडिच्छइ, तओ णं समणे भगवं महावीरे दाहिणेणं दाहिण वामेणं वामं पंचमुट्ठियं लोयं करेइ, तओ णं सक्के देविंदे देवराया समणस्स भगवओ महावीरस्स जन्नुवायपडिए वइरामएणं थालेणं केसाइं पडिच्छइ २ अणुजाणेसि भंतेत्तिकट्टु खीरोयसागरं साहरइ, तओ णं समणे जाव लोयं करित्ता सिद्धाणं नमुक्कारं करेइ २ सव्वं मे अकरणिज्जं पावकम्भंतिकट्टु सामाइयं चरित्तं पडिवज्जइ २ देवपरिसं च मणुयपरिसं च आलिक्खचित्तभूयमिव ठवेइ दिव्वो मणुस्सघोसो तुरियनिनाओ य सक्कवयणेणं । खिप्पामेव निलुक्को जाहे पडिवज्जइ चरित्तं ॥१२९॥ पडिवज्जितु चरित्तं अहोनिंसं सव्वपाणभूयहियं । साहट्टु लोमपुलया सव्वे (५० पयया) देवा निसामिंति ॥ १३० ॥ तओ णं समणस्स भगवओ महावीरस्स सामाइयं खओवसमियं चरित्तं पडिवन्नस्स मणपज्जवनाणे नामं नाणे समुपन्ने अट्ठाइज्जेहिं दीवेहिं दोहि य समुद्देहिं सत्रीणं पंचिदयाणं पज्जत्ताणं वियत्तमणसाणं मणोगयाइं भावाइं जाणेइ । तओ णं समणे भगवं महावीरे पव्वइए समाणे मित्तणाइसयणसंबंधिवग्गं पडिविसज्जेइ, २ इमं एयारुवं अभिग्गहं अभिगिण्हइ बारस वासाइं वोसट्टुकाए चियत्तदेहे जे केइ उवसग्गा समुप्पज्जिस्संति, तंजहा दिव्वा वा माणुस्सा वा तेरिच्छिया वा, ते सव्वे उवसग्गे समुप्पन्ने समाणे सम्भं सहिस्सामि खमिस्सामि

अहिआसइस्सामि, तओ णं० स० भ० महावीरे इमं एयारूवं अभिगगहं अभिगिणिहत्ता वोसिट्ठचत्तदेहे दिवसे मुहुत्तसेसे कु (प्र० क)
 म्मा (प्र० मा) रगामं समणुपत्ते, तओ णं स० भ० म० वोसिट्ठचत्तदेहे अणुत्तरेणं आलएणं अणुत्तरेणं विहारेणं एवं संजमेणं पग्गहेणं
 संवेरणं तवेणं बंभचेरवासेणं खंतीए मुत्तीए समिईए गुत्तीए तुट्ठीए ठाणेणं कमेणं सुचरियफलनिव्वाणमुत्तिमग्गेणं अप्पाणं भावेमाणे
 विहरइ, एवं वा विहरमाणस्स जे केइ उवसग्गा समुप्पज्जंति तं० दिव्वा वा माणुस्सा वा तिरिच्छिया वा, ते सव्वे उवसग्गे समुप्पन्ने
 समाणे अणाउले अव्वहिए अददीणमाणसे तिविहमणवयणकायगुत्ते सम्मं सहइ खमइ तित्तिक्खइ अहियासेइ, तओ णं समणस्स
 भगवओ महावीरस्स एएणं विहारेणं विहरमाणस्स बारस वासा वीइक्कंता तेरसमस्स य वासस्स परियाए वट्टमाणस्स जे से गिम्हाणं
 पोरिसीए जंभियगामस्स नगरस्स बहिया नईए उज्जुवालियाए उत्तरकूले सामागस्स गाहावइस्स कट्टकरणंसि उड्डंजाणूअहोसिरस्स
 झाणकोट्टोवगयस्स वेयावत्तस्स चेइयस्स उत्तरपुरच्छिमे दिसीभागे सालरूक्खस्स अदूरसामंते उक्कुडुयस्स गोदोहियाए आयावणाए
 आयावेमाणस्स छट्ठेणं भत्तेणं अपाणाएणं सुक्कज्झाणंतरियाए वट्टमाणस्स निव्वाणे कसिणे पडिपुन्ने अव्वाहए निरावरणे अणंते अणुत्तरे
 केवलवरणाणदंसणे समुप्पन्ने, से भगवं अरहं जिणे (प्र० जाणाए) केवली सव्वन्नू सव्वभावदरिसी सदेवमणुयासुरस्स लोगस्स पज्जाए
 जाणइ, तं आगइं गइं ठिइं चयणं उववायं भुत्तं पीयं कडं पडिसेवियं आविकम्मं रहोकम्मं लवियं कहियं मणोमाणसियं सव्वलोए
 सव्वजीवाणं सव्वभावाइं जाणमाणे पासमाणे एवं च णं विहरइ, जणं दिवसं समणस्स भगवओ महावीरस्स निव्वाणे कसिणे (प्र०

निच्यप्पणो, णिच्यणे) जाव समुप्पन्ने तण्णं दिवसं भवणवड्वाणमंतरजोइसियविमाणवासिदेवेहि य देवीह य उवयंतेहिं जाव उप्पिंजलगम्भूए यावि हुत्था, तओ णं समणे भगवं महावीरे उप्पन्नवरनाणदंसणधरे अप्पाणं च लोगं च अभिसमिक्ख पुव्वं देवाणं धम्ममाइक्खइ, ततो पच्छा मणुस्साणं, तओ णं समणे भगवं महावीरे उप्पन्ननाणदंसणधरे गोयमाईणं समणाणं पंच महव्वयाइं सभावणाइं छज्जीवनिकाया आतिक्खति भासइ०, परूवेइ, तं० पुढविकाए जाव तसकाए, पढमं भंते! ते, महव्वयं पच्चक्खामि सव्वं पाणाइयायं से सुहुम वा बायरं वा तसं वा थावरं वा नेव सेयं पाणाइवायं करिज्जा ३ जावज्जीवाए तिविहंतिविहेण मणसा वयसा कायसा तस्स भंते, पडिक्कमामि निंदामि गरिहामि अप्पाणं वोसिरामि, तस्सिमाओ पंच भावणाओ भवंति, तत्थिमा पढमा भावणा ईरियासमिए से निगंथे नो अणईरियासमिएत्ति, केवली बूया अणईरियासमिए से निगंथे पाणाइं भूयाइं जीवाइं सत्ताइं अभिहणिज्ज वा वत्तिज्ज वा परियाविज्ज वा लेसिज्ज वा उद्विज्ज वा, ईरियासमिए से निगंथे नो ईरियाअसमिइत्ति पढमा भावणा १ । अहावरा दुच्चा भावणा मणं परियाणइ से निगंथे, जे य मणे पावए सावज्जे सकिरिए अणहयकरे छेयकरे भेयकरे अहिगरणिए पाउसिए पारियाविए पाणाइवाइए भूओवधाइए, तहप्पगारं मणं नो पधारिज्जा गमणाए, मणं परिजाणइ से निगंथे, जे य मणे अपावएत्ति दुच्चा भावणा २ । अहावरा तच्चा भावणा वडं परिजाणइ से निगंथे, जा य वई पाविया सावज्जा सकिरिया जाव भूओवधाइया तहप्पगारं वडं न उच्चारिज्जा, जे वडं परिजाणइ से निगंथे, जा य वई अपावियत्ति तच्चा भावणा ३ । अहावरा चउत्था भावणा आयाणभंडमत्तनि-

क्खेवणासमिए से निगंथे, नो अणायाणभंडमत्तनिक्खेवणासमिए, केवली बूया आयाणभंडमत्तनिक्खेवणासमिए से निगंथे पाणाइं भूयाइं जीवाइं सत्ताइं अभिहणिज्जा वा जाव उद्विज्ज वा, तम्हा आयाणभंडमत्तनिक्खेवणासमिए से निगंथे, नो आयाणभंडनिक्खेवणासमिएत्ति चउत्था भावणा ४ । अहावरा पंचमा भावणा - आलोइयपाणभोयणभोई से निगंथे, नो अणालोइयपाणभोयणभोई, केवली बूया अणालोइयपाणभोयणभोई से निगंथे पाणाणि वा ४ अभिहणिज्ज वा जाव उद्विज्ज वा, तम्हा आलोइयपाणभोयणभोई से निगंथे, नो अणालोइयपाणभोयणभोईत्ति पंचमा भावणा ५ । एयावता पढमे महव्वए सम्मं काएण फासिए पालिए तीरिए किट्टिए अवट्टिए आणाए आराहिए यावि भवइ, पढमे भंते ! महव्वए पाणाइवायाओ वेरमणं ॥ अहावरं दुच्चं महव्वयं पच्चक्खामि सव्वं मुसावायं वइदोसं, से कोहा वा लोहा वा भया वा हासा वा नेव सयं मुसं भासिज्जा नेवन्नेणं मुसं भासाविज्जा अन्नं पि मुसं भासंतं न समणुमत्तिज्जा तिविहं तिविहेणं मणसा वयसा कायसा, तस्स भंते ! पडिक्कमामि जाव वोसिरामि, तस्सिमाओ पंच भावणाओ भवंति तत्थिमा पढमा भावणा अणुवीइभासी से निगंथे, नो अणणुवीइभासी, केवली बूया अणणुवीइभासी से निगंथे समावज्जिज्ज मोसं वयणाए, अणुवीइभासी से निगंथे नो अणणुवीइभासित्ति पढमा भावणा १ । अहावरा दुच्चा भावणा कोहं परियाणइ से निगंथे नो कोहणे सिया, केवली बूया कोहप्पत्ते कोही समावइज्जा मोसं वयणाए, कोहं परियाणइ से निगंथे न य कोहणे सियत्ति दुच्चा भावणा २ । अहावरा तच्चा भावणा लोभं परियाणइ से निगंथे नो अ लोभणाए सिया, केवली बूयालोभप्पत्ते

लोभी समावड़ (प्र० जि) ज्जा मोसंवयणाए, लोभं परियाणइ से निगंथे नो य लोभणए सियत्ति तच्चा भावणा ३ । अहावरा चउत्था भावणा भयं परिजाणइ से निगंथे नो भयभीरुए सिया, केवली बूया भयपत्ते मीरु समावड़ज्जा मोसं वयणाए, भयं परिजाणइ से निगंथे नो भयभीरुए सिया चउत्था भावणा ४ । अहावरा पंचमा भावणा हासं परियाणइ से निगंथे नो य हासणए सिया, केव० हासपत्ते हासी समावड़ज्जा मोसं वयणाए, हासं परियाणइ से निगंथे नो हासणए सियत्ति, पंचमा भावणा ५ । एतावता दोच्चे महव्वए सम्मं काएण फासिए जाव आणाए आराहिए यावि भवइ, दुच्चे भंते ! महव्वए० ॥ अहावरं तच्चं भंते ! महव्वयं पच्चक्खामि सव्वं अदिन्नादाणं से गामे वा नगरे वा रत्ते वा अप्पं वा बहं वा अणुं वा थूलं वा चित्तमंतं वा अचित्तमंतं (प्र० मंतमचित्तं) वा नेव सयं अदिन्नं गिण्हज्जा नेवत्तेहिं अदिन्नं गिण्हाविज्जा अदिन्नं अन्नंपि गिण्हंतं न समणुजाणिज्जा जावज्जीवाए जाव वोसिरामि, तस्सिमाओ पंच भावणाओ भवंति, तत्थिमा पढमा भावणा अणुवीइ मिउग्गहं जाइ से निगंथे नो अणुवीइ मिउग्गहं जाइ से निगंथे, केवली बूया अणुवीइ मिउग्गहं जाइ निगंथे अदिन्नं गिण्हेज्जा, अणुवीइ मिउग्गहं जाइ से निगंथे नो अणुवीइ मिउग्गहं जाइत्ति पढमा भावणा १ । अहावरा दुच्चा भावणा अणुन्नवियपाणभोयणभोई से निगंथे नो अणुन्नविअपाणभोयणभोई, केवली बूया अणुन्नवियपाण-भोयणभोई से निगंथे अदिन्नं भुंजिज्जा, तम्हा अणुन्नवियपाणभोयणभोई से निगंथे नो अणुन्नवियपाणभोयणभोईति दुच्चा भावणा २ । अहावरा तच्चा भावणा निगंथे णं उग्गहंसि उग्गहियंसि एतावतावउग्गहणसीलए सिया, केवली बूया निगंथे णं उग्गहंसि

अणुगगहियंसि एतावताअणुगगहणसीले अदित्रं ओगिणिहज्जा, निगंथे णं उगगहं उगगहियंसि एतावतावउगगहणसीले (प्र० सिय) त्ति तच्चा भावणा ३ । अहावरा चउत्था भावणा निगंथे णं उगगहंसि उगगहियंसि अभिक्खणं २ उगगहणसीले सिया, केवली बूया निगंथे णं उगगहंसि० अभिक्खणं २ अणुगगहणसीले अदित्रं गिणिहज्जा, निगंथे उगगहंसि उगगहियंसि अभिक्खणं २ उगगहणसीलेत्ति चउत्था भावणा ४ । अहावरा पंचमा भावणा अणुवीइमिउगगहजाई से निगंथे साहम्मिएसु, नो अणुवीइमिउगगह जाई, केवली बूया अणुवीइ मिउगगहजाई से निगंथे साहम्मिएसु अदित्रं उगिणिहज्जा, अणुवीइमिउगगहजाई से निगंथे साहम्मिएसु नो अणुवीइमिउगगहजाती, इइ पंचमा भावणा ५, एतावया तच्चे महव्वए सम्भं जाव आणाए आराहिए यावि भवइ, तच्चं भंते ! महव्वयं० ॥ अहावरं चउत्थं महव्वय पच्चक्खामि सव्वं मेहुणं, से दिव्वं वा माणुस्सं वा तिरिक्खजोणियं वा नेव सयं मेहुणं गच्छेज्जा तं चेवं अदित्रादाणवत्तव्वया भाणियव्वा जाव वोसिरामि, तस्सिमाओ पंच भावणाओ भवन्ति, तत्थिमा पढमा भावणा नो निगंथे अभिक्खणं २ इत्थीणं कहं कहित्तए सिया, केवली बूया निगंथे णं अभिक्खणं २ इत्थीणं कहं कहेमाणे संतिभेया संतिविभंगा संतिकेवलिपन्नत्ताओ धम्माओ भंसिज्जा, नो निगंथे णं अभिक्खणं २ इत्थीणं कहं कहित्तए सियत्ति पढमा भावणा १ । अहावरा दुच्चा भावणा नो निगंथे इत्थीणं मणोहराइं २ इंदियाइं आलोइत्तए निज्झाइत्तए सिया, केवली बूया निगंथे णं इत्थीणं मणोहराइं २ इंदियाइं आलोएमाणे निज्झाएमाणे संतिभेया संतिविभंगा जाव धम्माओ भंसिज्जा, नो निगंते इत्थीणं मणोहराइं २ इंदियाइं आलोइत्तए

निज्झाइत्तए सियत्ति दुच्चा भावणा २ । अहावरा तच्चा भावणा नो निग्गंथे इत्थीणं पुव्वरयाइं पुव्वकीलियाइं सुमरित्तए सिया, केवली बूया निग्गंथे णं इत्थीणं पुव्वरयाइं पुव्वकीलियाइं सरमाणे संतिभेया जाव भंसिज्जा, नो निग्गंथे इत्थीणं पुव्वरयाइं पुव्वकीलियाइं सरित्तए सियत्ति तच्चा भावणा ३ । अहावरा चउत्था भावणा नाइमत्तपाणभोयणभोई से निग्गंथे न पणीयरसभोयणभोई से निग्गंथे, केवली बूया अइमत्तपाणभोयणभोई से निग्गंथे पणीयरसभोयणभोई संति० त्ति चउत्था भावणा ४ । अहावरा पंचमा भावणा नो निग्गंथे इत्थीपसुपंडसंसत्ताइं सयणासणाइं सेवित्तए सिया, केवली बूया निग्गंथे णं इत्थीपसुपंडगसंसत्ताइं सयणासणाइं सेवेमाणे संतिभेया जाव भंसिज्जा, नो निग्गंथे इत्थीपसुपंडगसंसत्ताइं सयणासणाइं सेवित्तए सियत्ति पंचमा भावणा ५, एतावया चउत्थे महव्वए सभ्मं काएण फासिए जाव आराहिए यावि भवइ, चउत्थं भंते ! महव्वयं० ॥ अहावरं पंचमं भंते ! महव्वयं सव्वं परिग्गहं पच्चक्खामि से अप्पं वा बहं वा अणुं वा थूलं वा चित्तमंतमचित्तं वा नेव सयं परिग्गहं गिण्हज्जा नेवन्नेहिं परिग्गहं गिण्हाविज्जा अन्नंपि परिग्गहं गिण्हंतं न समणुजाणिज्जा जाव वोसिरामि, तस्सिमाओ पंच भावणाओ भवन्ति, तत्थिमा पढमा भावणा सोयओ णं जीवे मणुन्नामणुन्नाइं सद्दाइं सुणेइ मणुन्नामणुन्नेहिं सद्देहिं नो सज्जिज्जा नो रज्जिज्जा नो गिज्जेज्जा नो मुज्झि (च्छे) ज्जा नो अज्झोवज्जिज्जा नो विणिघायमावज्जेज्जा, केवली बूया निग्गंथे णं मणुन्नामणुन्नेहिं सद्देहिं सज्जमाणे रज्जमाणे जाव विणिघायमावज्जमाणे संतिभेया संतिविभंगा संतिकेवलिपन्नत्ताओ धम्माओ भंसिज्जा, न सक्का न सोउ सद्दा, सोतविसयमागया । रागदोसा उ जे तत्थ, ते भिक्खू परिवज्जाए ॥ १३१ ॥ सोयओ जीवे

॥ श्रीआचाराङ्ग सूत्रं ॥

१३०

पू. सागरजी म. संशोधित

मणुत्रामणुत्रां सदां सुणेइ० पढमा भावणा १ । अहावरा दुच्या भावणा चक्खूओ जीवो मणुत्रामणुत्रां रुवां पासइ मणुत्रामणुत्रेहिं रुवेहिं सज्जमाणे जाव विणिधायमावज्जमाणे संतिभेया जाव भंसिज्जा, न सक्का रुवमद्दुं, चक्खुविसयमागयं । रागदोसा उ जे तत्थ, ते भिक्खू परिवज्जए ॥ १३२ ॥ चक्खूओ जीवो मणुत्रा २ रुवां पासइ०, दुच्या भावणा । अहावरा तच्चा भावणा घाणओ जीवे मणुत्रा २ इं गंधां अगघायइ मणुत्रामणुत्रेहिं गंधेहिं नो सज्जिज्जा नो रज्जिज्जा नो जाव नो विणिधायमावज्जिज्जा, केवली बूया मणुत्रामणुत्रेहिं गंधेहिं सज्जमाणे जाव विणिधायमावज्जमाणे संतिभेया जाव भंसिज्जा, न सक्का गंधमग्घाउं, नासाविसयमागयं । रागदोसा उ जे तत्थ, ते भिक्खू परिवज्जए ॥ १३३ ॥ घाणओ जीवो मणुत्रा २ इं गंधां अगघायइ० ति तच्चा भावणा ३ । अहावरा चउत्था भावणा जिब्भाओ जीवो मणुत्रा २ इं रसां अस्साएइ, मणुत्रामणुत्रेहिं रसेहिं नो सज्जिज्जा जाव नो विणिधायमावज्जिज्जा, केवली बूया निगंथे णं मणुत्रामणुत्रेहिं रसेहिं सज्जमाणे जाव विणिधायमावज्जमाणे संतिभेया जाव भंसिज्जा नसक्का रसमणासाउं, जीहा विसयमागयं । रागदोसा उ जे तत्थ, ते भिक्खू परिवज्जए ॥ १३४ ॥ जीहाओ जीवो मणुत्रा २ इं रसां अस्साएइ० ति चउत्था भावणा ४ । अहावरा पंचमा भावणा फासओ जीवो मणुत्रा २ इं फासां पडिसेवेइ मणुत्रामणुत्रेहिं फासेहिं नो सज्जिज्जा जाव नो विणिधायमावज्जिज्जा, केवली बूया निगंथे णं मणुत्रामणुत्रेहिं फासेहिं सज्जमाणे जाव विणिधायमावज्जमाणे संतिभेया संतिविभंगा संतिकेवलिपन्नत्ताओ धम्माओ भंसिज्जा, न सक्का फासमवेएउं, फासविसयमागयं० । रागदोसा० ॥ १३५ ॥ फासओ जीवो मणुत्रा २ इं फासां पडिसंवेएत्ति

पंचमा भावणा ५ । एतावता पंचमे महव्वते सम्मं. अवट्टिए आणाए आराहिए यावि भवइ, पंचमं भंते ! महव्वयं० ! इच्चेएहिं पंचमहव्वएहिं
पणवीसाहि य भावणाहिं संपन्ने अणगारे अहासुयं अहाकप्पं अहामगं सम्मंकाएण फासित्ता पालित्ता तीरित्ता किट्टित्ता (५० अवट्टित्ता)
आणाए आराहित्ता यावि भवइ । ४०२ । भावनाध्ययनं १ (१५) चूलिका ३ ॥

अणिच्चमावासमुविंति जंतुणो, पलोयए सुच्चमिणं अणुत्तरं । विउस्सिरे विन्नु अगारबंधणं, अभीरु आरंभपरिगहं चए
॥१३६॥ तहागयं भिक्खूमणंतसंजयं, अणेलिसं विन्नु चरंतमेसणं । तुदंति वायाहिं अभिद्वं नरा, सरेहिं संगामगयं व कुंजरं ॥१३७॥
तहप्पगारेहिं जणेहिं हीलिए, ससदफासा फरुसा उईरिया ॥ तित्तिक्खए नाणि अदुट्ठचेयसा, गिरिव्व वाएण न संपवेयए ॥१३८॥
उवेहमाणे कुसलेहिं संवसे, अकंतदुक्खी तसथावरा दुही । अलूसए सव्वसहे महामुणी, तहा हि से सुस्समणे समाहिए ॥१३९॥
विऊनए धम्मपयं अणुत्तरं, विणीयतण्हस्स मुणिस्स झायओ ॥ समाहियस्स ऽग्गिसिहा व तेयसा, तवो य पत्ता य जसो य वड्डइ ॥१४०॥
दिसोदिसंडणंतजिणेण ताइणा, महव्वया खेमपया पवेइया । महागुरु निस्सयरा उईरिया, तमेव तेउत्तिदिसं पगासगा ॥१४१॥ सिएहिं
भिक्खू असिए परिव्वए, असज्जमित्थीसु चइज्ज पूयणं । अणिरिस्सओ लोगमिणं तहा परं न मिज्जई कामगुणेहिं पंडिए ॥१४२॥ तहा
विमुक्कस्स परिन्नचारिणो, धिईमओ दुक्खखमस्स भिक्खुणो । विसुज्जई जंसि मलं पुरेकडं, समीरियं रुप्पमलं व जोइणा ॥१४३॥ से
हू परिन्नासमयंमि वड्डइ, निराससे उवरयमेहुणे चरे । भुयंगमे जुन्नतयं जहा चए, विमुच्चई से दुहसिज्ज माहणे ॥१४४॥ जमाहु ओहं

सलिलं अपारयं, महासमुद्रं व भुयाहि दुत्तरं । अहे य (प्र० अज्जेव) णं परिजाणाहि पंडिए, से हू मुणी अंतकडेत्ति वुच्चई ॥ १४५ ॥
 जहा हि बद्धं इह माणवेहिं, जहा य तेसिं तु विमुक्ख आहिए । अहा तहा बन्धविमुक्ख जे विऊ, से हू मूणी अंतकडेत्ति वुच्चई ॥ १४६ ॥
 इमंमि लोए परए य दोसुवि, न विज्जई बंधण जस्स किंचिवि । से हू निरालंबणमप्पइट्टिए, कलंकलीभावपहं विमुच्चइ ॥ १४७ ॥
 त्तिबेमि । विमुक्तयध्ययनं १६ (२५) चूलिका ४ ॥ इति श्री आचाराङ्गम सूत्रं संपूर्णं । प्रभु महावीर स्वामीनीपट्ट परंपरानुसार कोटीगण-
 वैरी शाखा- चान्द्रकुल प्रचंड प्रतिभा संपन्न, वादी विजेता परमोपास्य पू. मुनि श्री झवेरसागरजी म.सा. शिष्य बहुश्रुतोपासक-सैलाना
 नरेश प्रतिबोधक-देवसूर तपागच्छ-समाचारी संरक्षक-आगमोद्धारक पूज्यपाद आचार्य देवेश श्री आनंदसागर सूरेश्वरजी महाराजा
 शिष्य प्रौढ़ प्रतापी, सिद्धचक्रआराधक समाज संस्थापक पूज्यपाद आचार्य श्री चन्द्रसागर सूरेश्वरजी म.सा. शिष्य चारित्र चूडामणी,
 हास्यविजेता-मालवोद्धारक महोपाध्याय श्री धर्मसागरजी म.सा. शिष्य आगमविशारद-नमस्कार महामंत्र समाराधक पूज्यपाद पंन्यासप्रवर
 श्री अभयसागरजी म.सा. शिष्य शासन प्रभावक-नीडर वक्ता पू. आ. श्री अशोकसागर सूरिजी म.सा. शिष्य परमात्म भक्तिरसभूत पू.
 आ. श्री जिनचन्द्रसागर सू.म.सा. लघु गुरु भ्राता प्रवचन प्रभावक पू. आ. श्री हेमचन्द्रसागर सू.म. शिष्य पू. गणिवर्य श्री पूर्णचन्द्र
 सागरजी म.सा. आ आगमिक सूत्र अंगे सं. २०५८/५९/६० वर्ष दरम्यान संपादन कार्य माटे महेनत करी प्रकाशक दिने पू. सागरजी
 म. संस्थापित प्रकाशन कार्यवाहक जैनानंद पुस्तकालय सुरत द्वारा प्रकाशित करेल छे.

प्रशस्ति

१३३

संपादक श्री



